


غار النبی

دیوان بالعامیة: قصیدہ واحدہ فی مدح سید البریة



شعر : إبراءہیم رضوان



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كلياً أو جزئياً بأي شكل وأي وسيلة سوف يقع تحت طائلة المسائلة القانونية.

غار النبي ..



دار الأديب للطبع والنشر والتوزيع غار النبي .. (الطبعة الأولى) ابراهيم رضوان 2021/15798 بدار الكتب المصرية 978-977-6909-04-5 تصميم واخراج .. دار الأديب .	اسم الدار اسم الديوان اسم الشاعر رقم الإيداع الترقيم الدولي الإخراج الفني .. والغلاف
 daraladeeb@Gmail.com Tel: 002- 01014449164	



غار النبي ..



إلى : المولى عز وجل
وإلى المصطفى الهادي الأمين
عليه أفضل الصلاة وأزكى السلام.

إبراهيم رضوان..



غار النبي ..



كان قبل ما يخرج طه رسول الله..
من حضن الدار
بيبل الريق من قلة صبر على الشباك ..
بتنادي عليه
وبتهمس ليه ..
إنها بتبل الريق ..
من أول نظرة نور لعنيه
ساعة ما يقوم .. م النوم ملهوف
ولاخوف هايبان ..
في شوارع مكة الطاهره عليه ..
من ناس كفار
كان قبل ما يخرج طه رسول الله..
من حضن الدار
يتوضى .. ويصبح دمع العين للكون أنهار
ويبص لنور حواليه مزروع
اللقمه في إيده بسيطه..
بسيطه .. ازاي هايجوع
والرب بيزرع جوه عروقه حصاد
والضي في جيبه صبح زواد
وان زاد عن حده .. هايوصل للملايين



غار النبي ..



الوحي مازال في القلب حنين
الوحي مازال في القلب جنين
مستتي لحد ماروحه تنول
ولحد إله الكون ما يقول ..

إن المبعوث للدنيا رسول .. إنه المختار
كان قبل ما يخرج طه رسول الله..
من حضن الدار
بيبص بروحه على النايمين
ويسمي عليهم واحد .. واحد..
صوته في روجه حنين في حنين .. يهمس بأنين ..
أنا عبد الله .. وأمين الله .. وحبیب الله
شایل في الروح قرآن وحديث
جبريل للقلب الصافي جليس
رحمن الدنيا لروحي ونيس
وما ليش اصحاب غير الأصحاب
أنا لي في كل بيوتكم باب
إفتحوا علشان قلوبكوا عشان ترتاح
خلوا في الجيب دايم مفتاح
ولا بد تسموا بإسم الله



غار النبي ..



وتعيشوا في ضي آيات النور
وتدوسوا الزور
ولا ترموا البذر في أرض البور
وتخلوا الروح مليانه زهور
أنا عبد الله
جايب علشانكوا كتاب محفوظ
هايخلي الكل يفوز ويفوز
وهايوصل بيكو لجنه براح
أرجوكم خلّوا الآيه سلاح

* و لا نقدر.. ننول منك

حناتك إلا بالطاعه

إذا بعدنا في يوم عنك

بتصبح روحنا .. ملتاعه

* و لا نقدر.. ننول رزقك

يا خالق روحنا غير برضاك

إذا القلب الغريب فارقك

يخاف يارب من لقياك



غار النبي ..



* و لا نقدر.. ننول رحمه
بدون ما تكون .. قلوبنا براح
يانسمه لروحنا .. في الزحمة
يا باب مفتوح..لروح سواح

* و لا نقدر ننول حسنات..
ونهر الليل .. بيشربنا
يا حامي روحنا .. م الزلات
لطفه حبيبنا ..قربنا

* و لا نقدر .. ننول جنه
بدون الآيه .. والأحاديث
ليلاتي الروح .. بتتمنى
تكون للهادي .. أحلى جليس

يمشي ببساطه في صحن الدار
وكان الدنيا بتهمس ليه ..الله
ملك الأحباب
زين الأصحاب
يتفتح الباب



غار النبي ..



يخرج والهاله بتحضن قلب حبيب الروح

والباب يفضل مفتوح

وان غاب .. ينقل الباب

الأرض بترجف ..

ويا خطاوي الصبر على الطرقات

السيد فات ..

ماشي وكأنه نسيم مبعوث

بيمد إيديه لفروع التوت .. تصبح أشجار

ويمد إيديه لنجوم الخير .. تصبح أنهار

وينادي لكل الناس في حنان و أمان و حنين

يا عباد الله .. يا أساس الدين

وحياة المولى ..

لا تصفى قلوبكم للإسلام

كونوا الأعلام .. مرفوعه لدين الله

أنا ليكو إمام .. لو واحد تاه

وسلام على كل القوم

يا حبايبي خلاص .. إصحوا م النوم

وافتحوا أرواحكوا لنور الله

وانزلوا يا اصحابي في نهر ضياه



غار النبي ..



* كل الدعاء .. عباده

إوعدنى باستجابته

كل السجود .. سعاده

إتوصى بالغلابه

* الدعوه الصادقه .. تهمس

توصل كل اتجاه

لو من مظلوم .. بتلمس

سمواتك .. يا إله

* الدعوه (براق) بيوصل

لسحابه السحاب

كل الأمور بتحصل

بصوره م الكتاب

* يارب .. خد بإيدنا

ما تحوجناش لغير

خللي القرآن يفيدنا

ويكون أعظم ضمير



غار النبي ..



* في لحظة التجلي

الدعوه .. بتبقى خير

ما بين إيديك .. بصلي

إرحمني يا قدير

باعث في تحيه لكل الناس

قلبه الحساس

بيدق في كل قلوب الكون

دايما في العون .. لو حتى غريب

ماشى وكأنه لتعب الأرض طبيب ..

ماشى العدنان ..

مش داري بغير السما والكون

ماشى العدنان .. والله في العون

البعض بقلبه مآمن بيه

والبعض بيرفض حتى بروحه .. يفكر فيه

وما زلت يا طه الحب بتنده للعشاق

مش طابق أبدا حتى فراق

بتشبع في المحتاج ..

وتكثر في الأسماء

والأرض ما زالت بصّه عليك يا رسول



غار النبي ..



بتوقولك ان الرزق ها يصبح بكره سيول
والدنيا هاتنطق إسمك ..
كل الناس هاتصللي عليك .. وتبوس في إيديك
وتزورك بعد الهجره لحد نهاية الكون
وهاتبقى لكل الناس في العون
سيبك م العاصي ان كان مجنون
وافضل يا حبيبي في ضل الله
إتهجى ضياه وإرسم على كل الدنيا سنه
وانطق الله .. الله .. الله

* في مكّه .. كان الوحي صوت
جبريل .. معاه المصطفى
النور دخل كل البيوت
والقوت .. وأمواج الصفا

* يا مكّه .. يا أغلى المدن
عند الحبيب .. نورك ظهر
كونتي عشان طه سكن
الله على أظهر سفر



غار النبي ..



* يا حبيبتي بانت طلعتك
لحظة ما ضميتي الجموع
الهادي لسه في سكتك
بيطوف يا مكه .. في خشوع

* إتوصي بالقلب الجريح
ساعة ما يلمس كعبتك
يا مكه .. صوت فجرك مريح
الله يبارك سجدتك

* يا مكه يا بداية الوجود
ملايين بتتمنى الوصول
الكل في حالة سجود
بس الإمام .. هو الرسول

بتتن الأرض من العابدين أصنام
خدام لليل الكابس فوقهم دون تمييز
مرتاح .. دا لأنه عزيز ع القوم
بيساعد في المحتاج
ويطبطب ع المحروم



غار النبي ..



لو فيه قدامه حاجات وحاجات
بيخلص ميت مليون في اليوم
ويبص حزين على عش اليوم
يحلم بهدايه تكون نبراس.. للناس وقانون
ويكون أجراس .. بتصحي النائم والغفلان
في الغار أحجار ..
بتنادي يا طه تملي عليك
وتشوفك داخل تترجاك ..
تلمسها عشان قلبها يرتاح
وياك مفتاح ..
للجنه وميت مليون مفتاح
خارج م الغار .. قلبك سواح
بيلف بشوق على كل الناس
عشان حساس
عشان مليون يا رسول إحساس
بيحاول يبقى أساس للنور
روحك يا حبيبي زهور وريحان
وعشان ترتاح .. تقرا القرآن
يملى الأكوان بالنور الأخضر والألحان



غار النبي ..



* يا واهب الوردہ شذاها

إوهبنا سكه تنجينا

الجنه .. نتمنى لقاهـا

مهما الذنوب تنده لنا

* يا واهب المكتوب دائما

سامحنا لو ننسى طريقك

خلي الإيمان في الروح يدن

والروح تصاحب في صديقك

* حبك وهبته لكل الكون

وباركت في نفوسنا الطاهره

يارب كون دائما في العون

سهل علينا دروب بكره

* يا واهب القرآن لنا

وحامينا من ليل الضلمه

طهر قلوبنا وأسامينا

إوهبنا من فضلك نعمه



غار النبي ..



* يا واهب الشجره فروعها

إوهبنا قرآنك شافي

الروح هاتوصل بدموعها

لك يا ضيا النور الصافي

يوصل للغار

الجسد الطاهر جوه الغار بيطير

ويلف الطير حوالين الباب

المرسل جاب .. وياه مستقبل للملايين

يقعد على عشب إلهي..

ويسند ظهره على الأحجار

في مدار السما والأرض يدور

ويفور القلب بحرف حلال

فيه جوه الغار دايمًا أمارات

بتبان مرات .. للهادي تكون للنور تمهيد

الغار لرسول الله..

والله بيلبس شكل جديد في جديد .. في جديد

وشموع الروح بتقيد وتقيد

داخل ع الغار ..

وعبايتك لون الضوء لو فوق



غار النبي ..



حالف لا تخلي الدنيا تفوق ..
على صوت قرآن م الله مبعوت
تلمس في جفاف يتحول توت
والدنيا تهلل لما تشوفك ..
رايح تسهر جوه الغار
ومداسك عالي على الكفار
بتحدد ليهم إيه الجنّه وإيه النار
وبتشرح ليهم..
لما تلاقي الكل احتار

* لما ابتدينا نتوب إليك
إتبسمت كل الحياه
سلمنا كل أمورنا إليك
وفتحت لنا يا إله

* لما ايتدينا نكون معاك
صبح الوجود شلال دهب
واما قرينا كتاب علاك
إرتحنا فوق شط الأدب



غار النبي ..



* يارب قرآنك صبح
جوه القلوب أنهار شفا
آه يا حنان .. للي انجرح
يا آيه .. في حروفها دفا

* سلمت لك قلبي اللي كان
ضايع ومش لاقى الدليل
صبح الوجود.. واحة حنان
علشان بيرضى بالقليل

* يا رب لما الهم طال
سلمت روعي للكتاب
كان جرحي فوق الإحتمال
لكن بفضلك .. داب .. وطاب

يفتكر المولى .. فتنزل دمه تبلل في الأحجار
تصبح أمطار
تصبح أشجار... بتضل وقت الشمس عليه
ويفوت الوقت عليه يرتاح
يتنهد .. يحسد نفسه على الترياق



غار النبي ..



مش عارف هوہ لإیہ مشتاق

فیہ ألف شعور مجهول جواه

جواه الله

لكنه مازال.. مستني الأمر يقول للكون ..

أنا عبد الله

ومازال مستني.. لحد ما طال الوقت بعبد الله

لكنه ما تاه

ولا حس في يوم.. بقلق جواه

بيحب الغار

وبيقعد داخل نفسه يفكر في الخلاق

مشتاق لحاجات وحاجات وحاجات

تخرج م الغار .. باصص على فوق

فتشوف الضوء

جواك الشوق ..

لبداية عهد جديد ع الكون

بتحارب ضد كيان مجنون

لكنك ثابت بالقرآن و بفضل الله

ولا واحد تاه ..

ويآك يا رسول الله با كريم



غار النبي ..



* يا رب.. خدني زحام

ورجعت ليك ندمان

إن ضعت في الأيام

تناديني بالقرآن

* كان الفؤاد غفلان

ورجع لنور أراضيك

يارب .. بالقرآن

نفسي في يوم أرضيك

* لو كنت يوم ملهوف

على جنتك .. أناديك

أوصل إليك يا رءوف

أرمي تكالي عليك

* يا خالق الأكوان

صبرتنا برضاك

قبل الزمان بزمان

بان لنا.. ضي ضياك



غار النبي ..



* إغفر لنا الأخطاء
واحميننا م المغرور
يا أعظم الأسماء
يا نور عظيم على نور

مش عارف إمتى وتيجي منين
ولا إيه هايوصل قلب الغار للروح
أوقات بيحس بأنه صبح مجروح
من فعل القوم
وساعات بيقوم من نومه سعيد
دا لأنه خلاص .. أصبح على شط محبه بعيد
والغار مفتوح
والغار مقفول...
على قلب الهادي وباصص ليه
مرتاح لغنيه .. ودموعه على الخدين
في القلب يا طه حنين في حنين
والروح مشتاقه لشيء مجهول
لكن معلوم
طول عمرك كنت ياطه النور.. خدام للقوم
أصوات في الغار بتقلق قوم



غار النبي ..



علشان فيه دين.. هايكون معلوم

خارج م الغار..

تتبسم.. لسه الوحي ما جاش

جبريل في طريقه إليك يا رسول

مشتاق وياه علشان ما تقول ..

بالحب آيات وآيات وآيات

تقصر وياه كل المسافات

ترجع مجبور

تمشي في طريق الخير والنور

* في زحمة الأحداث نتوه

لكن بنرجع بالآيات

نورك على كل الوجوه

يارب كل المعجزات

* في زحمة الأحداث نضيع

يارب .. يا نور العباد

في نظرة الطفل الرضيع

يارب.. بان ..نور الميلاد



غار النبي ..



* الله علينا في حماك

ساجدين ونور وجهك ظهر

ماشيين على السكه معاك

والقلب شافك وانبهر

* يا رب.. بان لنا الشعاع

صلينا فوق مليون بساط

نادم على العمر اللي ضاع

إغفر جميع السيئات

* يا إلهي .. يا معبود .. خلاص

سلمت كل الأمر ليك

طه .. بنى لنا الأساس

واحنا .. تكال الروح عليك

والناس مذهوله لأنه يوماتي يبص لفوق

مليان بالشوق ..

بحنين مش فاهم ليه وازاي

والجاي في الغيب



غار النبي ..



الله يا حبيب .. على قعدة روحك جوه الناس

عاشقين لهواك

مع إنك شخص يا طه فقير

بتوزع كل جيوبك ع العايزين

وتبص كثير دايم ع الطين

تلقى الإنسان .. متصور فيه

ترجع للغار

وجبال اللهفه بترعش فيك

تبتدي في يقين.. واضح وأكيد

إن المخلوق .. له خالق .. بارىء للإنسان

رحمن ورحيم

لكن في القلب مفيش برهان .. ولا حتى دليل

ترمح في الغار يا حبيبي الخيل

يعرق .. مع إنه صبح بردان

الله موجود ..

في السما .. والأرض وكل مكان

باعث قرآن على قلبك ..

لاجل هداية ناس في الكون مش ناس

يا ابو قلب شريف .. و عفيف .. حساس

ياللي انت زرعت الكون إحساس



غار النبي ..



* لما فتحت الباب
شفت الآيات قناديل
صليت مع الأحباب
نورك ظهر في الليل

* يا رب .. كنت حزين
والقلب كان قلقان
صليت مع الساجدين
إرتحت بالقرآن

* في الفجر قلبي ارتاح
ويا النسيم والنور
لو أنسى لحظه .. سماح
أرجوك يارب غفور

* دايب أنا في ضيائك
سلمت أمري إليك
تايب .. وأملني رضاك
أنا روعي ملك إيديك



غار النبي ..



* يا رب .. وانت الضوء
في سكة التايهين
دمعي يارب .. وضوء
والقلب كله حنين
ويروح الغار دايمًا وينام
ويقوم على صوت
يترج الكون
(اقرأ) يا حبيب الله يا رسول
لكن في السر لحد ما تبقى الدعوه أساس
(اقرأ) للناس
لو هي قريبه من الإحساس
واتهجي الدين ..
الحرف بحرفه لحد القوم ..
ما يآمنوا برب رحيم وعظيم
يخرج م الغار..مش داري بشيء
قدامه طريق أخضر بيطول
تهمسله الآيه .. يا قد القول
ما تخافش من الكفار
إسلام هايكون من مطرة شوق
يتحول لاجل الناس أنهار



غار النبي ..



يخرج م الغار .. بيردد آيه من القرآن

يهرب للحضره في ضل الله

الله ع الحب و ع الإعجاز

الله يا رسول لو قلبك فاز

والصحبه عزاز

تتحدى بشوق في جيوش أشرار

ونيران مجنونه من الكفار

شايفينك وانت هناك في الغار

* جوه الدروب ألقاك

آيه .. ورا آيه

أرتاح في نهر ضياك

يا هدايه .. جوايا

* قلبي صبح دعوات

يارب .. ليل و نهار

نادم على اللي فات

إغفرله يا غفار

* في ألف ألف مكان



غار النبي ..



ألقاك شفا للروح
تنادينني بالقرآن
تشفيني لو مجروح

* يا رب.. قلبي ارتاح
ويا عباد ساجدين
أنده مسا .. وصباح
على طه .. ضي العين

* إشفيني لو محتاج
واهديني جوه الليل
الآيه تصبح تاج
وحديث حبيبي دليل

ويكون فرحان
الآيه بتحضن آيه .. وبكره يكون قرآن
يمشي في شوارع مكه .. فتجري الخطوه وراه
والكل يقول الله
كثروا الأحباب .. حوالين القعه لنص الليل
الله يا دليل الأمه إلى الجنات



غار النبي ..



ما بقيتشي خلاص مؤمن بسكات
بآيات مبعوثه لكون مكبوت
وندهت يوميهها بعلو الصوت
أنا مرسل م الرحمن
حضنوك الناس
والبعض هناك حاربوك يا حبيب
لكنك ماشي في هيئة نور مبعوث م الغيب
في جذور الناس .. موجود السوس
في الغار يارسول .. نايمه العصافير ..
يا حبيب القلب بتستناك
تعزفك لحن بيخرج م الشباك
تسكت بإيمان ..
ساعة ما تحس قدوم جبريل
ونهار أو ليل ..
مشتاقه لضيّ عنيك وإيديك
بتسمي عليك وتصلّي عليك
وبتنده ليك لو ليله تغيب
الله على نور الله يا حبيب

* أنا عبدك المطيع



غار النبي ..



على عهدك ليل نهار
فوق ملكك البديع
كل الآيات ديار

* أنا عبدك.. وانت عارف
إن الأتنام .. نيام
الآيه ع الشفايف
ورسول الله .. إمام

* أنا عبدك.. وانت سيدي
وماليش إله سواك
مصحف .. حاضن في إيدي
حروفه من ضياك

* أنا عبدك .. يا إلهي
ودموعي ع الخدود
كتابك .. هو جاهي
والدعوه في السجود

* أنا عبدك الضعيف



غار النبي ..



وإمامي .. هو طه

عدي القلب الشريف

يارب .. م المتاهه

تستغرب ثاني وتالت ع الأحوال

ويروق الحال .. وياك يا شفيع

الله ببعذك لاجل دخول ع الكل صريح

أوقات هاتكون دايمًا مرتاح

وساعات هاتبان .. والقلب الصافي الدافي جريح

والغار الصمت مخيم ثاني على الأركان

مستني نزول آية قرآن

دا لحد ما آن .. وجمعت كثير

حطيت حواليك الناس ألوان ألوان

شايفين بالروح كل الأكوان

علشان ما ينفوا بنور حواليك

وصبحت إمام

وصبحت حديث الدنيا بحالها يا عبد الله

الباعث كان الله وانت المبعوث

وانت اللي دخلت على الأصنام .. وفضلت تدوس

لا شيطان هايكونله مكان في الكون ..



غار النبي ..



ولا حتى ماجوس
في الغار .. الصمت مهيب ورقيق
الغار بيودي لألف طريق
ومفیش في الروح أحزان ولا ضيق
وطريق الحب خلاص ها بيان
ويردد كل الناس قرآن
يبقى الوجدان في الكل نضيف
والكون يتحول بينا عفيف

* باستغفرك .. في كل حين
آه واشكرك .. في كل آن
أتهجى في سورة " يس "
وتبان نجوم .. جوه الكيان

* يا رب خلّيت القلوب
ساجده في سكه منوره
لما القمر في الليل يدوب
نلقى الحياه .. متعطره

* الله .. خلقت الكون لنا



غار النبي ..



ووهبت لنا كل شيء
آدي القلوب المؤمنه
شاربه في نورك ع الطريق

* يا رب كل الكون صبح
سجاده لاجل المغرمين
حتى الفؤاد اللي انجرح
شاف راحته.. ويا الساجدين

* على كل خطوه في الدروب
قلبي رسمته " مأذنه "
واما يحين وقت الغروب
تسجد قلوبنا المؤمنه

وصبحت في وسط الناس قنديل
بتحن الناقه عليك وتميل
وتغني الخيل ..
لو سمعت حرف من الأحاديث
كترت فوانيس الحب معاك
قادت بضياك



غار النبي ..



وارتاح الكل معاك يا رسول
الكون كان حاضن ألف أفول
دا لحد ما جيت ومعاك قرآن
مرسل ومنزل من رحمن
مالك في قلوب الناس بالنور
لا شهدت في ليله شهادة زور
ولا لحظه نافقت في يوم إنسان
ولا كنت في قول الحق ضعيف
يا شريف.. يا نضيف
يا صدوق .. يا عفيف
بتقسم حتى النص رغي
بينك ومابين أطفال جعانيين
أو طفل يتيم
متبسم دايمًا للعشاق
لا سعت لفراق
ولا كان وياك ..
غير بحر حنين ..
مليان أشواق

* ذاك إلهيه



غار النبي ..



ورضاك يرد الروح
الآيه .. في .. عنيه
تشفيني .. لو مجروح

* يا رب .. جيت لحماك
أطلب بحب رضاك
راحتي لقيتها معاك
يا اللي مليش إلاك

* يا إلهي .. مين غيرك
قادر يهنييني
جوه العروق نورك
يا ضي لعيوني

* أسبح مع الملكوت
واسجد مع الساجدين
ساعة ما روعي تفوت
تهمس بحب : آمين

* صبرني .. يا الله



غار النبي ..



نجيني م المجهول
لو لحظه .. قلبي تاه
يرجع حماك على طول

حضرلك رب الدنيا براق
علشان هاتلف الدنيا عليه
خارج م الغار
وملايكه كتير ماشيين حواليك
لكن فيه رعشة نور في إيديك
وعنيك بتلف ..
وتسبح في السموات
وان واحد مات
تتوضى بدمعك ..
لاجل تصلي عليه
وتواسي الأهل مع الخلان
إنسان جواه مليون إنسان
ماشى والشمس بتلسع كل الناس
بس انت في ضل غمامه بتحرس فيك
الحصا بيسمي عليك
والمسا قرآن لاجل الخلان



غار النبي ..



ويبان الصبح عليك سهران ..
مع ناس حاضنك
الكل ضناك
حتى العواجيز
الكل عزيز
حتى اللي مازالوا في تيه مجهول
حتى الكفار ..
لو نكروا بأنك أغلى رسول

* الفجر يدخل .. يلقاني
ساجد على البر الثاني
ينده عليّ .. ويسقيني
من نهر نوره الرباني

* يا فجر.. باستنى قدومك
جو الليالي .. تجيني بضوء
القلب يرفع أحلامك
والروح تروح وياك على فوق

* ينده عليّ الفجر أقوم



غار النبي ..



م النوم .. أعد نجوم الخير
يا ضي طاهر للمحروم
يا " صبر " في كل المشاوير

* يا فجر .. يا ساجد جنبي
تدعيني لاجل الروح تترتاح
يا فجر .. يا دقات قلبي
يا جنه لاجل الكل براح

* يا رب قدرني أصلي
في الفجر.. واهدي بقرآنك
بحديث ونور طه أخلي
الكل يشكر إحسانك

ماشي وطابور الصبر معاك
ماشيين وياك لو فين هاتروح
بيقولوا حبيبنا وروح الروح
وان شفت ف يوم إنسان مجروح
تجري وتزوره ..
لحد ما جرحه يطيب



غار النبي ..



يازهو الطيب
تكتب مكاتيب..
لملوك وملوك
ولا همك إلا الله يا رسول
وتقول الكلمه تهز العالم والسموات
تبدأ يا حبيبي مع الصلوات
طوابير بتزيد
وشموس بتقيد
والكل معاك.. وياك بقى سيد
وتزيد وتفيض كل الأعداد
تتبسم لما تشوف الجامع زاد
والكل بيجي إليك في ميعاد
صلوات بتخلي الناس أسياد
الله على صوت الصمت مع المختار
الله ع الغار ..
ساعة ما يردد في القرآن
مستني الناس .. خلف الجدران ..
من كل مكان

* تهمسلي أوراق الشجر



غار النبي ..



بالآيه .. أسجد في خضوع
أكتب على ضي القمر
" الله " .. بأمطار الدموع

* تهمسلي نسيمات النخيل
إنك يارب الناس .. بديع
بتحب في القلب الأصيل
وبتهدى .. لو إنسان يضيع

* تهمسلي أرواح البشر
إنك بداية كل شئ
حامي نفوسنا م الخطر
للأصدقاء .. راسم طريق

* يا خالق الليل والنهار
يا باعت الأمطار لنا
الآيه جوه الروح فنار
والنفس طاهره .. مؤمنه

* تهمسلي أزهار الوجود



غار النبي ..



إنك إله كل الدروب
أنا شفت نورك في السجود
يا إلهي .. يا رب القلوب

وان عاد الزمن الماضي ..
هانصيح برضه معاك ياشفيح
إسلام ييخلي الشوك العاصي..
في أرض الضلمه ربيع في ربيع
تخرج وعبايتك فوق الكتف ..
وبسمة ود على الخدين
لوفات إنسان ..
بسلامه عليك يا حبيب الله
تسأل أصحابك مين .. من فين
وتطبطب ع القاعدين
تسألهم واحد واحد.. عن أحوالهم ..
وتظمنهم ع الأحوال
وتقول الحال لو مال .. ربك موجود
يا أساس الجود
وأساس للحب وللموجود
تدخل ع الغار .. قلبك ملهوف



غار النبي ..



وتشوف جبريل ..
من عند المولى ببستناك
يفرح بلفاك
ياخذك يا محمد بالأحضان
يقرا لك دايمًا في القرآن
ويصلي عليك
ويقول إنك عند الله
غالي ورسول الله عدنان

* يارب .. يا عالم بينا
ريحنا من توهة روحنا
تفتح مدينه حلال لنا
في ضل طه تريحنا

* نيجي إليك جماعات جماعات
ترتاح قلوبنا القلقانه
نقرى آيات .. و وراها آيات
يهدى الوجود كله معانا

* يارب .. ونجيك تايبين



غار النبي ..



تقبلنا.. وتريح روحنا
توهبنا نور .. وأدان .. ويقين
ومع الآيات .. بتريحنا

* تعطينا .. من قبل ما نسأل
فضلك يارب الكون فايض
ورد الآيات .. عمره ما يدبل
نهر الحديث .. دائما زايد

* يارب .. مين يقدر غيرك
يريح الروح الداييه
حاضر يارب بأسرارك
موجود وكل الناس غاييه

يا خلاصة مسك الكون
وأساس للصبر ..
إن كان في مواجهة قلب لشيء مجنون
بتقول للناس : أنا اموت مديون
لكن حسناتي تزيد وتفيض
سلفت الرب كثير وكثير



غار النبي ..



من فضله يرد عليّ برزق براح
ولا عندي سلاح غير الإخلاص
هاتحمل ياما كتير وكثير من أسوأ ناس
كفار مالهومش ضمير
وتسيب القوم .. تمشي قدامهم..
وانت في حاله شديده من التفكير
ترجع وعبايتك مايله على الأكتاف
تتمد إيدين الكل عشان .. تعدل في عبايتك يا مختار
تستأذن منهم واحد واحد ..
لاجل تعود للغار
في الغار القلب صبح مرتاح
في الغار يا رسول .. خدت المفتاح
وفتحت الجنه بقلب رقيق
خليت للناس يا حبيبي طريق
وصبحت صديق لاجل الملايين
وصبحت أمين
بتقول قرآن..
والناس بتقول من بعده أمين

* الفجر يوصلني بنوره



غار النبي ..



آجي إليك .. طاهره جيوبي
أجني مع السجده زهوره
واهمس إليه : إنت حبيبي

* يا فجر.. يا تاج العزه
يا كل نورنا الرباني
إوعى تسيب الروح لحظه
يا ضي روحنا الإنساني

* يدخل أدان الروح في
يلقاني صاحي وباستناه
أسجد على دمع عنيه
تهمس ضلوعي بشوق " الله "

* يا فجر يا ساكن روجي
باستنى يافجر قدومك
لو حتى طول الليل صاحي
تلقاني واقف قدامك

* يا رعدة الفجر ف قلبي



غار النبي ..



خليكي دايمًا جوايا
ماشي الرسول دايمًا جنبي
زارع في كل مكان آيه

وتعود للغار
والهم في قلبك..
نار مطلوقه على الصفين
تشعر بالراحه لأن الرب معاك
تعدل في هدومك .. تمسح خذك بالمنديل
منديلك نجمة شوق م السما ..
أهداها الرب إليك
منديلك عاشق لسه عنيك يا حبيب
يا دوانا الصافي الشافي ..
بدون ما يكون وياتنا طبيب
ودفانا ان هلت كل ليالي الشتا ع الكون
ع الكل حنون ..
ومؤدب جدا وسط القوم
بتقوم م القعه .. يقوموا وراك
تتبسط ليهم .. تنصح فيهم بالأحاديث
وتقول وتقول.. مش عايز حد يقوم



غار النبي ..



أنا عبد الله

والعبد لا بد يكون إنسان .. حساس .. و مطيع

مش ممكن لحظه يبيع ..

ولا ينسى ويهرب م الأصحاب

تفتح في الباب ..

يا حبيبي لكل غريب

تعطيله الطيب ..

وتعطر توبه بمسك حلال

تنده لبلال .. إذن يا بلال

علشان قلبنا يرتاح

إتصفوا ورايا صفوف

مش عايز خوف

خليكم أقوى من الكفار

رايح للغار .. يمكن جبريل

يأتيني بآيه ترد الروح

توصل للغار ..

وجبينك م الكفار مجروح

حذفوك بالشيء اللا مسموح

والغار مستني قدومك ..



غار النبي ..



يزعل جدا لما تغيب
الغار يا حبيب ..
إتحول كائن له إحساس
والناس يا حبيب الكون عرفاك
بتنادي عليك لو حسوا غياب
والباب مفتوح ..
بينك وما بين كل الأصحاب
الله على صوت الليل وياك
ساعة ما يبقرا معاك قرآن
الله على لمس إيديك لجفاف
لو لحظه اتحول غصن البان
الله على كل جموع الناس حواليك
لو صحبوا في ليلة شوق بنيان

* قادر.. ولا يقدر سواك
يهدينا دائما للصواب
إحنا سجدنا .. في نور ضياك
وارتحنا من ليل الضباب

* قادر علينا .. يا ودود



غار النبي ..



هادي قلوب المخلصين
لما ابتدينا في السجود
صلت قلوبنا ع الأمين

* قادر تخلي الدنيا ضوء
قادر تخلي الكون ضلام
إهدينا دايما للشروق
واسقينا من نهر السلام

* قادر .. يا علام الغيوب
لو اتوب .. تخلي الدنيا خير
القمح فوق أظهر دروب
فوق السنابل .. أحلى طير

* قدّرني اكون إنسان شكور
شايك جمالك ليل نهار
إنت القدير.. وانت الغفور
وانت الأحد .. وانت العمار

جبريل يأتيك



غار النبي ..



تبتدي رعشاتك تصدر صوت
وتفوت اللحظة عليك سنوات
ولا فات على قلبك غير الصمت ..
وألف ملاك واقفين ع الباب يببصوا عليك
ترجع علشان تتزمل .. تجري خديجه عليك بحنان
تحكيها بشوق .. عن جبر خاطر ..
لما الرب بعث قرآن
تقرالها يا طه آيات الله
تبكي على صدرك ساعة نومك فوق الخيش
تسأل على لقمه .. وتسمع منها مفيش
تلمس حباية قمح .. تصير فدادين
يا أمين الدعوه ..
وهادي الناس للنور للخير
والله مازال .. قدامك ألف من المشاوير
ومازالت سكة صبرك شيء ممدود
لسه الكفار بتروح وتعود
شايلين في أيديهم بالنبابيت
ومفيش يا رسول
ولا جندي حراسه أمام البيت
حببت يركاك الله بأصول



غار النبي ..



أحمد يا رسول
وما زلت بتدعي العاصي يعود للدين
وما زال العاصي بيتحداك

ماشي قدامك .. ماشي وراك
وبياذي صحابك ليل ونهار
وتعود للغار.. قلقان على دعوة ربك ليك
زعلان من سجدة غافل للأصنام
تدخل .. م الصمت تنام
وتقوم والقلب سلام في سلام
وتروح الغار ..
مشتاق للوحي يهل عليك
تلقى جبريل ..
بيطبطب لسه عليك يا رسول
يلفك ملهوف
يهمسلك إوعي في يوم الخوف ..
يخنق في مسيرتك مهما يكون
والله معاك .. ضي القرآن في العون
لو حتى الكون مجنون ..
للناس العون



غار النبي ..



وها تلقى الكل بيستناك
كان ممكن فعلا تبقى ملاك
لكن مولاك .. خلاك إنسان
علشان ما تشيل ضي القرآن
علشان ما تكون النور للناس
قمرك وناس ..
وهواك إحساس
بتدوس بالنور في شيطان وسواس

* صبرتني .. على كل ضنا
طهرتني .. من كل سراب
وتفوت سنه .. من بعد سنه
ألقاني لسه بادق الباب

* يارب .. وتجيني بخيرك
عمرك في لحظه ما تنساني
إزاي هانسجد من غيرك
وانت مفيش غيرك تاني

* صبرتني .. ساعة قلبي



غار النبي ..



ما ضاق من السكه الخائنه
خليت نجوم الخير جنبي
جوه الضلام للروح باينه

* طهرتني ولقيت نفسي
جوه سحابتك باتوضى
إرتحت من حزني ويأسي
وصبحت فوق بابك ورده

* يا رب .. قنديك فينا
بينور الأيام لينا
عمرك في يوم ما نسيت مظلوم
إعطف علينا .. ودفينا

يا رسول الله
بينادي عليك الطير في سماه
والليل في مداه
وسحاب بيسافر ما أحلاه
وطريق بينادي عليك يا رسول
ويقول " الله "



غار النبي ..



ورحيل مش عارف حتى مداه
يا رسول الله
في الغار الدافي زحام في زحام
وملايكة نور .. عايزين يشوفوك
بيبصوا عليك ..
ويقولوا جميعا لك مبروك
والغار متبسم ليك..
متقسم لاجل ياطه تكون في أعز مكان
صادق وصدوق وأمين عدنان
الغار بيحبك بس بيزعل لما تغيب
وبيفضل ساكت عمره ما ينطق إلا معاك
في دخولك كل حجارته بترجف ما أحلاك
النور وياك .. مزروع على كل نخيل الشوك
وتبص لفوق .. تلقى القناديل ..
مسروجه عشان رؤياك ودفاك
الله في طريق الشوك وياك ..
دايما موجود
يا أساس الجود .. للناس لو عايزه رغيف

يا شريف القول .. والهيئة .. وأحلى الكون



غار النبي ..



سيف الكفار.. دائما مسنون
دايما يا حبيبي .. ولكن رب الكون في حماك
الغار مالهوش شباك
لكنك شايف كل السما بعنيك
والشمس تبص عليك ..
تتحول أحلى نسيم
والغار أصبح تكريم
لرسول مبعوث وكريم
تلقى في الغار .. أشكال ألوان
الكل معاك يا رسول الخير..
بيردد دايما في القرآن
وبيلمس فيك
يتبارك بيك
ويبص لضِيّ عنيك وضياك .. يلمح في آيات
والجو سكات في سكات في سكات
حالة صلوات
فيه ناس صاحيين مع ناس أموات
وآيات الله .. بتهز قلوب وقلوب وقلوب
والعاصي يتوب يطلب غفران
ووصلت يا طه لكل مكان



غار النبي ..



يا رسول عدنان
ماشي على أرض الكون قرآن
لكن إنسان

* يارب .. لو أناديك
نورك .. يجاوبني
أجري بدمعي عليك
لو " ذنب " يتعبني

* جايلك وانا ملهوف
شادد رجال الشوق
أقرى الكتاب يا رءوف
ألقاني طائر فوق

* يارب انا محتاج
عطفك .. يكون حسنات
أنا شفت أجمل تاج
يارب في الصلوات

* دفيني بالقرآن



غار النبي ..



نجيني م الأخطار

يارب دا الإنسان

أوقات يروح للنار

* توبه يارب الكون

ساعدني يا موجود

أرجوك تكون في العون

يا أصل أصل الجود

ويفوت العمر يا عبد الله

تفضل في الدنيا إمام لكل ..

في كل مكان

تفضل إنسان .. لكل رحيم

تفضل تعظيم ..

للقلب ان كان مؤمن بإله

قنديل للكون ان تاه

محاصيل من بركه وخير وحصاد

وميلاد للدنيا وفجر جديد

الدين مليون تجديد

والفكر جديد .. رغم السنوات



غار النبي ..



تحضن في الغار ومفيش مسافات
إتحول جسمك جزء مقدس جوّه الغار
واتحول صوتك بالقرآن
لموسيقى بترعش في السموات
الحرف بحرف بشوق تقراه
تعرف مغزاه
تشرح للناس الآيه بصوت مسموع
والكلب ما زال ..
خلف الجدران ..
باصص على ناس وياك .. مسروع
تشبع .. ولا لحظه تجوع
وتقيد في شموع الخير للغير
مشاوير .. مشاوير .. مشاوير .. مشاوير

يا ابو أغلى ضمير
يا محمد يا ابن الخير والنور
لا نطقت الزور ..
ولا كنت في صغرك غير نبراس
بتقول للناس ..
الصدق ينجي من الأخطار



غار النبي ..



تخرج م الغار ..
مرعوش من خوفك م الرحمن
إنسان بيدور عن إنسان ..
يسنده في الدعوه ويفرح بيه
ويصفي حياته من الأحزان
في الغار الصمت بينطق صوت
بيحبك موت
يتمنى قدومك ليل ونهار
في الغار يا رسول ولا حد سواك
ولا حد يا طه يكون وياك
الوحي دا ليك .. وعليك تبليغ
يا فصيح ..يا بليغ
إختارك ربك تبقى رسول
وتكون مسئول
عن كل الناس في جناب الكون
والناس حواليك أكثر من لون
لكنك فاهم كل الناس
حافض في العاقل والمجنون

* يارب .. يا ساقى نفوسنا



غار النبي ..



نهر المحبه الإنساني
خلي نجومك تحرسنا
ما انت الأحد .. ولا لك ثاني

* يارب .. نندهلك دايمًا
تعطف علينا بأفضالك
تهدينا دايمًا للأحسن
تسقيننا من مية نيلك

* يارب .. روحنا بتتمنى
تفضل معاك لحظه بلحظه
توصل بفضلك للجنة
وبكل شيء وياك تحظى

* تندهلنا .. نشرب نورك
تعطف على المحتاج منك
دا مفيش إله أبدا غيرك
إزاي بقى نبعد عنك

* يارب .. ياهادي قلوبنا



غار النبي ..



للجنة .. وصلنا لبابك
لما علينا ناديت .. توبنا
وشربنا نور .. من أحبابك

ويدمع طه رسول الله
لحظة ما يحس بأن الله .. جواه
وبأنه اختاره ..
يبلغ عنه رسالة نور
يمسح في دموعه ..
يحس بأنه أصبح مختار
جبريل في الغار
فرحان برسول الله وسعيد
والغار فرحان
بملاك وياه إنسان
فيضان من حب ..
في كل مكان
والغار من فرحه أصبح فدايين
ورسول الله ..
فرحان وحزين
فرحان علشان أصبح مبعوث



غار النبي ..



وحزين من سجدة أهله مع الأصنام

في الغار بينام ..

ويقوم على صوت

جلجله بتهز الروح

يفتح في عنيه ..

فيلاقي النور

ويشوف الضي بيرعش فيه

الدمعه ترقرق جوه عنيه

* الله يا فجر الحق

لما تدوس الخوف

قلب الضلام ينشق

ونكون معاك يا رءوف

* واحنا معاك .. بنكون

فوق السحاب يا إله

تصبح عشاننا العون

والقلب يلقي مناه

* لو يوم نتوه نلفاك



غار النبي ..



في كل شيء موجود

يوصل إلينا نذاك

يصبح طريقنا سجد

* يا رب كان الليل

بيطول على اللي تاه

أرسلت طه دليل

يهدي العباد يا إله

* صابر على المكتوب

مهما يكون أشواك

في حماك أتوب وأدوب

واطلب يارب رضاك

ويردد كل كلام جبريل ..

ويقول الله

دا كلام المولى ..

هايوصل كل القوم

مش ممكن يفضل كده مكتوم

ولا بد الكل يفوق



غار النبي ..



ويبص لفوق
يلمح في يمام ..
بيسبح للرحمن
وكأنه ييقرى معاه قرآن
وكأن جناحه ..
كتاب مفتوح
يتبسم تاني حبيب الروح
ويبص لكل سحابه ..
يلاقي عليها كلام
يقراه بالقلب الصافي ..
معاه يرتاح
يعطيه جبريل مفتاح
ويقوله الجنه مكان مفتوح ..
للقلب ان كنت هاترضى عليه
وان كنت هاترضى عليه ..
الله لازم يرعاه
ويسدد كل خطاه
ويسود في الدنيا ضياه

* الرزق كان منك



غار النبي ..



إرزقنا يا الله
دا اللي بعد عنك
جوه الليالي تاه

* يارب .. فجر النور
ويا صلاتنا بان
صبحت حياتنا زهور
بالحق يا رحمن

* بيك المحبه تدوم
آدي القلوب وياك
واقف مع المظلوم
يا رب .. ألف ملاك

* خلينا مهما نروح
ويا الرسول ساجدين
إنت حبيب الروح
يارب .. وانت معين

* يا خالق الأكوان



غار النبي ..



إرزقنا يا رزاق
أنا مهما كان .. إنسان
يا أعظم الأسماء

سيدنا محمد باصص على جبريل
مش عارف يعمل إيه
فيردد كل ما قاله بصوت مرجوف
لكن مش حاسس خوف
ولا حاسس غير بالله وضياه
الرب معاه
يقعد وياه جبريل
يقراه الآيه سبع مرات
يقراه الآيه تسع مرات
يقراه الآيه لحد رجوعه البيت ما يحين
ماشى والريحه نسيم رياحين
والكل يشوفه ..
يوسع ليه السكه ..
يبوس في إيديه
الله يا رسول الله
على ثقته ان الله موجود



غار النبي ..



وانك مش ممكن يوم هانتوه
الله يا رسول الله ع الغار
تتمنى جميع الناس يشوفوه
ويكونوا معاك
ويشوفوا ملاك الوحي ..
وهو بيقرى عليك قرآن
والغار فرحان ..
بملاك وياه إنسان

* يا رب .. إحنا عباد
في سكة الصابرين
الآيه هي الزاد
وانت عشاننا معين

* جوّه الفؤاد أشواق
إمتى ها نتلاقى
الله على العشاق
للرب مشتاقه

* يا رب .. جينا إليك



غار النبي ..



والروح ملأته ذنوب
لما ندهنا عليك
في الليل .. قدرنا نتوب

* علمتنا نلقاك
جوه كتاب مفتوح
يدخل قلوبنا رضاك
وتنادي ع المجروح

* يا رب .. لو ها نغيب
في الدنيا بين الناس
خدنا لأغلى حبيب
في مدينة الإخلاص

الغار ممدود
الغار اتحول جنه لظه..
رسول الحق في كل أوان
الغار وما زال فرحان
بالوحي ودخله .. أغلى رسول
الفرح سيول



غار النبي ..



والعزم سيول ..
والصبر سيول
ويقول جبريل ويقول ويقول
فعلا يا حبيبي عظيم القول
أصبحت رسول
مختار من رب كريم
أصبحت محمد بالتكريم
ترجع للغار
تحتار في جمال الغار
إعطاك جبريل ..
معظم أسرار الكون يا شفيع
الغار ..
لو حتى الشمس بتلسع فيه
بيكون وياك يا حبيبي ربيع
عمرك ما تضيع
ولا لحظه تبيع عهد الأصحاب
الغار مفتوح ..
علشانك باب ورا باب ورا باب

* و لا لنا غير رحمتك



غار النبي ..



ولا فينا إلا ضياك
ساجدين على سكتك
متشوقين لرضاك

* يارب .. قلبي دعاك
إقبل يارب دعاه
خليه يكون وياك..
السكه .. للي تاه

* ماشي معاك في طريق
مليان إيمان وأمان
طه عشاني صديق
يارب .. والقرآن

* إقبلني لما ها توب
وأدوب مع الداييين
التقوى تصبح توب
والحب يصبح دين

* خيرك يارب الكون



غار النبي ..



في كل شيء ألقاه
ما انت السند والعون
وانت الأحد يا إله

و ما عادشي غياب
للوحي الآتي من الغفار
الغار بقى جوه القلب حجاب
وسحاب ببيان ..
من أول خطوه على الأحجار
محروس يا حبيبي ..
بألف ملاك
تتمد إيديهم فوق التوب
وتنفض ليك
وتطبطب تاني عليك
وتسمي بإسم الله
الله على باصص ع الملكوت
الله على طيف
بيفوت وكأته ..
نسيم هفهاف
قلبك شفاف



غار النبي ..



وعنيك مليانه شجن ودموع

جبريل يهمسلك ..

لاجل تعود للبيت

تستأذن تقعد حبه معاه

الله على رمشك ..

لما يغطي العين

الله على خذك لما يكون ..

متبسم جوّه الغار بحنان

* الفجر كان نادي

ساعة ندايا بشوق

بنصلي ع الهادي

أرواحنا توصل فوق

* يا رب .. لما ناديت

أصبح ندايا سحاب

ويا الجموع صليت

ووصلت للأحباب

* في مدينة المختار



غار النبي ..



إرتحت بالصلوات

إوعد غريب الدار

يارب بالحسنات

* آجي إليك مجروح

وارجع وأنا مرتاح

يا اللي وهبت الروح

ساعة صعودها جناح

* يا رب .. جيت طمعان

في العطف .. والإحسان

إسقينني لو عطشان

آيه من القرآن

الله على نطقك للقرآن

والصوت مرعوش

من بره وحوش

لكنك قادر ع الغدار

كفار يا حبيبي في كل مكان

وانت الإنسان



غار النبي ..



راجع والشوق ..
باين في عنيك
والوحي بيرعش فيك
وينادي عليك صاحب ملهوف
وترد عليه
السر ما زال في الروح موجود
والقلب مازال موعود بالخير
تحرسك الطير
دا لحد ما توصل باب البيت
وتقول لخديجه خلاص حبيب
وحبيبي خلاص أصبح رحمن
تكتب على كل حيطان البيت ..
الله على كل آيات الله
الله ع المولى وضي ضياه
الله .. في الآيه الواحده حياه
تهدي الإنسان لو تاه في الكون
وتجيبه لحد ما يقدرتاني يشوف الروح
ياحبيب الروح و الناس والكون

* بين البشر موجود



غار النبي ..



إنت إله واحد
بتسامح اللي يعود
مهما يكون جاحد

* إنت السند .. والعون
للعبء .. لو يناديك
يارب .. " كن .. فيكون "
ويكون دعانا إليك

* صبرني .. لو هابطول
الليل على الملهوف
يشفعلي أغلى رسول
يوم الحساب يا رءوف

* يا رب .. فوق الباب
دقيت عشان محتاج
صليت مع الأحباب
حجيت مع الحجاج

* الله .. ومين أناديه



غار النبي ..



غيرك يارب شفيح
صون الفؤاد .. واحميه
لو شوفته يوم هايضيع

داخل ع الغار ..
ملهوف ع الوحي ..
ورافع إيده لنور الله
الليل بيقيد بضياه ودفاه
والناس تتمني في ليله لقاه
ومعاه في جيوبه رغيغ مفروود
بيقضي وحتى يفيض م الجود
راجع م الغار .. فرحان .. مسنود
راجع مفروود
بيسلم حتى على الأطفال
ويغض العين ..

لو قابل جاره على الطرقات
ويقف ليهودي ان فات محمول
يا رسول الله علشان ما نتوب
التوب مغزول من ضي الله
والبسمه بتهدي الكون لو تاه



غار النبي ..



ولأنك خاتم كل النور
الكون فرحان ..
بوجودك لاجل يا طه يثور
على كل صنم موجود للناس
أصحابك مسكوا الفاس وياك
علشان الدنيا ها تبدأ ..
عهد جديد في جديد
الرزق بيجي مع المواعيد

* دخل القمر قلبي
ساعة دخوالي إليك
سجد السحاب جنبي
لحظة ندايا عليك

* يارب .. بالقرآن
ريح في قلب حزين
خلي الحقيقه تبان
وارحم دموع العين

* لما أتوه .. ألقاك



غار النبي ..



نور الضياء للكون
يسعد فؤادي رضاك
يا إله عليّ حنون

* أرجوك يارب سماح
على كل ذنب قديم
نفسي في يوم أرتاح
في جنتك يا كريم

* دخل القمر في الروح
يتهجد في الآيات
يارب .. فين ما أروح
تقابلني بالحسنات

يا رسول والرزق معاك قرآن
بيهز ويرعش في الوجدان
داخل ع الغار إنسان مبعوث
حالف لا يدوس
على كل خرافه في قلب القوم
حالف لا يبيوس خد المحروم



غار النبي ..



ويكون الأب لكل يتيم
ويزور الكل في بيته الدافي بأحلى ميعاد
يا ميلاد مستقبل للبشرية عشان ترتاح
يا سلاح رباني ..

بيهزم ليل الجهل مع الأكاذيب
الله يا حبيب

الناس بقوا ميه يا هادي وراك
الناس بقوا ألف يا هادي وراك
الناس بقوا ميت مليون خيال
جواهم ضي من القرآن
والغار .. لو لحظه تغيب يناديك

ويفكر فيك

فرحان بعنيك

بالآيه ان نزلت ليله عليك

ويقول الله

قاعد مع أغلى رسول معصوم

هايدوس الخوف .. ويصحي القوم

يعلن في الدعوه في يوم معلوم

* يارب .. فين ما أروح



غار النبي ..



ألفاك ضيا في الروح
يا رعايه .. للمحروم
وهدايه .. للمجروح

* عايش مابين الناس
دايما أقول الله
قلبي قمر إخلاص
ورعايه للي تاه

* يارب .. ياموجود
جوه الوجود .. غفار
إرضيني بالموجود
واحميني شر النار

* في حماك أتوب وأدوب
وا سجد وروحي معاك
أنا راضي بالمكتوب
يا اللي ما ليش إلاك

* يارب .. خدني الشوق



غار النبي ..



جيتك وانا ملهوف
خليت حياتي تروق
ووصلت ليك يا رءوف

ولا لحظه يخاف ..
غدر الكافرين
ماشي بيرش الدنيا حنين
ولا مين ولا مين ولا مين ولا مين
ها يهز إيمانه بحد السيف
يارسول الله يا شريف القول
بيشم الناس ..
في عبيرك قبل ما تبقى هناك
إنسان .. ولا كنت في ليله ملاك
إنسان ومجرب ..
طعم اليتيم ..
مع الحرمان
إنسان وياه الحق بشرع الله
الرب ناداه
دونا عن كل خلاصة الناس
جواه إحساس



غار النبي ..



على كل صديق ..
محتاج إخلاص
يا حبيب القوم
من أول آيه جفاك النوم
سهران بتردد أغلى حروف
وتطوف على كل مكان مهجور
وتبارك حتى ان شفت هناك ..
عصفور ع السور

* نختم بقى القرآن
في الفجر .. يا رحمن
ونودع الأحزان
وندوب في نهر إيمان

* يا آيه .. كونتي هلال
قايد لكل الناس
لازم يروق الحال
في سكة الإخلاص

* لازم في يوم هانعود



غار النبي ..



لما نجومنا تبان
يملى حياتنا الجود
يملى الوجود قرآن

* خذني معاك يا كتاب
مفتوح لكل الكون
مكتوب على الأبواب
جايب عشاننا العون

* يارب .. جينا ننول
الحب .. و الحسنات
إشفع لنا برسول
واشفينا بالصلوات

الغار إتحول شيء ملموس
السنتي في قلبه صبح فدادين
ورسول الله ..
ماشى في حماه
حواليه الهاله بألف هلال
جبريل وببسال ع الأحوال



غار النبي ..



يتبسم سيدنا رسول الله
ويمد إيديه
ويسلم ثاني عليه
محتاج يتأكد إنه معاه
جبريل بيمد الإيد
ويطبطب ثاني عليه
ويشوف في عنيه ..
دمعة ملهوف
مش حاسس خوف
ولا حاسس غير بأمان ممدود
بينه وما بين المولى عهود
بينهم أمارات
وآيات هيكمل بيها كتاب
الغار أبواب
يدخل من أي مكان يلقاه
الغار مالهوش أبدا سكان
غير العدنان ..
غير المختار

* يا رب .. إقبلني



غار النبي ..



يشفعلي أغلى رسول

ساعة ما تسألني

تصبح إجابتي أصول

* إحميني م الأخطاء

وصلني فجر جديد

دا مفيش ما بينا فراق

يا إله كريم ومجيد

* مع صحبتك أرتاح

أوصل لباب مفتوح

آجي وكلي جراح

في صلاتي .. تهدي الروح

* يا رب .. جيت ملهوف

أبكي على الببيان

طمنتني يا رعوف

لما قرئت قرآن

* يا رب .. أوصل ليك



غار النبي ..



وأعود بأعظم زاد
وان يوم أنادي عليك
الرزق .. ألقاه زاد

الغار مش غار
دا مكان في الجنة لناس عاشقين
شهداء الحق وأصل الدين
الغار يتحول ألف منار
تهدي التايهين
الله يا أمين
على صوتك ..
وانت بتنده دايمًا على جبريل
في نهار أو ليل
ويجاوبك دايمًا بالقرآن
الغار مالهوش جدران
لكن جدرانه ..

حمائه من الرحمن
ورعايه شريفه من الغفار
الله على صوت الغار لو كان ..
ببردد آيه شريفه لعبد الله



غار النبي ..



هايزيد الزاد

وتقيد الشمس لظه سبع مرات

يفرح بشعاع ممدود ..

من عند رءوف

يخرج فيلاقي الكل صفوف

ومشاعل خضره على الصفين

رايح على فين ؟

على كل الناس

* في كل يوم .. نور النجوم

بيزيد في قلبي يا رءوف

خليت قلوب الناس تقوم

م النوم .. وتيجي إليك صفوف

* يا رب جيت .. علشان أقول

علشان أنول .. منك رضا

صليت بروحي ع الرسول

وشربت من نهر الهدى

* واهب إليك .. كل الحياه



غار النبي ..



ما بين ايديك .. سجد الهلال
رددت إسمك في الصلاه
وارتحت في دنيا الحلال

* دخلت آياتك مهجتي
فاضت بحورك ع الدروب
الجنه .. هي بهجتي
إحميني من نار الذنوب

* يا رب .. مش ممكن أتوه
طول ما الكتاب .. لي إمام
شايف آياتك .. ع الوجوه
وحديث رسولنا .. في الكلام

راجع م الغار .. قلبه الحساس..
بيدق بفرحه على الأبواب
تتفتح كل ببيان الكون
تتفتح كل زهور المسك مع الرياحين
يخرج م الغار
يسمع أصوات .. لملايكة بتعزف ليه ألحان



غار النبي ..



وتردد في القرآن
وتسمى بفرحه عليه
وتبوس في إيديه
وتبوس في عنيه
يوصل لصحابه .. وكان الجمع غفير
الكل يوسع ليه
الكل يسيب مطرحة علشان يرتاح
ويبص على القاعدين
يرقيهم واحد واحد بالنظرات
الكل في حالة حب على استعداد..
ينطق ويقول
أنا ليكوا رسول
هل فيكم حد مكذب قولي
يقولوا آمين
هل حد مازال بيثك في أصل الدين
هل فيكم حد ها يسجد للأصنام
الكل يا طه في حبك هام
بببصوا عليك بعيون وجدان

* شمس الإيمان .. جوه الكيان



غار النبي ..



والفجر بان .. يا مصطفى
هز السكون .. صوت الأذان
خلى المكان .. يصبح دفا

* نورك إلهي .. بدون حدود
يا ضيِّ فوق كل الوجوه
علمتنا .. إن السجود
هو دليلنا لو نتوه

* يا هادي .. والقرآن شموع
قائده في ليل كل اللي تاه
الله على دمع الخشوع
لو بان يا طه في الصلاه

* عرفتنا .. إن الإيمان
هو الأمان .. هو الأصول
حتى على القلب اللي خان
أصبحت " رحمه " .. يارسول

* طه .. على طول المدى



غار النبي ..



إنت طريق المؤمنين
فوق وردة الإسلام ندى
إسقيها حبك .. يا أمين

ويقولوا وراك ..
الآيه الطاهره ..
من القرآن
ويبوسوا إيديك
لو قدروا في قلب الزحمة الغاليه
يبوسوا إيديك
تخطب في القوم
يصحى الغفلان م النوم
والكل يقوم ..
علشان يا رسول ..
ساعة ما تقوم
يتبارك بيك
الله يا حبيبي عليك معصوم
من كل شرور الناس والناس
مقسوم على كل الكون قرآن
يتردد داخل كل مكان



غار النبي ..



ويهز قلوب كل الأحجار
تخرج م الغار
والسكه قصادك نور على نور
والضوء مبدور
وملايكة شوق بتدور حواليك
وبتحضن فيك
وتسمي عليك على مدد الشوق
طول عمرك عايش بالمعروف

* الله على .. نور الصلا
جوه النفوس المؤمنه
لما نطقنا البسمله
صبحت قلوبنا حنينه

* إسمك في أرواحنا صبح ..
زهرة .. بتكبر كل يوم
هي الدوا .. للي انجرح
هي الحمايه م الهموم

* يارب .. كون لنا الفرج



غار النبي ..



كون الرعايه لنفسنا
الفجر .. م الضلمه خرج
علشان ما تظهر شمسنا

* إسمك صبح .. لينا سند
والآيه للمحتاج شفا
ننده .. تكون .. أعظم مدد
وتكون في قلب الروح .. صفا

* جايب عشاننا المصطفى
يهدينا نوره ع الدروب
إحمينا من نار الجفا
الله .. يا عالم بالقلوب

وإمام ع الكل ..
بدون ما يكون للكل فروق
طالع على فوق ..
بالروح علشان ترتاح وتطيب
الله يا حبيب
علي ريحة طيب



غار النبي ..



حاضناها عبايتك ..

ليل ونهار

الله ع الجار .. لو آمن ببيك

أو دافع عنك ضد الزور

الله ع النور..

لو ساد أو عاد

أو فاد الكل في ليل ونهار

الآيه الطاهره ..

بتصبح في الظلمات قناديل

وما زال الدرب طويل

قدامك سكه طويله طويله من الأسفار

قدامك هجره من الكفار

في السكه قريش ..

واقفالك بالنبوت

بس انت بتقدر تاني تفوت

وتبص بحب على الملكوت

نلقاك على مدد الشوف مبعوث

بيدوس بالآيه على الكفار

* إحنا اتجاهنا .. و جاهنا ببيك



غار النبي ..



و وجوهنا .. بصه ع السحاب
لما سجدنا .. بين إيديك
القلب جوه الدمع داب

* نيجي عشان .. نطلب سماح
تشفي الجراح .. في سكتك
يطلع على السهران صباح
يرتاح .. ويدخل جنتك

* يارب .. والليل الطويل
بيقيد .. إذا طال السجود
المصطفى .. هو الدليل
وقمرنا .. في كل الوجود

* إرحمنا يا رب الجميع
واهدينا دايما للحلال
طه .. يكون لنا الشفيع
ولا يوم نضيع .. في طريق ضلال

* في الفجر .. ببيان الطريق



غار النبي ..



الله على الفجر الجديد
صوت الأذان .. دائما رقيق
والصحة .. يوم عن يوم تزيد

تخرج م الغار
تلقى الأحجار ..
بتنادي عليك
والنخل بيحني القامه ..
عشان يرضيك
وغصون التوت ..
بتمد التوت أبيض لإيديك
إرتاح يا حبيب الله ارتاح
السكه الغامقه ها تبقى براح
علشان وياك
مفتاح الجنه في جيب موجود
يا أساس الجود
ها تعود م الغار ..
دايما محروس
وإمام ع الكل بدون تمييز
يا حبيب .. يا عزيز



غار النبي ..



يا خلاصة القوم
صاحي من النوم
تسأل في خديجه عن الأحوال
وبتعدل كل الشيء ان مال
وان قال الكل عليك إنسان
ترتاح يا حبيب ..
من كل كلام عنك يتقال
تخرج م الغار مرتاح البال

* لما القلوب .. وياك تدوب
بنتوب .. يارب العالمين
مكتوب .. على كل القلوب
تتهنى بالهادي الأمين

* نيجي جماعه .. والصلاه
تجمع قلوبنا الطيبه
إحنا الشراع .. جوه الحياه
وسجودنا .. هو المركبه

* يارب .. يا سند العباد



غار النبي ..



إسندنا .. لو طال الطريق

خلي الآيات .. لنا ميلاد

خلي الحديث .. لنا صديق

* دار الزمان .. واحنا هنا

ساجدين .. وطالبين المدد

الكلمه .. نسمة حنينه

والليل .. نجوم .. مالهش عدد

* آجي إليك .. طالب حماك

تديني خير .. من غير حدود

أنا لما باسمع صوت نذاك

ألقاني في حالة سجود

وياك الآيه بألف جناح

قرآن في الكون ..

يصبح سواح

وبيهدي العاصي ..

يتوب ع الناس بفروض الله

يا حبيب الله وإمام الكون



غار النبي ..



الكون من غيرك كان مجنون
وظهرت تصون ..
حق الإنسان
بالنور والتقوى من القرآن
تدخل يا رسولنا على الوجدان
تلقاه مستني دخولك بالغفران
وجدان مؤمن بالله
مؤمن برسول الحق عماد الدين
مؤمن بالهادي ..
لكل نفوس الدنيا إلى الخيرات
أهدانا إلى الصلوات
أهدانا النور و زهور التقوى
وشجر الجنة و نيل الخير
أوصانا كثير بالأب و أم الخير
و بحق الجار
أوصانا نكون أخيار
نختار الجنة ..
و نرفض نار الشر و نار الخوف

* بين الصفوف .. قلبك عطوف



غار النبي ..



ربك رءوف .. على صحبتك
تفرد عبايتك .. للضيوف
ونشوف آيات .. في سكتك

* في سكة الإسلام .. خرج
مليون هلال .. لاجل الجميع
في طلعتك .. كان الفرج
كان ابتداء .. زمن الربيع

* يا طه .. قتديك هنا
جوه القلوب المخلصه
وتفوت سنه .. بعد السنه
ولا نلقى غيرك مدرسه

* جينا المدينه عشان ننول
الراحه من بعد التعب
إرتحنا جدا يا رسول
بضياك .. يا أنهار الأدب

* سلمنا روحنا للإله



غار النبي ..



ورضيا بالمكتوب لنا

إتبسمت .. لنا الحياه

ويا الجموع المؤمنه

خلانا نشوف .. نور القرآن

عطرنا كثير .. بحديث محفوظ

خلانا نفوز .. بنصيب موفور ..

من دنيا كريمه من الحسنات

أوصانا نصوم .. ونزكي ونعبد رب رءوف

أوصانا نكون ..

ضد الأشرار السوده صفوف

و نحن على المسكين

و نكون أحرار .. ضد التيار

لو كان تيار الكفر شديد

ننطق لو حتى ..

قصادنا سيوف تهديد

نكرم في السائل والمحروم

ما نقولش الزور .. نسجد لله

ونصلي يوماتي على المختار

و نقول و نعيد



غار النبي ..



إن انت يا هادي شراع الروح
وبتسأل دايمًا ع المحتاج ..
لو كان محتاج .. و على المجروح
وان انت الهادي لناس تايهين
الله يا أمين .. وياك ألوفات
يطووا المسافات علشان يفدوك
كل الأجناس ..
بيجيبوا في سيرتك ويحبوك

* إنت الرعايه .. والعنايه .. والهدى
وانت الهدايه للغريب .. جوه الطريق
واللي اهتدى .. في سكتك .. سمع النداء
قمر الإيمان بعد انتظار .. جواه بريق

* من نهر نور .. قلبي ارتوى
طه دوا .. للمتعبين
وصلنا للجنه سوا
ويا جميع المسلمين

* دخلت آياتك .. قلبنا



غار النبي ..



الله على أعظم حروف
فضلت نجومك جنبنا
ساعة سجودنا يا رءوف

* يارب .. جيت .. لما الأدان
أصبح هلال .. جوّه السما
الدمع .. فوق الخد بان
إرحمنا يا حامي الحما

* بانّت نجوم الخير لنا
لما طريقنا .. صبح أصول
كل الحاجات المحزنه
بتزول .. إذا.. زورنا الرسول

بلغنا بأن المسلم ..
لازم يبقى نضيف
يتوضى خمس مرات
ويصلي خمس مرات
أو أكثر لاجل الخير ما يزيد
أوصانا على المواعيد



غار النبي ..



نحترم الناس ..
و خصوصاً لو قدامنا فقير
أو فيه محتاج
ونكون التاج ..
على كل جبين
ما يكونش القلب حزين
لو قطر الرزق يفوته سنين
دا لأن الرزق ..
في صحف الغيب
ويكون القلب حبيب ..
للكعبه ..
وكل صحابة أغلى رسول
الحب ها يبقى سيول
و الخير ها يفيض
ونقدم دايماً كل مزيد ..
من عمل الخير
ما يكونشي في قلب الروح تقصير
ولا مره نكسل عن أعمال

* بين الدموع .. قمر الخشوع



غار النبي ..



بان في خضوع .. بين النجوم
السجده طالت بالجموع
زالت من الروح الهموم

* إنت اللي عالم با اللي كان
واللي ها ييجي في الميعاد
قرآن .. دخل جوه الكيان
خلى الممات .. يصبح ميلاد

* يا رب .. يا سر الوجود
ريحت قلبي بالآيات
لازم في يوم .. لحماك أعود
أرجوك .. سامحني ع اللي فات

* كنت السند .. كنت الحما
كنت الحمايه للبشر
أرفع إيديه للسما
تتحول الضلمه قمر

* يا رب .. والنور ابتدى



غار النبي ..



يظهر في أنحاء الوجود
في كل حته .. نجوم هدى
هنا أو هناك .. موجود سجود

نفشي في سلامنا لكل الناس ..
ونكون نبراس
نبدأ بسلامنا على الأصحاب
ونزيل في ضباب الشك ..
ان دخل الروح
أوصانا حبيب العين والروح
نصبح مصابيح ..
لو طال الليل
نصبح في السكه ..
الضلمه دليل
نهدي الملايين
نكتب عن نور الله ..
ورسول الله
نقرى القرآن
نطرد في فلول الجان بالنور
يبقى المستور



غار النبي ..



لو صدقه خلاص
نتعود دايمًا ع الإخلاص
نعزف ألحان الضياء والجود
و نقول الله الله موجود
واحد و مالوش في الدنيا شبيهه
ما تقولشي إزاي ..
ولا إمتى وليه
ونصلي .. كل ما حد ها يذكر اسمه عليه

* طه .. وانت الجليس
وانت كل الصفات
تهدينا بالحديث
تحيينا بالآيات

* أحاديثك نور ببصري
يا حبيبي في الكيان
جوه العروق بتجري
يا أطول م الزمان

* يا مصطفى اللي خدنا



غار النبي ..



من ليل طويل .. شحيح

ويا إله ساعدنا

بحديث رقيق .. مريح

* أحاديث النور يا طه

الوحي م الإله

تحمينا م المتأهه

وتنادي ع اللي تاه

* يا حبيبي .. يا نور عنيّه

سامخني لو سهيت

يا اللي انت باتي ليّ

في كل حتّه بيت

الغار ..

مستني قدومك يا مختار

لابس في عباية حب ..

وفارش نوره على الأحجار

تدخل ..

فيهلل قلبه بفرحه عليك



غار النبي ..



تلمس رجلك ..

في حجارته .. تلين

وتبص عليه ..

تلقاه اتحول طفل رضيع

بيبص عليك ..

يا حبيبي بشوق

فتمد إيديك ..

تحضن جدرانه بقلب رقيق

بيزول الضيق وياه يا رسول

مع إن الدايره عليك بتضيق

تنزل دمعائك فوق الأرض

فتخرج زهره بحجم الكون

حاسس يا رسول إنك مديون ..

لله في حاجات .. و حاجات .. و حاجات

تطلب في سماح ..

من رب الناس

يا رسول مبعوث ..

جواه إحساس

* إغفني .. من ذل السؤال ..



غار النبي ..



لسواك .. يارب العالمين
باستعطفك .. يا ذا الجلال
تحميني من ليل الأتنين

* إحميني من ضعفي .. إذا ..
جارت عليّ سنين ألم
خبيني من ريح الأذى
واسقيني من عطفك نعم

* و يدق قلبي ع البيبان
تفتحله يارب العباد
قرآن .. بيسقيه الأمان
وحديث .. ببيجي معاه ميلاد

* إغفيني .. لو طال الطريق
يارب من ذل الدموع
خلي الآيات .. ليّ صديق
خلي الحياه .. فيّ خضوع

* يا رب .. خلي الليل سجود



غار النبي ..



خلي النهار . ليّ منار
خليني قادر ع الفروض
خليني في الدنيا عمار

تفرش في قماشه شريفه على الأحجار
تتبسم كل حيطان الغار
توسع حواليك يا رسول الله
تتصنت يمكن تسمع ..
صوت أنفاسك بالقرآن
والصمت يطول ..
مع إنه ساعات بيكون القول ..
زي الفيضان ..
يا رسول إنسان
شايل في هموم الكل ..
وحاسس بالأصحاب
أحباب الله وياك على طول
ماشيين في حماك
وانت اللي معاك ..
رحمن ورءوف حارس في خطاك
ولا كان وياك ..



غار النبي ..



غير سمعه عفيفه ما بين القوم
وعلوم من عند الله بتبان ..
في كلامك ويا الأهل بشوق
وأمانه وصدق ..

مع المخاليق
بتمد إيديك الطاهره لكل غريق
وتشده من الأخطار
إنسان من قبل ما ييجي الغار

* باستسمحك .. لاجل امدحك
ياطه .. يا ختام الرسل
الصدق .. شايل ملمحك
والخير على قدومك وصل

* أمدح ياطه حضرتك
تتفتح الأزهار هنا
دخلت قلوبنا دعوتك
ويا القلوب المؤمنه

* يا حبيبي .. كان الكون رماد



غار النبي ..



والسكه كانت ليل في ليل
يا طه .. جيت و معاك ميلاد
مع دين حنيف .. وشريف .. أصيل

* لو أمدحك .. رزقي يزيد
وارتاح يا طه .. م التعب
الله على الرأي السديد
الله على قمر الأدب

* أنا همدحك .. في كل حين
مهما ليالي النار تطول
إنت الإمام .. وانت الأمين
وانت السلام .. وانت الرسول

تدخل بردان يا رسول الله ..
للغار .. مع إنه بيستناك
مشتاق للقاءك ليل ويا نهار
تقعد دفيان
الشمس في عز الليل ..
بتهل عليك لاجل تدفيك



غار النبي ..



والطيب مرشوش حواليك دابر ما يدور

وزهور الصبر مع الوجدان بتفكر فيك

وازاي ترضيك ..

بعبيرها وحسن جمالها يا نور الله

خارج والشال على كتفك ..

يشبه للأماظ

عارف يا حبيبي بأن السكه هاتبقى قزاز ..

ويا الكفار عباد الليل

وبأن الله اختارك ..

لاجل تكون في السكه دليل ورسول مختار

زعلان الغار ..

علشان بتسييه ساعات وساعات

بينك وما بين الله صلوات

من قبل ما تعرف كل الدنيا ..

قانون الغيب

ساجد ..

والسجده طويله طويله ..

وكل البيت مرعوش يا حبيب

* تسترني .. لو زادت عيوب



غار النبي ..



قلبي .. يارب العالمين
انت اللي عالم بالقلوب
وانت نصير المظلومين

* تداريني عن عين العباد
لو ليله اضيع .. ويا الخطأ
تبعثلي رزقك في الميعاد
قدام ضياك .. قلبي نطق

* تهديني دايم للصواب
وتاخذني لشطوط الحلال
تفتح عشائي ألف باب
تحميني من ليل الضلال

* سميت .. وجيت .. على بيت ضياك
وشربت أنهار الدفا
لما نسيت الروح معاك
زارني حبيبي المصطفى

* يا رب .. لو طال الفراق



لَكَ يَا حَبِيبِي شَدَنِي

غار النبي ..



عارف يا حبيبي بأن رسالتك بالمواعيد
يشوفوك الناس ..
وكأنك طيف ونسيم على كل جبين
أوقات فرحان .. وساعات بتهل حزين
وتخلي الكل يقلك مالك .. يسأل ع الأحوال
فتقول يارسول
إن الأحوال
هاتكون بمشيئة الله لقلوبكم عال العال

* و دخلنا من باب السلام
الدمعه فوق الخد نور
نهدي لهادي الكون سلام
نسجد لرب رءوف .. غفور

* الباب .. فتخلي .. لما جيت
وارتحت من كتر التعب
الله يا مكه يا أغلى بيت
الله يا قنديل العرب

* و دخلت بالقدم اليمين



غار النبي ..



والذكر .. في كل المكان
والمصطفى الهادي الأمين
شلال إيمان .. جوه الكيان

* يا مكه .. جايلك في الميعاد
أشرب من النهر الحلال
طه الحبيب .. جوه الفؤاد
في قلب روعي .. أدان بلال

* في الكعبه .. بيطول السجود
والدمع .. يتحول وضوء
الله .. يا أخلد م الخلود
في مكه .. كان بدء الشروق

ماشي تتلفت ..
ع الأصحاب
ترفع في إيدك الطاهره..
ان قابلك حد غريب
وتروح وياه للبيت
وتقدم آخر لقمه إليه



غار النبي ..



لو ماشي ..

توصل فيه

تظمن بعد ما يمشي عليه

تقعد مع كل الناس يارسول

اللقمه الحاف ..

دايما تكفيك و تشبع فيك

عمرك ولا كنت في لحظه أكل

لو فيه في جيوبك نص رغي

بيقضي جميع الناس ويفيض

خيرك بيزيد ..

من قبل ما تعلن دين الله للقوم

معصوم من كل خطايا الناس

بتحارب في الوسواس

من قبل الآيه ما تدخل قلبك وتصحيك

تصحى من قبل أذان الديك

وتصحى خديجه ..

تقول وياك قرآن

الله يا رسول إنسان عدنان

* و ذكرك .. يرفع الحسنات



غار النبي ..



و يوصل بينا للسموات
ونسجد .. إنما ننسى
يارب العزّه .. في " صلوات "

* سامحنا .. ع اللي سوّحنا
في عالم سكته أشواك
ضلام الليل بيجرحنا
فريحنا.. بضّي ضياك

* إلهي .. كل شيء في
بيندهلك .. ويشكيلك
ودمعه حايره في عنيه
بتبكيلك .. وتحكيلك

* يا عالم كل شيء في الكون
ياريت تنجدني من نفسي
أنا مازلت لك مديون
ونفسي .. تزول جبال يآسي

* و ذكرك .. لما يطويني



غار النبي ..



في ألف صحابه ياربي
سكون الليل .. يوديني
لبابك .. يلمسه قلبي

ماشي وكان الأرض بتمشي معاك
وتوصل فيك .. للغار يا رسول
ترمي في سلام ..
على كل حجر موجود في الغار
ع العشب وكل فراشه بتحضن فيك
ومفیش يارسول الله أخطاء
لا ذباب .. ولا حتى تراب
ومفیش حشرات ..
تقلق في وجودك مع جبريل
الغار بقى واحه مريحه لقلب ما زال ..
مستني الوحي ..
بفارغ صبر عشان يرتاح
الله مع كل آياته بيبعت ليك مفتاح
يفتح في جميع أبواب الجنه لكل شريف
فرحان مش خايف م التكليف
تخرج .. والغار .. يخرج خطوات وياك



غار النبي ..



بعدين بيعود

علشان م النجمه هاستنك

وتبص عليه .. ترميله سلام

ويرد عليك ..

مع ألف سلامه يا عبد الله

يا اللي انت حبيب الله ومعاه

مع ألف سلامه وإوعى تغيب

أنا هاستنك يا أعز حبيب

* دخل " الحياء " .. جوه الكيان

صبحت أراضى الدنيا خير

إنسان .. ملان بنجوم إيمان

تلقاه ما بين الناس ضمير

* كان الرسول .. شلال حياء

الله عليك يا حبنا

خليت طريقنا كبرياء

ومليت بعزه قلبنا

* نور " الحياء " .. أجمل صفه



غار النبي ..



بيخلي كل " الوجه " .. نور
كان " الحياء " للمصطفى
هو المراكب.. والبحور

* علمتنا .. إزاي نكون
وإزاي نصون .. كل العهود
إزاي ما نقدرشي نخون
وإزاي مع القرآن نعود

* يا مصطفى .. كل الصفات
جواك .. نجوم فوق الطريق
إنت رسول المعجزات
وانت لكل طريق .. صديق

قدام الغار ..
بيهدي الخطوه ..
تزيد الرعشه على المختار
وبيبص لجوه .. يشوف أشياء
يدخل بإباء ..
والروح فرحانه بشكل عجيب



غار النبي ..



كل الأحجار بتبص عليه
بتلين لو يقعد فوقها بشوق
تنزل على كتفه فراشه ..
تطببط لحظه عليه
الكل بيلمس في المختار
علشان ما ينول
الباب وحيطان النور
حتى الحصوات
الغار بينور جوه الليل
ويردد في القرآن
من بعد رسول الله
جبريل وما زال قاعد وياه
بيقوله بأن الله وياك
إختارك تبقى هدايه لكل الكون
وتكون العون لاجل الملايين
لخص معجزتك في القرآن
خلاك يا حبيبي ختام وسلام
على كل الناس

* صابر .. على طول المدى



غار النبي ..



عابر إليك .. كل الطرق
الدقه في قلبي هدى
والروح .. هلال في الليل برق

* قدرتني .. أصبح أمان
للي الحياه .. جارت عليه
الآهه .. تتحول أدان
أمسح لجاري دموع عنيه

* صابر .. ومين يصبر ينول
يوصل إلى شط النجاه
تلمح عنيه .. نور الرسول
ويطول حنائك يا إله

* قدّرتني أوصل إليك
وأعوم في أنهار النعم
أسجد بفرحه .. بين إيديك
وتنادي ليّ .. أقول : نعم

* صابر يارب بدون حدود



غار النبي ..



طول ما انت جنبي ع الدروب
نورك ياخذني في السجود
يزرعني في كل القلوب

خارج والناس ..
بتبص عليك
وكأنتك ألف ملاك ماشيين
يا أعز أمين ..
الكون ملفوف بالنور حواليك
عارف يا حبيبي ..
بأنك شخص مهم ..
وأكبر جدا م الموجود
وبأنك أصل الجود والخير
لو شافك طير
يفضل في السما علشان ..
ما يضلل ريشه عليك
لو شافك طفل
بيجري ويلمس توبك ..
دون ما يخاف
فرع الصفصاف ..



غار النبي ..



حاسد في المسك الواصل ليه
وسنابل قمح الغيط عارفك
محتاجه ضياك
محتاجه سنالك
محتاجه تقسم كل الزاد دايمًا وياك
وجميع الناس شايفك مختار
بتروح للغار .. وتعود م الغار
وتساعد ناسك ليل ونهار

* قدام مقام .. سيدنا ابراهيم
سجدت قلوب المسلمين
الله على الرب الكريم
الله على طه الأمين

* كبرنا .. واستغفرنا .. داب
القلب في ذكر الإله
التوبه .. ليها ألف باب
واللي هجر في رسوله .. تاه

* سيدنا ابراهيم .. شلال ضيا



غار النبي ..



الله على الضيِّ الحلال
يا " أب " كل الأنبياء
يا " حق " .. داس فوق الضلال

* النور دخلني لما جيت
قدام مقام .. سيدنا ابراهيم
مكه يا طاهره .. يا أحلى بيت
يا هدايه م الرب الحليم

* دخل المقام .. جوّه الدما
الدنيا زاد فيها النغم
الله وهبني أوسمه
والهادي .. قال لي " نعم "

الغار بيكون في الليل بردان
تدخل يتدفى بنورك ..
يجري عليك
تتحرك فيه كل الأحجار
الغار بيحبك يا مختار
محتاج لسنين .. الوحي تطول



غار النبي ..



عاشقك يا رسول الخير والنور

مستتي لقاك

مش عايز أبدا لحظه تغيب

والكل بيعشق فيك يا حبيب

مع إنك لسه بتدعوا الناس

في السر لحد ما يبقوا كثير

الوضع هايبقى خطير يا رسول

لازم يأذوك

هايدافعوا بحرقه عن الأصنام

في قريش الناس دايم خدام

لشيطان وسواس

مش ممكن أبدا ..

يوم يسيبوك

تجهر بالدعوه ..

تحطم ليهم معتقدات

وارثينها من الأجداد

يا رسول يا ميلاد ..

وختام لجميع رسل الرحمن

* قدّرني يا رب العباد



غار النبي ..



أقدر أكون .. إنسان مطيع
زارع في أشجار الميلاد
راسم هلالك ع الربيع

* يارب .. والأيام تفوت
وتضيع حياتنا في السراب
خليني اقول إسمك بصوت
واضح .. واشوفه في السحاب

* قدّرنِي أسجد في حماك
واشرب ضيائك صبح ومسا
الله يا قادر في علاك
إجعل حياتي مخلصه

* يارب .. روعي بتندهك
والقلب متشوّق إليك
مين يا إلهي يشبهك
مين اللي يوصل لحظه ليك

* قدّرنِي أكون فوق الطريق



غار النبي ..



قنديل بيهدي في اللي تاه
أو " طوق نجاه " للي غرق
يارب .. في موج الحياه

من بره الغار
فيه ناس مؤمنه بضياك
سمعوا القرآن وياك يارسول ..
وارتعشوا بنوره وقالوا معاك
لكن أوقات ..
بيعانوا من الكفار
الأذى بيزيد ويزيد
ولا همك إن النار بتقيد
علشانك لما بتوصل أي مكان معمور
النور على بعض أماكن نور بيسود و يعود
وأيات الله ..
دخلت في بيوت
وصلت مع نورك للسموات
الليل صلوات
ما بقاش الناس مؤمنه بسكات
الكل بيصرخ ان الله موجود



غار النبي ..



ورسول الله أحمد موعود
بالوحي من الرحمن
الله على صوتك يا مختار
وانت بتشجع كل الناس ع النور
الله على صوتك ..
رافع بيت دايم معمر
مع ذلك .. عمرك يوم ما بقيت أبدا مغرور
ولا مره شهدت شهادة زور

* في " المروه " .. والصفاء
كل القلوب .. تدوب
يملى الأرواح دفا
ونتوب .. من الذنوب

* رايعين جايين يا طه
والفرحه في العيون
إرتحنا م المتاهه
ونسينا في الظنون

* و لا فيه في القلب غيرك



غار النبي ..



يا إله بالروح رءوف
جوّه الكيان زهورك
ومفیش في نفوسنا خوف

* جوانا نور کتابك
يا عالم بالعباد
لما فتحنا بابك
الزاد يارب زاد

* في المروه .. و الصفا
بانت دقات قلوبنا
وحبيبنا المصطفى
باركنا .. لما دوبنا

الله ع الغار في النور مبهور
ويثور لو يسمع إن الكافر ..
لسه بيزرع أرضه البور
الغار يا حبيبي صبح أرواح داخل أرواح
كائن محسوس
نفسه وياك يخرج ويدوس .. فوق الكافرين



غار النبي ..



الدين يا حبيبي صبح محيطات

وبيوت الناس ..

لسه بتردد جوه الصمت آيات في آيات

والكون فرحان .. بميلاد الدين

يارسول الله يا شفيع يا أمين

يا أساس لختام الوحي على الأخيار

الوحي نزل لآلاف وآلاف

لكنك كنت الفارس ع الملايين

وما زلت الحارس للأبواب

وما زلت سحاب ..

بيضل فوق الناس الفقرا ..

لحد في يوم ما تفوق وتفوق

الله الله على ايدك جايبه ..

لكل الناس دايم زواد

على قلبك حاضن فيهم ليل ونهار

يتمنى ياخذهم ..

واحد واحد ..

لاجل يروحوا معاه الغار

* ويا السحابه طلعت فوق



غار النبي ..



وذكرت فضلك للفضا
الحب جاري في العروق
والقلب دقاته هدى

* يا رب يا عالم بنا
دايما فاكرونا برحمتك
الروح تجاهك مؤمنه
ساجده يارب ف سكتك

* جوه السحابه قلبي داب
وندهت ليك جوه السفر
لما ابتدى ليل الضباب
الآيه كان فيها قمر

* ويّا السحابه قلبي هام
نزلت دموعي ع الخدود
تحميني من ليل الحرام
تختم حياتي بالسجود

* يارب .. ويا حضرتك



غار النبي ..



تحلي القرايه في الكتاب

تلمس قلوبنا نسمتك

نلقاها طائيره في السحاب

تخرج م الغار ..

والروح مرعوشه بأمر الله

تدخل في هدوء ..

وتنادي خديجه بصوت مسموع

تتزل تدفى .. تفوق لحظات

تحكيها بفرحة قلبك ..

عن أحداث حصلت في الغار

عن وحي أذاك .. ومعاه جبريل

تنزل دمعات .. على خد خديجه الطاهره تكون ..

أول من آمن ببيك يا رسول

وتردد جنبك في القرآن

الآيه بترعش في الجدران

والبيت فرحان من ألف ملاك ..

بيقولوا وراه

يسألها الهادي .. تقول الله

ومفيش ولا غير الله في القول



غار النبي ..



الله يارسول
أصبح عن كل الناس مسئول
قدامه طريق .. هابطول ويطول
خارج م الغار ..
ونجوم السما بتبص عليه
وقمر عرجون .. فارش حواليه ..
النور وبينده لسه لنوره ..
عشان يهديه

* المدنه .. جنب مدنه

الله على الضيا
نوره .. في الليل ساندنا
ختام الأنبيا

* المدنه .. ضوء مناره

بتنور للي تاه
يا أول البشاره
يا منحة الإله

* المدنه عرفتنا



غار النبي ..



مكانك يا رسول
بوجودك .. شرفتنا
وقدرنا معاك ننول

* المدنه شراع بيوصل
من روحنا للسمما
عمر الأزهار ما تدبّل
في الروح المغرمه

* يا مدنه لأغلى مسجد
أحمد .. نور الحقايق
وياه الروح بتسجد
فوق سجادة مباديء

أول من آمن بك يا رسول .. كان الصديق
ولا سابك حتى دقيقه لوحدك يوم
تخرج م الغار ..
تلقاه مستني لحد ما توصل ليه
يفرد في إيديه
ياخذك يا محمد بالأحضان



غار النبي ..



يقرئ وياك قرآن في الليل
ويلف معاك الكون في نهار
ويخاف على قلبك م الكفار
وتروح الغار
يقعد في الشمس لآخر لحظه بيستناك
الإيد على كتفك زي ملاك وملاك
الله وياك .. الله وياه
في الروح الطاهره هدوء الله
القلب خلاص حقق في مناه
الله الله
على أغلى اتنين في عباد الله
ماشيين بثبات
في السر يقولوا آيات
ويقيموا .. قبل ما تنزل في الصلوات
داخل ع الغار .. والرهبة تبان
وكأن الدنيا تلخص نورها في قلب الغار
والغار بيحدد شكل الجنة .. وشكل النار
مزروع على كل حجارة الغار نوار .. نوار

* النجمه .. قالت لي : قوم



غار النبي ..



إقرى كتاب .. جواه ضياه
أيوه صحيت من أحلى نوم
علشان أصلي يا إله

* النجمه كانت بالآيات
سهرانه في الليل الرقيق
شالت من القلب الآهات
صبح الكتاب لي صديق

* النجمه .. كانت نجمتك
والبدر .. كان هو الرسول
لما مشينا سكتك
النور صبح .. زي السيول

* النجمه كانت ساجده ليك
الله على الضيّ الحلال
إحنا ما زلنا بين إيديك
ساجدين في ضلك في ابتهال

* النجمه .. نسمه ع القلوب



غار النبي ..



يا قلوب بتحلم بالضيا
يارب .. خلي الروح تدوب
في حب سيد الأنبيا

تخرج م الغار ..
متكل بالبراهين
يا أمين الدعوه .. ونور الدين
تخرج م الغار .. فتلاقي بلال
مستني قدومك ..
دمع الشوق في عنيه
ايدك تتمد لضره ..
تطبطب تاني عليه
يهمس .. سلامات
تتبسم .. تمشي معاه في سكات
والناس بتبص عليك وعليه
إزاي الهادي يصاحب عبد فقير
فوق منكم طائر طير
بيضل فوقكوا ..
لحد السكه ما تبقى نسيم
تخرج م الغار.. هدفك تعليم ..



غار النبي ..



الدين للناس

عباد الصنم النائم في الكراكيب

تنصح يا حبيب الناس بالدين

ويدوسوا نيران العيب

يا طبيب الأمة .. وراكب خيل النور

إزاي ينتصر الزور

وازاي يا رسول نفضل صامتين

مع إن بداية الحق نشور

* في الكعبه .. دمع عيني

بيطوف جوّه الزحام

الله بضياه معيني

وعلى الرسول سلام

* في الكعبه .. سيبت روعي

ويّا الملايين تدوب

أنسى جميع جراحي

يا رب .. لو أتوب

* في الكعبه الكل شايف



غار النبي ..



أنوارك يا حبيب
الآية .. ع الشفايف
وحديث روحك طيب

* في الكعبه عنيه شافت
آلاف المعجزات
من أي شيء ما خافت
جوه نور الآيات

* في الكعبه الكل صلى
والليل سجد معانا
في الكعبه الدنيا أحلى
يوصل لله دعانا

ماشي وبلال وياك صامتين
بس القرآن ..
في القلب بيصبح نور موجود
يا بلال الخير لازم هاسود
ويعم الجود ..
على خلق الله ..



غار النبي ..



يا حبيبي بدون تمييز

يا بلال يا عزيز ..

وجلال الله ..

إنت اللي ما بين العالم سيد

وهانوصل بالمواعيد

وبلال يمسح في عنيه

ويحاول إنه يبوس الإيد

يسحبها رسول الله ..

ويبوسه بشوق

يا بلال الكافر تحت الكون ..

وسيادتك فوق

فكيت الطوق ..

بالآيه يا عبد الله

ويايا في كل مكان

ومسيرك يوم هاتعاني من الكفار

استنى لحد ما عود م الغار

يستنى لحد رسول الله ما يعود م الغار

في الليل العاصي يلاقوا الدنيا نهار

* إذا الفجر الحبيب شافني



غار النبي ..



وأنا ساجد إليك يا رءوف
إيماني ببك .. مشرفني
وحامي القلب شر الخوف

* و أسجد .. فوق جبال نورك
وأتهجى آيات وآيات
إذا سحرتني أزهارك
أداري دمعي .. بالسجادات

* و ييجي الفجر.. يلقاني
على جناح السهر ذاك
طريقي كله إنساني
لكل ضعيف إليك فاكـر

* إلهي .. والأمل جانبي
لحد جزيرتك الخضره
لا يمكن ليله ها يسبيني
لأن الروح معاك طاهره

* سامحني يا رءوف دايمـا



غار النبي ..



ونجيني من الأخطاء
ولو فجر الرجوع يدين
أجلك .. فوق جناح أشواق

داخل ع الغار ..
وعبايته بتحضن فيه
دمع الأشواق في عنيه
جبريل بينادي عليه ..
من زاويه بعيده ..
يروحله هناك
يملى في جيوبه الفاضيه بنور
مين قال ع الجنه يا صاحبي ..
فواكه شوق وبنات الحور
الجنه بأنك تبقى قريب من عرش الله
منك يا رسول الله
يمسح في دموع بتنادي عنيه
يحضن جبريل بالروح يلقاه..
جواه بيردد قول مكتوب
إقرأ يا رسول الله من تاني وقول
إقرأ من تاني بصوت يا رسول



غار النبي ..



واسجد لله
واعلنها في وقت قريب ع الناس
ملعون مليون وسواس خناس
واتحمل كل صعاب وعذاب
هايقابلك كافر دايماً بيه
جبريل بيعد الإيد
وبيمسح للمختار
دمعة أشواق وتعب في عنيه

* يا حمام في قلب مكة
الله على السلام
ساجد في كل سكه
الله عليك حمام

* يا حمام طائر يسبح
ويا الملايين يطوف
بأدان الفجر يفرح
وبينذكر الرءوف

* فوق ريشك .. آيه طاهره



غار النبي ..



يا فارد الجناح
ربك .. دا رب قدره
شافي كل الجراح

* رفر ف يا حمام .. و خدني
للمصطفى الأمين
نور الإسلام ساندني
أصبح للروح معين

* يا حمام في مكه .. صلي
و خلي الدنيا ضوء
رفرف ساعة تجلي
و اسقينا في الوضوء

يهمس لبلال ..
يا بلال الخير
هاتعاني كثير ..
من كافر ناسي فروض الله
هايدوسوا عليك بحجارة زور
هايدوسوا عليك مع نهر النور



غار النبي ..



تتحمل ؟ .. ينطق ابونا بلال

أتحمل لاجل رسول الله

لاجل القرآن

أتحمل حتى ملوك الجان

طول ما انت مازلت معايا حبيب

يا بلال هتكون الآيه طيب ..

لاجل المحروم

وهايجي اليوم ..

ع الدنيا نسود

بيننا وما بين المولى عهد

وكتاب مكتوب

الناس على ايدنا أكيد هاتتوب

وتسلم روحها لرب رءوف

ما بقاش في قلوب أصحابنا الخوف

وهانبقى صفوف ضد الطغيان

وهانعلى كمان وكمان وكمان

إصبر يا بلال

والله لا بد نكمل دايمًا في البنيان

* أجيبك .. والذنوب ياما



غار النبي ..



وأرجع .. شائل التوبه

طريق العاصي .. دوامه

وكل ذنوبه .. محسوبه

* أجيلك والكتاب جنبي

بيهديني على السكه

وطه حبيبي .. في قلبي

بيسقي روعي .. من مكه

* أجيلك .. يا إله الكون

وانا محتاج تساعدني

تكون ليّ يارب العون

في كل دقيقه تسعدني

* أجيلك .. قلبي محتاجك

وموذك .. يغسل الدفه

على جبين القمر تاجك

وانا ساجد إليك بادفئ

* أجيلك .. نيلك الصافي



غار النبي ..



يطهرني .. من الأحزان
ما دام قلب الوجود دافي
ها نرجع تاني .. يا رحمن

بالنور .. يخرج م الغار
فيلاقي الناس طوابير طوابير
أشجار أعناب .. وعليها الطير
والبعض بينطق آيه ..
بصوت مرعوش
بره الطوابير .. يا حبيبي وحوش
باصين بعيون الحقد عليك
تفكيرهم بس ازاي يأذوك
والغار بيقلك كل ما تدخل ..
يا مختار الله مبروك
هانت والسكه هاتبقى عمار
والكافر لو يختار النار ..
هايروح النار
أصحابي خلاص صبحوا شطار
بيدوسوا تملي على الكافرين
تدخل للغار مرجوف يا أمين



غار النبي ..



فتلاقي الصمت بيحضن فيك
تحضنه بالآيه وترعش فيه
يفتح في ايديه ..
ياخذك بالحضن الدافي يا عبد الله
تخرج م الغار
فتلاقي الناس ..
بيقولوا خلاص..
جي المختار للروح بدفاه

* أشرب منك يا زمزم
تصبح للقلب شافي
ربك .. بعباده أعلم
يا نبع دافي .. صافي

* زمزم .. منك عروقي
مليانه بالمحبه
الله على التلاقي
بالصحبه .. والأحبه

* زمزم .. أتوضى منك



غار النبي ..



وارتاح من كل شيء

إزاي أستغنى عنك

يا زهور فوق الطريق

* زمزم .. وشربت تاني

والفجر .. بنوره بان

إتحققت أمانى

واتفتحت ببيان

* يا ميه طاهره جدا

الله على الحديث

ساعة ما الفجر يدن

طه .. يصبح جليس

خارج م الغار قلبك مرتاح

والدنيا أمامك يا مختار الأمة ..

براح في براح

أبو بكر ينادي عليك ويقول

حاسس مش عارف ليه يا حبيب ..

إنك بالحب هاتبقى رسول



غار النبي ..



يتبسم سيدنا رسول الله ..
ويقوله رسول ..
ومأمن بيك
تسلملي يا طه الحب عنيك
أنا أول واحد مؤمن باللي اتقال
وخلص بفي فيه صديق وبلال ..
وخديجه وألف صديق
قدامهم ألف طريق
لازم بإيمان يمشوه
مش عايز فيكم حد يتوه
ولا واحد تاه
الكل خلاص ..
باين في عيونه ..
سناه وضياه
الكل خلاص ..
مؤمن بكتاب الله
مستني الكل يكونوا بأمر الله ..
في الحق غراه

* إذا زاد (الجوى) بيّ



غار النبي ..



يارب العزه .. أندهلك
تشوف الشكوى في عنيه
تاخذني .. أمشي فوق سهلك

* وانا ماشي .. أقول الله
واقول احميني م الزحمه
واقول ازاي .. أنا ها نساها
وهو الجنه .. والرحمه

* ياربي .. قلبي ببسبح
ويسجد جوه دقاته
يارب العزه .. لو تسمح
تسيب آيه على شطوطه

* أقول الله .. وقرآنك
بيهديني إلى الأحسن
أنا محتاج لإحسانك
أنا محتاج إليك جدا

* ياربي .. والسما فاتحه



غار النبي ..



إيديها ليّ باطمئنان
أنا باصحي على " الفاتحه "
وانام .. وأقوم على " الرحمن "

تخرج يا حبيب الله م الغار
فتلاقي إمام الحق وراك
وتلاقي في ابن العم خلاص ..
من هم تقيل
والله مفيش في شجاعته مثيل
أول من آمن م الصبيان
حفظ القرآن ..

وما سابش رسول الله في النار
كان جار للهادي في كل مكان
عاشق وأصيل
بيدوس في الليل قدام القوم
ويقوم م النوم دايمًا ملهوف ..
لرسول الله

يخرج وياه .. يرجع وياه ..
من غير ما يخاف
يلمح شجر الصفصاف



غار النبي ..



بيمد فروعه ويلمس توب مختار
بيقوله بحبك جدا لكن ..
عمري ما خفت في يوم م النار
ولا لحظه طمعت ..
في جنة رب رءوف
أنا بس معاك ملهوف
أرضي الرحمن ..
وارضيك يا رسول الحق .. واقول قرآن

* يارب مين يقدر غيرك
يريح القلب الدايب
إزاي هانوصل أسرارك
والقلب جوه الليل دايب

* يارب مين يقدر يهدي
قلوب ما زالت مشتاقه
إنت الرءوف اللي بترضي
النفس لما بنتلاقى

* وجهتي .. على قرآنك



غار النبي ..



نبهتني .. لطباع الناس
كل الوجود .. هو مكانك
خليني جوه الكون إحساس

* يا رب .. إلهمني القوه
علشان أكون قد المشاوير
طهرني من بره .. وجوه
ما احتاجشي يوم أبدا للغير

* في حضرتك .. يغلى وجودي
ألقائي بين أحضان مكه
في سكتك .. يحلى سجودي
الله على أعظم سكه

أبو طالب ..
إبنه معاك يا رسول
بيشجع فيك
ويبوس في إيديك ..
قدام الناس
أبو طالب إبنه معاك حساس



غار النبي ..



بيخلي الزور وياه ينداس
إيده بتنباس ..
من فعل الخير
مستني رسول الله في هدوء ..
يخرج م الغار
ويحط إيديه في إيديه فرحان
بالوحي معاه قرآن
الآيه بتدخل ع الوجدان
بتطهر كل الروح بحنان
وتشجع خلق الله يرتاح ..
من خوف بيهز ..
في أي كيان
قرآن بيخلي الناس شجعان
بيقاوموا بشوق أعداء الله
أعداء أعداء أعداء بتزيد
وتقرب في المواعيد
يعلنها رسول الله في الكون
العالم يصبح شمعة عيد

* جوه السكون .. أسمع صوتك



غار النبي ..



يا آيه في الليل الدافي
أسجد بحب على شطوطك
والصبر يصبح مجدافي

* يا آيه في الليل الساكن
بتدفي أركان الواحه
ليل الخطينه .. بلون داكن
والفجر فيه ألف مساحه

* يا آيه جوه الروح دافيه
دفيني بالقرآن أكثر
خلي نجوم الروح صافيه
خللي الرمال تصبح عنبر

* يا رب .. قرآنك في
بيظهر الوجدان .. والروح
لو طالت السكه علي
يسقيني نورك .. فين ما باروح

* يا رب .. والآيه معايا



غار النبي ..



تحرسني م الليله الجايه
تعطيني يارب هدايه
وان عوزت .. تدينني هديّه

ماشي المختار ..
في طريقه لغار الحق و قول الله
والسكه قزاز
كفار ماليين الحته عليه ..
حواليه مع كل الشر عزاز
بالروح يفدوه
فيه ناس يأذوه .. مع ناس يحموه
وياهم (زيد) أول في الأصل موالى يأمن بيه
ويردد ليه في آيات الله
الناس مع ذيد بتزيد وتزيد
والسكه بتصغر ع الكافرين
الكل خلاص يا رسول مبعوث
بيقول في طريق الحب أمين
أصحاب الله وياك صابرين
عارفين يارسول .. رايعين على فين
على ألف وألف مكان مفتوح



غار النبي ..



الله يا حبيب الروح موجود
بينك وما بينه عهود وعهود
خارج م الغار ..
والقلب بيسجد قبل ما يوصل حضن البيت
يهمس لخديجه بشوق حبيت ..
الله .. ومعاه حبريل الخير
يا خديجه انا شفت جميع الطير ..
ساجد في علاه لاله النور

* تسقيني .. لا أشبع أبدا
تهديني .. أسجد فوق دمعي
في حضرتك .. إزاي ها حزن
يا نور عشان نظري وسمعي

* ها وصف في خيرك بس ازاي
وانا جوه خيراتك دايب
هاعمل ضلوعي لعبدك ناي
ولا ها رضى يوم أصبح غايب

* يا رب .. ساعدني أجيلك



غار النبي ..



أقرى الآيات .. تصحى دموعي
أتوضى من أمواج نيلك
وأشرب ضياك .. جوه ركوعي

* تسقيني .. وارجعلك تاني
أشرح ظروفي وأحزاني
قلبي يخليني أجيلك
على دق لحنه الإنساني

* يا رب .. يا عالم بينا
طهرنا م الليل الزايف
خلي الصلا واضحه علينا
والقلب يصبح ليك شايف

راجع م الغار ..
والشمس بتمسح عرقه .. تسمي عليه
والأرض بتفرح لما يكون ..
ماشى ع الرمل .. تبوس رجليه
والكل بيجري عليه مشتاق
ويمام بيغني



غار النبي ..



في دقة قلبه على الأبواب
كثروا الأحباب ..
وبرغم الكثره مازال الشر ..
محاصر بيته .. وبيحاربوه
واقفين بسيوف الشر..
السوده في كل مكان
ويقابل فيهم بالقرآن
يعمي في عيونهم ..
لما يقول في آيات وآيات
بقى بينه وبين الغار مسافات ..
دا لأن الليل يطول ويطول
وما زلت يا أغلى رسول بتقول
الله موجود يا عديم الشوف
ومفيش في القلب العاشق خوف
إسلام بيسود ويبقى صفوف
وما زال الكافر واقف ع الأبواب
و ما زال الهادي ..
بنصر الله دايماً ملهوف

* يا رب .. يا أصل الوجود



غار النبي ..



وصلني دنيا المعرفه
خليني للحسنات أعود
وأسود بنور المصطفى

* يا رب .. يا حامي الحما
سدد خطايا ع الدروب
أنا قلبي طائر في السما
الله على نور القلوب

* إحميني من عصف الرياح
صفييني من ريح الضلام
أسمع في " حيّ على الفلاح "
أصحى وكل الناس نيام

* يا رب .. جوّه الفجر ضوء
مرسوم عشان كل البشر
واخذ في قلب الدنيا فوق
حامي النفوس من ليل خطر

* قرآنك الهادي المنير



غار النبي ..



نادي علينا من زمن
الله على الهادي البشير
لما رسم لنا الوطن

النخل بيحني جبينه ..
إن شافه في يوم ..
خارج م الغار
والبرد بيصبح ..
برد ونور وسلام
لو طفل رضيع ..
بيهلل لما يشوفه في يوم
والجو ان كان مليان بغيوم
فجأه بيتحول كله ربيع في ربيع
الهادي ما باع أبدا أصحاب
ولا عمره لأي صديق هايبيع
ولا تعبته في يوم أبدا هايضيع
والرب غفور ورحيم وسميع
سامع نجواه
شايف دمعات العين والروح
بنقول الله الله الله



غار النبي ..



يخرج م الغار..
سابقاه الخطوه بضَي سناه
والليل بيردد آيه معاه
والطير بيغني أغاني الشوق
لحظة لقياه
وحضر جبريل ..
علشان يهمسله
بأن شقاه .. يشبه لصلاه

* إسندني .. لو طالت دروب
إسعدني .. لو زاد الشقا
خليني بالقرآن أدوب
أوصل لدنيا مشرقه

* خليني لو طال الطريق
شمعة حقيقه .. حنينه
أصبح لأحبابك صديق
جوه الدروب المؤمنه

* إسقيني من نهرك أصول



غار النبي ..



إشفيني لو يشقيني ليل
إهديني دايما بالرسول
خليني بين الناس أصيل

* يا رب .. يارب العباد
يا عظيم وعالي في قدرتك
خلي الممات .. لنا ميلاد
وارزقنا دايما نعمتك

* إنت السند .. ومفیش سند
غيرك .. يا علام الغيوب
نعمك مفیش ليها عدد
إمتى بقى الإنسان يتوب

خارج م الغار ..
وكأنه ما بين السما والأرض ..
و وسط القوم
يخرج وكأنه خرج من نوم ..
مليان أحلام
فرحان الهادي بصوت جبريل



غار النبي ..



إقرأ لو كنت في عز نهار
إقرأ في الليل
بدأ القرآن يصبح له صوت
ما بقاش فيه صاحب م الأصحاب ..
خايف م الموت
الكل خلاص .. م النار بيفوت
والعود مفروود
بينهم وما بين الرب عهود
ووعود وآيات ..
بتهز جبال
أبو بكر.. خديجه .. وليد .. وبلال
ومعاهم ابن العم وكل الناس
يا مكه وقمرك صار وناس
ورسولك جوّه الزحمه ما زال ..
بينادي بصوته على الغاييين
والناس صنفين
فيه ناس فايقين ..
مع ناس غافلين

* لما لفاك يا حبيبي يحين



غار النبي ..



ترتاح قلوبنا الشقيانه
إحنا البشر .. قدام طريقين
يارب .. للخير إهدينا

* لما لقاك .. ها يدق الباب
الروح بفرحه ها تفتحه
إحنا الضيوف .. واحنا الأغراب
والنور نفوسنا بترتاحله

* يا رب .. بارك أيامنا
بالحب .. والقرآن .. والضوء
حقق منانا وأحلامنا
وصل نفوسنا الطاهره لفوق

* لما لقاك لينا يقرب
النور ها يسكن في قلوبنا
من كل شيء صافي ها نشرب
نوصل إليك .. يا محبوبنا

* يا رب .. طهر أرواحنا



غار النبي ..



وصلنا مهما نتوه لحماك

بالحادي دايم فرحنا

خلينا نوصل ضي ضياك

النور من نورك ..

صار خجلان

بيحاول يمشي وراك ..

علشان ما يشوف

ماشي من غير ما تكون بردان ..

ولا فيه جواك ريحه من الخوف

قلبك ملهوف ..

توصل للدنيا بأغلى رسالة ..

حب شريف

شايل في جيوبك ربع رغيف

بيشبع كل الكون يا رسول

مسنول عن مكه ..

وكل أراضى الله يا حبيب

الآيه طيب ..

وحديثك كله حكم وأصول

وتنول من ربك جبل الخير



غار النبي ..



وتقول عن ربك رب قلوب
لو تقرى الآيه مع الأصحاب
بتدوب وتدوب
ويدوبوا في ذكر الله بالروح
لو شفت صديق مجروح بتروح ..
البيت ويّاه
وياك يا حبيبي دواه وشفاه
وياك الله

* إهديني يا هادي القلوب
بالحب .. والآيه الحلال
خليني جوّه حماك أتوب
و أعيش في حالة إبتهاال

* لو قلبي مال .. إعطف عليه
خليه يدوب ويّ الآيات
لو زاد يارب الحزن فيه
خليه يشوف المعجزات

* الآيه جوّه الروح أمان



غار النبي ..



وحنان في عالم كله نار
إسقينني من نهر الإيمان
خليني ع الطرقات منار

* يارب .. يارب الأنام
إنت السلام .. جوه البدن
لو ليله نامت في الضلام
الفجر بيكون الوطن

* إهديني يا هادي النفوس
واسقينني نورك سلسبيل
ما تخلنيش ليله أدوس
على أي شيء صافي .. أصيل

مطبوع على باب الغار بالنور
يا حبيب الكل آيات وآيات
وملايكه بتبدأ في الصلوات
ويقولوا معاك قرآن محفوظ
كل اللي معاك
بالجنه لابد خلاص هايفوز



غار النبي ..



تلمس في تراب الأرض فيصبح لوز

وان حد يعوز في منونه ..

يلاقي كفايته معاك

ماشي والضل يا طه ضياك

سابح في هداك

بتروح الغار ..

والشوق وياك

لو تلقى هناك جبريل ترتاح

وساعات يا حبيبي بتستناه

وساعات ما يجيش

إتعود قلبك ع القرآن

تزعل لو راجع فاضي ..

بدون مصابيح

وان زادت كل غيلان الريح

هاتلاقي الصحبه ..

صفوف وصفوف

في الدعوه مفيش واحد بيخاف

ولا جرب عبد الله الخوف

* طهرت روعي م الآثام



غار النبي ..



وحضنت بابك يا رءوف
جوه الزحام .. نام الكلام
ولقيتني ساجد في الصفوف

* أنا كنت يا رحمن با طوف
شفت الضيا .. مالي الحياه
رددت إسمك بين ألوف
وسجدت لاجلك يا إله

* يا خالق الأكوان لنا
يا رازق الإنسان حنان
آه جنتك .. هيّ المنى
آه سكتك .. هيّ الإيمان

* طهرت قلبي وجيت إليك
عبدك ضعيف .. يا ذا النعم
لما سجدنا بين إيديك
القلب قال لحماك نعم

* الله على القلب الحزين



غار النبي ..



لما بيذكر حضرتك
بيصلي ع الهادي الأمين
ويدوب يارب ف سكتك

الكل خلاص باصص ع الغار
أحجار بتحطم في الكفار
ورسول الله في الزحمة إمام
حواليه ثوار واثقين في الله
قاسمين اللقمة على المجاميع
ولا واحد ويا نبينا يضيع
ولا يوم هاتشوف ..
غير مهره وفارس قد القول
ماشى على ضي رسول مبعوت .. من عند الله
رايح للغار .. خارج م الغار ..
والشوق في عنيه .. أصبح محسوس
متأكد إنه من الرحمن ..
أصبح محروس
هايدوس الظالم والطواغيت
يخرج م البيت
فيلاقي الناس .. واقفين صاحيين



غار النبي ..



حارسين في البيت
فيقول للناس .. أنا عبد الله
وحراستي بتيجي من الرحمن
عودوا لبيوتكم بالقرآن
واقف في الزحمة رسول الله ينده ويقول
أنا ليكو رسول والكل بيحضن فيه ويبوس
لكن موجود ميت ألف كابوس
ومحمد حالف ييجي في يوم للغول ويدوس

* يا خالق الكون الفسيح
إفتح لنا .. كل البيوت
خليني بالقرآن فصيح
أقدر في كل مكان أفوت

* يا خالق الليل الطويل
يا خالق الفجر البراح
لو حتى كان القوت قليل
خلي قناعة الروح سلاح

* يا رب .. لما الفجر بان



غار النبي ..



إتجمعت كل الصفوف
النور صبح .. أوسع مكان
علشان سجودنا .. يارءوف

* عالم بنا .. مهما نكون
مهما نخون وندوس نجوم
قدرنا يا الله نصون
ونعوم في أنهار العلوم

* و مفيش يارب الكون ختام
بيننا .. وفيه سكة صفا
لما عيون الكون تنام
بيزورنا ضي المصطفى

لو يلقي القمح صبح أحطاب
يلمس في عيدانه عشان ..
يتحول كله دقيق
زارع في طريق الحب ريحان ..
ومعاه نغناع
قالع في جذور الشر ..



غار النبي ..



وظافي النار
ويروح الغار ..
ويسلم ثاني وعاشر ..
على جبريل
فرحان بالوحي ونور مبعوت
الصخر بيصبح توت
والقوت بيروح ..
لجميع الخلق لحد البيت
الله على صوت الحق إن كان
قرآن مبعوت من عند الله
الله لو يهدي في عالم تاه ..
بين الخرافات
الله لو يصبح نور صلوات
وعبادته لرب الناس
الله لو يبقى قمر وناس
قايده للعالم ليل ونهار
الله على طه .. معاه جبريل ..
الله ع الغار

* أَقْرَبَ لِحَظِهِ مَ الْمَلَكُوتِ



غار النبي ..



ألاقي الشوق مغطيني
أحاول من ذنوبي أفوت
تطهرني دموع عيني

* أجيئك .. شاييل الأحمال
في نيلك أنزل اتوضى
تحقق لي في الآمال
جبال الشوك تكون ورده

* و أقرى في الآيات .. أقرى
وبين كل الحروف أرتاح
يارب الحب والقدره
يا واهب للي صان مفتاح

* تصبرني على المجهول
تكبرني في وسط الناس
إذا حسيت بحاجه أقول
وأكتبلك كلام حساس

* ينام كل الوجود واصحى



غار النبي ..



أسبح لو يطول ليلى
يجيني الفجر بالفرحه
أقيد من عمري .. قنديلي

داخل ع الغار..
وملوك حارساك
خارج م الغار .. والرب معاك
الناس على مدد الشوف عارفك
يتمنوا لقاءك .. ويحنوا إليك
وجميع القوم يا رسول حواليك ..
واقفين جماعات
ومفيش مسافات ..
بينك وما بين كل الأجناس
يا حبيب الناس ..
والنور و القوم
تصحى من النوم ..
على صوت قرآن
الله يا خديجه على الوجدان ..
لو يصبح بحر من الأحاسيس
الله لو يبقى الرب جليس ..



غار النبي ..



للعبد خصوصا لو محتاج

تخرج م الغار ..

و معاك التاج

ومعاك أمواج ..

من بحر ما زال فاير بجديد

الدين يا رسول عايز تجديد

وانت يا محمد ..

كنت إمام

خليت الإيد دائما في الإيد

* الروح تنادي.. وتسمعها

تطلب حناك .. تهديها

من كل ضلمه ترجعها

من كل رحمه .. بترويه

* صبرتي .. على أيامي

كبرتي .. ويا القرآن

" الله " بقولها ف أحلامي

ويعيدها من بعدي الكروان

* يارب .. يا موجود في



غار النبي ..



يارب .. يامعبود دائما
" النفحه " منك إلهيه
والدنيا من فضلك أحسن

* خليني واقف على بابك
بانده عليك بدموع طاهره
ساجد مع كل صحابك
من فجرنا .. لغاية بكره

* و تجيني .. تديني دوايا
الركعه .. تصبح ميت ركعه
واما أطوف جوّه الآيه
السجده تصبح ع الدمعه

داخل ع الغار يا حبيب ملهوف
لكن فيه خوف
تلقاه مستني بدون جبريل
ترجع في الليل ..
وتنادي عليه
الوحي إتأخر ليه يا إله



غار النبي ..



تبدأ في صلاه
مكتوبه لأشرف خلق الله
تنزل دمعائك فوق التوب
مكتوب الصبر عليك مكتوب
مكتوب يا حبيبي ..
بأن الناس لازم هانتوب
على إيدك لما يآمنوا معاك
الغار يا حبيبي بميت شباك ..
وبألف جدار
الغار بقى دنيا براح يا رسول ..
أوسع م الدار
أوسع من كل مكان في الكون
الغار إنسان ..
عمره ما هاخون
بيصون العهد ويستناك ..
ولا يسمح يوم ..
بدخول الكافر مهما يكون
الغار يا حبيبي كيان ملموس
للوحي معاك دايمًا بيصون
* أجيلك شايل الشيله



غار النبي ..



تريحني من المشاوير
في ليله أحلى م الليله
يارب .. أكون " هدى " للغير

* لأنك خالق الأكوان
أنا سلمت لك نفسي
لقيت النفس في القرآن
لقيت قمري .. لقيت شمسي

* أناديك .. وأنا مجروح
قناديلك .. بتهديني
إلهي .. يا حبيب الروح
في قرآنك .. ضيا عيني

* أجيلك .. ينطفي همي
وأشكيلك .. يضيع جرحي
تكون آية الكتاب أمني
وجوه الليل يبان صبحي

* يا رب الدنيا والآخرة



غار النبي ..



يا رحمه للعباد وسلام
حروف كل الآيات طاهره
معاها الصمت يبقى كلام

خارج م الغار ..
مشتاق للوحده يا عبد الله
علشان مسكون بآيات وآيات
بتردد فيها ..
مفیش ولا حرف ..
هاتنسى ضياه
الله على دمة عينك ..
لما بتصبح ضيا للكون
يا حبيبي يا أحلى عيون شايفاه
الله على قلبك واللي معاه
أصحابك هما العزوه
وهما العيله ..
وهما الصوت
ما رفعتش يوم أبدا نبوت ..
غير لما الجاهل يتحداك
الكل وراك يا رسول مبعوت



غار النبي ..



من عند المولى ..
هدايه .. رعاية لكل الناس
الله يا حبيب الله يا أساس ..
لبداية عهد جديد في جديد
الله .. ولا تخلف يوم مواعيد
دا لأنك باقي بفضل الله ..
كرسالة حب ..
في كل دقيقه تفوت بتقيد

* تشاور نجمة الأشواق
لقلبي .. يبتدي دمه
مفیش بیننا یارب فراق
یا صوت کل الوجود سامعه

* أنا .. سلمت لك نفسي
لأنك كل شيء لي
بتخرج للوجود شمسي
تخلي دنيتي دنيا

* يارب القدره .. نجيني



غار النبي ..



من المشوار .. من الأشواك

كتابك .. هو ضوء عيني

وقلبي ارتاح في دنيا ضياك

* مشاعري كلها عندك

وانا عبدك يارب الكون

مفيش قبلك .. ولا بعدك

يا رازق روعي أعظم عون

* و لا بانساك .. ولا بانسي

لأنك نور في وجداني

كتابك للوجود مرسا

ولا غيرك إله ثاني

خارج م الغار..

والكون حوالبك ..

بيدور ويدور

عباد أصنام الزور حوالبك

عايزين يأذك

لكنك ثابت باللي معاك



غار النبي ..



وانت وياك الله يا حبيب
لا آمنت في يوم ..
بالعيب والخوف
ولا كنت تشوف غير الأصحاب
يا رسول الله وفتحت الباب ..
دخلوا العشاق
ومفیش ولآخر لحظه فراق
يا صفوف و صفوف
بتدوس الخوف ..
ويا الخرافات
إتحول كل العمر آيات
دخل القرآن في بيوت الناس ..
صحى الأموات
و خلاص أصبحنا عباد الله
نبدأ في صلاه..
مع أغلى رسول
و صلاتنا يومیها ..
سجود في سجود
ما كانتشي اتفرضت لسه بشكل أكید
* سبحانك اللهم قلبي بيرتجف



غار النبي ..



ساعة سجودي فوق دموعي على البساط
الليل طويل جدا هنا .. والدمع جف
ولقيت خلاصي في الآيات

* سبحانك اللهم رuchi بتندهك
والقلب بينادي عليك جوه السحر
يا اللي مفيش في الدنيا حاجه تشبهك
يا حامينا من غدر الخاليق والخطر

* سبحانك اللهم يارب العباد
يا اللي زرعت الحب فينا بالآيات
خليت عشاننا " السوره " تتحول ميلاد
خليت طريق التقوى للمؤمن صراط

* سبحانك اللهم .. إرحم دمعتي
تايب يارب العالمين من غير حدود
لما في نفس السكه دابت شمعتي
نورت كل الدنيا تاني بالسجود

* سبحانك اللهم .. خدني لدنيتك



غار النبي ..



واكفيني دايمًا يا إلهي بالحلال
محتاج يوماتي يارب جنة رحمتك
محتاج أكون واقف أمامك بابتهاال

يخرج م الغار
وشعاع الشمس ..بيحضن توبه ..
بشكل رقيق
يلقى قدامه ..
طريق مفتوح
الناس بتشوفه ..
حبيب الروح
وان شاف مجروح ..
يشفيه بكلام من عند الله
وان واحد تاه ..
الله يهديه
يهديه بآيات و آيات و آيات
وان واحد فات وياه بهتان
بيحاول يدخل قلبه بنور
الله على أحلى زهور
على أغلى عباد الله في الكون



غار النبي ..



بيكون لو كان محتاج في العون
للسائل دايما والمحروم
دي رسالة حب ..
ونور هاتدوم ..
طول الأزمان
دا كتاب من عند الله .. قرآن
تكريم من رب كريم وعظيم ..
على أغلى كيان .. إسمه الإنسان

* نادينا .. وابتدنا طريق
في كل دقيقه .. نور آيه
كلام الله .. في روحنا مضيء
لأنه رعايه .. وهدايه

* نادينا .. وابتدى صوتنا
يهز العالم الغفلان
بنينا روحنا وبيوتنا
بنور طه .. مع القرآن

* نادينا يارب بالآيه



غار النبي ..



مع المبعوث .. وكنا نجوم
رفعنا ع الجبال رايه
وصحينا الجميع م النوم

* نادينا .. والليالي جراح
صبحنا نعمه بالصلوات
دا باب الجنه له مفتاح
وله أحاديث .. وله آيات

* نادينا .. صوتنا كان باين
في قلب العالم المخنوق
لا كنت في يوم صديق خاين
ولا بتوهبنا غير الضوء

يدخل للغار .. ملفوف بالتوب
بردان م الرهبه وصمت الليل
أو جوّه نهار ..
ع الهادي طويل
و يبوس م الفرحة ..
جبين جبريل ..



غار النبي ..



و يبوس جبريل ..
في جبين الهادي بحب و شوق
يطلع وياه على فوق ..
على فوق
فيلاقي نجوم السما عارفاه
خجلاته لأن ضياه موجود
طاغي على كل ضياها هناك
جبريل يا رسول الله وياك ..
حتى لو تخرج بره الغار
حتى في هدايتك للكفار
وصغار وكبار ..
ماشيين في حماك
وانت ملفوف في حماية الله
محروس من شر رهيب حواليك
كفار من غير الدين ماشيين
و انت يا أمين
متغطي بشال ..
مغزول بيقين

* وأسجد .. تبتدي روعي



غار النبي ..



تنادي بشوق على نورك
أنام .. بس الفؤاد صاحي
صبح نسمة على زهورك

* أجيئك .. والشرع مفرد
وأنزل نيلك اتوضى
بنجم ضياك .. أنا موعود
وجوه حماك .. أنا باهدي

* و أسجد .. تنزل الدمعه
على خدودي .. تطهرني
في قلب الليل .. أكون شمعه
ونجم هداك .. يسهرني

* أجيئك .. قلبي ضليله
على اليتمه .. وع المحتاج
تساعدني على الشيله
وتوهبي حنانك تاج

* و أسجد .. والوجود نايم



غار النبي ..



وأصحى الفجر من نومي

يارب العزه يا دايم

يا ساكن روعي من يومي

ماشي و الغار ..

مزرع جواه

عاش في ضياه ..

ودفاه وسناه

الله وياه على فين ما يروح

ولفين ما يروح

ماشيه الأصحاب .. تتبارك فيه

ماسيه الكفار .. بتهاجم فيه

و تبص عنيه ..

فتشوف أشياء

الجنه بكل نعيمها ..

يشوف النار

فيبشر في الأصحاب

ويحذر في الكافرين

الله يا أمين



غار النبي ..



الدعوه انتشرت .

بين الصحبه في كل مكان
صبح القرآن للناس دستور
و انهزم الزور ويا البهتان
الله يا رسول مبعوث دايمآ عدنان
النور بينادي عليك
والليل يبحن إليك
والناس مشتاقه تبوس في ايديك
يا رسول الله تسلم للكون ..
يا حبيبي عنيك
* أشرب ضياك .. قلبي اتروى
وأتهنى ويا نجوم حلال
يارب .. لما نكون سوا
أسمع بقلبي أذان بلال

* آجي .. إليك خالي الوفاض
وارجع بنجمه معطره
في سجدتي .. الرزق فاض
الله يارب المغفره



غار النبي ..



* يا إلهي .. يا إله الوجود

إحميني من ليل الجفا

أنا شفت نورك في السجود

ومعاه حبيبي المصطفى

* يارب .. في دنيا السراب

بتضيع عباد .. جوه الضلام

إفتح عشاني أغلى باب

إو عدني بنجوم السلام

* دفيني في السكه الجليد

واكفيني لو محتاج لشيء

خليني في نورك سعيد

وارسمني بدر على الطريق

صوتك يا رسول الله ألعان

إلهيه بتنطق بالقرآن

وتخلي الناس تدخل في الدين

ويقولوا آمين

ويقولوا آمننا بحق مبین



غار النبي ..



وبهادي أمين
صوتك يا رسول الله مسموع
غرقان في دموع
بيهز جبال و جبال و جبال
صوتك بيخلي بلال يرتاح ..
وياك بأدان من بعده أذان
الكل ببسكت لما تقول
والكل بيسمع لك يا رسول
والكل مآمن بالفرقان
أصبحت خلاص حامل قرآن
الخطوه ان دوست عليها يا طه ..

تصير فدان
والشمس بتكبر ..
توهب ليك الدفا والضوء
ويعم الخير على كل القوم
الله يا حبيب المولى .. يدوم
وجناب الغار.. بيحاوط قلب رسول الله
وينادي عليه من كل مكان
بيردد دايم في القرآن
الغار بقى قلب و روح و كيان



غار النبي ..



* شافيني م الهموم دايم
ناديني لو في " توهه " أضيع
واخدني بآيه للأحسن
وهادينني .. لأحلى ربيع

* يارب العزه والقدره
يا هادينني بقرآنك
في سكة فجرك الطاهره
أنا اتوضيت بغفرانك

* بتسقينني من الآيات
وبتهنينني بهدايه
يدق القلب في السجداث
ودقاته حروف آيه

* يارب إحميني من نفسي
ومن ضعفي .. ومن خوفي
إذا جيتلك .. تبان شمسي
وتشفي جراحي يا شافي



غار النبي ..



* ناديني .. مستحيل ها نساك

وها ستنى قدوم خيرك

أنا محتاج يارب ضياك

ولا ليّ إله غيرك

تخرج م الغار ..

الناقه تشوفك تجري عليك

تتبسم ليها ..

تطبطب لحظه عليها ..

لحد ما تهدى معاك

النخل بيضحك لو يلقاك ..

ساند يا حبيب المولى عليه

والطفل بيفرح ..

لو ها تبان .. لحظات في عنيه

والكل بيجري عليك ملهوف

زيك في أصالة قلبه ونور الروح

على فين هاتروح

أنا رايع تاني الغار أرتاح

أسند بهمومي على الأحجار

دا صديقي الغار..



غار النبي ..



إن غيبت عليه بـ يكون قلقان
يفضل في الوحده ..
يردد دائما في القرآن
و ينادي عليّ بصوت مبجوح
و يغني حمام الدوح ..
لو شافك فايت جنبك نور
يجري ويهز بفرحه السور
و يغني عشائك غنوة شوق
يا رسول بيودي قلوبنا لفوق

* باحبك يا كتاب الله
أمل بينادي ع المحروم
إذا ضل الفؤاد .. أو تاه
تكون نجمة آيات بتدوم

* باحبك آيه .. بتقيدني
وبتعيدني لأعظم ضوء
في عز الضلمه .. بتقيدني
وبتصبرني لو مخنوق



غار النبي ..



* باحبك يا كتاب مفتوح
على الآيه .. مع الآيه
بتدخل يا حبيبي الروح
فتصبح حب وهدايه

* كتاب الله .. ياروح قلبي
يا واحة حب مفتوحه
يا ماشي ليل نهار جنبي
وأغلى ضي في الساحه

* كتاب الله .. ياتور عيني
يا وجداني وأحلى طريق
إذا ما الناس تعادينني
تكون للنفس أغلى صديق

النهر ان شاف حسنك بيفيض
تخرج أسماك الحب ..
تنادي عليك بحنان
إنسان ..

في الروح مليون إنسان



غار النبي ..



و رسول من عند الله مبعوث
خاتم ومكمل في الرسالات
ما بقاش بين كل الناس مسافات
الكل اتساوى ..
كبير و فقير
الكل اتساوى بدون تفكير
وبدون ما يقول بعض الأصحاب
إزاي يتساوى رسول بعبيد
وتقول وتعيد
كلنا إخوان
والتقوى أساس عند المخاليق
كلنا ماشيين في طريق مفتوح
علشان الكل يروح لله
ها تجمع بيننا صلاه و صيام
و سلام هايعم .. على الإنسان
قرآن بيجمع شمل غريب ..
على أغلى حبيب
و الدين هايكون ..
علشان الدنيا الفانيه طيب



غار النبي ..



* إلهي .. كل شيء فيّ

بيندهلك و يشكيك

نجومي .. نجوم إلهيه

بتكبر لو أناديلك

* إلهي .. سجدت ع السكه

لحد النور ما قال الله

خيالي أخذني ضوء مكه

ونجم الحب بان بضياه

* إلهي .. جاهي .. آياتك

وعمري .. وهبته لعبادك

أنا ساجد على بساطك

وقلبي يارب بيريدك

* إلهي .. والحياه " ومضه "

ولحظه بلحظه .. بنودع

بحكمك يا رءوف نرضى

ونيجي إليك .. و لا نرجع



غار النبي ..



* إلهي .. قلبي بينادي

وبيناجي .. وبيكبر

أدان .. بيهز في الوادي

ويخلي النجوم تكثر

الغار قلقان

علشان الغار شافك ..

زعلان يارسول الله

إتأخر حبّه الوحي عليك

بيبص لدمع عنيك و يقول ..

مالك يا رسول

وترد بصوتك فين جبريل

ويرد عليك الغار .. موجود

فتبص بفرحه تشوفه ..

بيضحك ضحكة شوق

مشتاق للقاك .. يا أمين ع الناس

تهمسله بصوت حساس .. مشتاق

أتمنى تكون ويايا ليلائي..

معانا آيات الله يا حبيب



غار النبي ..



جبريل للهادي .. طبيب وقريب
بيجيب الخير دائما وياه
الله في حماه .. حارس في خطاه
رايح وياه لجميع القوم
ومعاه قرآن .. صحيان أو نوم
يحميه م الليل .. من كل هموم
مليان الغار .. بملايكة ضوء
جبريل الخير .. واصل من فوق
في الغار بتقيد .. شمعة مواعيد
وبيخرج سيدنا رسول الله .. والإيد في الإيد

* يا خالق كل شيء لنا
وحامينا .. من الظلمات
في مكة .. لما صلينا
لقينا الجنة في الدمعات

* يا خالق كل شيء موجود
علينا تجود بأفضالك
بنبعد .. بس ليك بنعود
وروحنا الطاهره .. بتجيك



غار النبي ..



* يا خالق كل شيء باين
يا ضي عينا .. يا رزاق
إذا كان الطريق خاين
بتحمينا من الأعداء

* يا خالق كل شيء في الكون
يا ساقى نفوسنا بالقرآن
إذا توهنا .. تكون في العون
وتهدي قلوبنا بالإيمان

* يا خالق كل شيء .. للناس
ورازق في العباد دايمًا
إذا صبح الوجود إخلاص
بببقى الكون .. جميل جدا

يرجع لخديجه بوجه بشوش
قابل في السكه وجوه قناديل
قابل في السكه وحوش و وحوش
يحكيها بشوق عن كل اليوم



غار النبي ..



أنا كنت الصبح هناك مهموم ..

طمني الغار

و وصل جبريل ومعه قرآن

وسأله كثير .. عن معنى حاجات

وشرحي آيات و آيات و آيات

وفرحت لأن الوحي ما زال ..

في الغار موجود

بيجيب الجود وياه ويفيض

الوحي بيوصل بالمواعيد

ويدق الباب

أبو بكر بينده للمختار

يدخل .. يحكيه بأن الغار ..

على قلبه كريم

يقعد أبو بكر ..

وياكل لقمه مع المختار

ويقولوا الجنة براح .. و النار

لازم هاتقيد في قلوب كفار

في طريقه لبيته .. الأرض بتحضن دايمه فيه

وساعات بتداري عليه م الليل

الغار بيكون أوقات قنديل



غار النبي ..



وكتير يتحول ألف صديق .. بيخافوا عليه

* إذا كان الفؤاد غايب
في ضلمه .. تيجي بالأنوار
ألاقي كل شيء دايب
في حبك .. يا إله غفار

* إلهي .. كنت أنا غفلان
هديت القلب بالآيه
وخليتني مع القرآن
هدايه .. حاضنه في هدايه

* و لا لنا مغيث غيرك
ينادي قلوبنا لو ضاعت
في قلب الروح نخيل خيرك
يا شاري روحنا .. لو باعت

* إلهي .. قلوبنا بتنادي
عليك م الفجر .. وتجيئك
ضياك خلى الطريق نادي



غار النبي ..



وانا بتوضى من نيلك

* و نسهر قد ما نسهر

ونذكر خيرك الباقي

في روحنا شوك .. صبح مرمر

وبان نورك في أوراق

ويلف الغار ..

داير ما يدور .. على نور جواه

ويبص الغار .. يلمح في ضياه

يحضن في شذاه

الكون بمجد ما أحلاه

الغار بمجد ما أغلاه

يا طريق مش عارف حتى مداه

مشواري نهايتي هاتصبح إيه

كثروا الكفار على قلبي خلاص

بس العاشقين قدها وقود

أصبح للغار الدافي حدود

وحدوده هي رسول الله

ممنوع إنسان يدخل ويّاه



غار النبي ..



علشان جّواه ..

جبريل ومعاہ سيدنا المختار

قدامكو الجنه براح وبراح

قدامكو يا كفره لهيب النار

لازم في الدنيا نكون أحرار

ونجاهد لاجل الدين ما يسود

لو حاضن آيه من القرآن .. لازم ها تسود

الغار مقفول .. ويبفتح بس لنور الله

الغار إ تعود بيقى رسول الله وياه

قاعد في دفاه .. وساعات بينام علشان يرتاح

وساعات بيقوم .. يلقي وياه أعظم مفتاح

* و لا ليّ سواك أبدا

ولا غيرك .. ها يحميني

أقول الله .. أكون أحسن

ولو أبعد .. تنادينني

* دموعي الطاهره بتنادي

يارب الناس .. على الهادي

أصلي عليه .. و أندع ليه



غار النبي ..



في طلعة فجرنا النادي

* و أندھ مین سواک یا رءوف

و نورک .. کل شیء لیّ

إذا لیلہ أخذنی الخوف

یبان نورک علی عنیہ

* أنا عبدک .. و قرآنک ..

دلیلی یارب فی السکة

فؤادی لیل نهار صانک

و نادى کل یوم مکة

* یا رب الكل یا غفار

یا حامی روعي م الأخطار

خلقت السکة .. نور و ضلام

خلقت الدنيا .. جنه و نار

التوب علی سیدنا رسول الله

یشبهه لسحابه ..

ها تشتی فی دنیا جفاف



غار النبي ..



ماشي و ضميره عفيف شفاف
الأرض سرير .. و البدر لحاف
وصحابه كتير
بيحذر م التبذير
والبخل .. و أكل حقوق الغير
ويبدعوا الناس .. لعبادة رب كريم
واحد موجود .. علشان الدين ما يسود
ونروح ونعود شايئين قرآن
مع روح إنسان ..
مرتاحه في حضن حبيب إنسان
على جبل الشوق
شايقين الهادي بيسجد فوق
والجو يفوق عند الأصحاب
لا غياب .. ولا واحد أبدا غاب
والكل في شرع الله أحباب
ومسيره في يوم ينفتح الباب
خارج م الغار دايمًا مفرود
يخرج ويعود .. فيلاقي حجارة الغار عارفاه
وبتستناه لو غاب أوقات
بتأدي حاجات تشبه صلوات وسجود بيطول



غار النبي ..



الله الله وياك يا رسول

* لمست الباب .. و دمعي سال

على بابك وخذني الشوق

أناديلك .. يروق الحال

ألاقي القلب طالع فوق

* لمست الباب .. وناديتك

أنا إنسان غريب في حماك

هدينتي لما جيت بيتك

مليت الروح ضيّا .. بضياك

* على بابك .. سمعت أذان

دموعي هللت لنداك

نسيت الشكوى و الأحزان

وقلت بدمعي .. إمتى لقاك

* لمست الباب .. صرخ قلبي

يارب العزه .. يا ستار

في نورك .. كل شيء جنبي



غار النبي ..



يا حامي النفس م الأخطار

* على بابك .. أنا صليت
لحد دموعي ما باتت
في نورك جيت .. لحد البيت
وروحى لكل شيء صانت

تخرج م الغار ..
و نسيم الدنيا بيرعش توبك يا مختار
و كأن الغار ..
بقى دار للقلب ان كان مخنوق
و تفوت ع السوق تنصح في الناس
ممنوع الغش يا خلق الله
المولى بيكره في التدليس
لازم يا صديقي ..
تكون للصدق صديق ومطيع
و تكون لآيات الحب جليس
ممنوع تخدع في رفيق
أو حتى تكشر ساعة بيع
حسناتك ليه يا حبيبي تضيع



غار النبي ..



كون الإنسان .. في الشرا .. والبيع

لو قادر كون متصدق..

و انت بتسأل ع المحتاج

لو تعرف ان قناعتك تاج ..

ها تكون مرتاح

ربك يدريك مفتاح ..

للجنة ويفرح بيك

ياخذ بأيديك .. على دنيا براح

داخل ع الغار .. والتوب مبلول من دمع عنيه

داخل وملايكه كتير حواليه حارسين في خطاه

بيقول الله حارس في خطايا وفين ما هاروح دايمه ألقاه

* داريت الدمع لما قرئت

آياتك يا إله الكون

في نورك جيت .. لأشرف بيت

لقيت فضلك عشاني عون

* من الأخطار .. تنجيني

و تدينني طريق خيرات

إذا صليت .. تناديني



غار النبي ..



وتوهبني جبال حسنات

* يارب القدره .. يا رحمن

يا عارف قلبي من جوّه

إذا ليله قرئت قرآن

ألاقي قلبي فيه قوه

* ولا غيرك .. ها ينصفني

من الليل اللي ظالمني

و لا غيرك .. ها يعرفني

ولا غيرك .. يعلمني

* يارب .. يا خالق الأكوان

يا عالم بالوجود كله

أنا با تمنى أكون إنسان

نجومه الطاهره .. بيهلوا

تدخل ع الغار

وتبص بفرحه عليه

يفردلك فجأه إيديه



غار النبي ..



تدخل في عبايته بشوق وحنين

الله يا أمين ..

على بحثك عن جبريل

جبريل على بعد ثواني .. بيستناك

لو بره الغار

و الله يا نور بيكون وياك

أحاديثك وحي من الغفار

تدخل ع الغار .. و كأنك روح

وتنادي بحب على الستار

يسترها معاك من شر القوم

يغلبك النوم

تصحى فتلاقي الآيه..

اتحفضت في الوجدان

ما انت العدنان ..

وانت المعصوم

وانت القرآن ..

ماشي على قدمه في وسط الناس

بيحذر م الخناس

يا جميع الناس

لازم تتعامل بالإحساس



غار النبي ..



و تكون قدام الله حساس

* يارب .. يا حامي الحما
إحميني من كل اللي خان
كان قلبي ناسي .. إنما
راجع يدق على الببيان

* راجع يارب عشان أتوب
والتوب عليه دمة خشوع
شايفك في دقات القلوب
سامع آياتك في الركوع

* نزل المطر .. فوق الخدود
إتبسمت كل الحياه
بادعي وأبكي في السجود
والجنه اشوفها في الصلاه

* يا مبدع الكون العظيم
يا رازق الإنسان نعم
إنت الرحيم .. وانت الكريم



غار النبي ..



لو يوم ننادي .. تقول : نعم

* يارب .. سكة رحمتك

باينه عشان كل البشر

الروح بتطلب جنتك

والدمع .. يشبه للمطر

الورد يفتح ..

لما يشوفك باصص لحظه عليه

أو حتى تفكر فيه

لو تهمس ليه ..

تصبح ألوانه بلون الطيف

تمشي ع الأرض ..

تشوفك أي سحابه ..

فتشتي على الأشجار

يخرج نوار الزرع الزاهي ..

قبل أوانه ويحضن فيك

و ان بصت مره عنيك لليل

يرتاح ويكون ضي القناديل



غار النبي ..



بتشد الحيل .. لو حيل مهدود
و تسود ع الظلمه ..
و ع الأسياد
تيجي الأعياد ..
من قبل ميعاد العيد بيومين
يا أمين ع الدعوه و حامل هم صحاب وصحاب
خليت للغار .. أبواب
بتشوفك تفتح ليك
وتبص بشوق لعنيك
وتقول جبريل .. قاعد جوايا بيستناك
فتقول لحجارة الغار .. دا ملاك
نازل بيحفّض في القرآن

* شرفتني .. بآيات طاهره
عرفتني .. إيه المطلوب
يارب .. واستنى ف بكره
علشان بآيه شريفه أتوب

* أدخل في قرآنك .. أرتاح
وارجع وانا شايل زادك



غار النبي ..



سلمتني أعظم مفتاح
علمتني أسقي ورودك

* يا رب .. مين يقدر ينسى
فضلك .. وينكر إحسانك
الآيه للمحروم مرسا
والجنه باينه ف قرآنك

* آجي إليك .. شايل همي
أرجع وانا شايل حسنات
حب الرسول داخل دمي
والراحه في نهر الآيات

* يا رب .. خلي الآيه حجاب
بيني وبين الليل على طول
أنده عليك .. تفتحي الباب
وتهني قلبي بأغلى رسول

فيه زحمه يا طه كثير حواليك
بتمد إيديها وتلمس فيك



غار النبي ..



وبتسأل وانت تجاوب ع السائلين

وبتسأل مين ..

إختار الجنّه .. ومين يختار النار

ويردوا جميعا ..

مش عايزين إلاك

نسهر وياك ..

مع أغلى آيات

نسجد بخشوع قبل الصلوات ..

ما تكون مفروضه على الإسلام

ماشي بسلام مع ناس أبرار

زارع في الخطوه عمار في عمار

بتقول للصاحب .. قوم و اختار

يختار الصاحب ..

يبقى معاك موجود يا رسول

الخير على كل الدنيا سيول

والناس بتردد في القرآن ..

و تقول و تقول

ربك مسئول ..

عن كل الناس الماشيه وراك

يحميهم م الأخطار وياك



غار النبي ..



ويخلي الغار ..

مليون شباك

* أنا باشكرك .. على كل شيء

أنا باذكرك .. في كل حين

قلبي معاك .. أصبح رقيق

بيصلي ع الهادي الأمين

* يا رب .. والأيام تعود

تلقاني في حالة سجود

طالب حماك .. يا ذا النعم

زارع عشان الكون ورود

* الله .. ولا يقدر في يوم

إنسان يشوف من غير ضياك

حامي نفوسنا م الهموم

ولا لينا غير نسمة سنالك

* يا ذا الجلال .. إغفر لنا

وافتح لنا .. باب الوصول



غار النبي ..



إحمينا من كلمة " أنا "

كمل حياتنا بالرسول

* يارب .. وانت النور على ..

وجه اللي ساجد ع الدروب

إرتحنا جدا بالصلا

يا رءوف .. يا عالم بالقلوب

البقره عجاف يا رسول الله

تلمسها بايدك ..

تصبح كل الدنيا حليب

القلب عليل يا رسول الله

تلمس في ضلوعه الناشفه .. يطيب

و لا مره بتنطق أبدا عيب

و لا يوم فكرت تكون في الكون ..

صاحب أملاك

و لا حتى ملاك

و لا يوم فكرت تكون سلطان

مملكته في القرآن يا شفيع

تخطب في ليالي النور والضوء



غار النبي ..



طالعين على فوق
و لا عمر الحب ..
ما بيننا يضيع
تلمس في خريف
يتحول بعد اللمسه ربيع
الناقه تحن
إن سمعت صوتك جوه زحام
دايما قدام
و إمام على كل ملوك الناس
بتدوس بالآيه على الخناس
و تحفض آيه من القرآن ..
لولاد مولوده مع الإسلام

* و مهما يارب يجرا لي
أنا صابر على المكتوب
يارب .. معاك .. يروق بالي
وجوه حماك .. حياتي تدوب

* في قارب صبر .. كان قلبي
بينده ليك .. مسا وصباح



غار النبي ..



كتابك ليل نهار جنبي
بيدخل روحي لاجل ارتاح

* في نهرك قلبي كان نازل
عشان يتوضى بالآيات
على شط الإيمان غازل
في توب الحب .. والصلوات

* إذا طال الطريق بينا
بنسجد سجده ع السكه
تاخذنا كل خطاونا
تودينا .. على مكه

* و مهما السكه بيّ تطول
أقول يارب قدرني
لنجمه حب طاهره أطول
وجوه الليل .. تصبرني

راعي الأغنام



غار النبي ..



إتعلم يصبر ع الأغنام
طول عمرك رغم الفقر و رغم الليل ..
ماشي لقدام
و بتسبق نفسك في الأحكام
الحجر الاسود ..
كان في ايديك بيلين يارسول
و مفيش خلافات
دا لأن القوم ..
واثقين في كلامك ليل ونهار
داخل للغار .. خارج م الغار
في القلب الدافي الصافي عمار
و كلام مكتوب
و لا غالب فيهم ولا مغلوب
و لا واحد جوه في قلبه عيوب
عالم بيتوب ..
على ايدك لاجل يعيش مرتاح
أصبحت ما بين الناس سواح
و الناس فرحانه لأنك ..
ماشي على الطرقات
الخطوه تدق أراضى الشوق ..



غار النبي ..



بإيمان وثبات
ما بقاش يا رسول ..
بينك وما بين الناس مسافات

* أنا في الأصل .. عبد شكور
ضياك عمره ما ينساني
أنا ساجد .. في أرض النور
وقلبي لحن إنساني

* أنا في الأصل يا رحمن
فؤاد .. ساجد على أرضك
بيقري آيه م القرآن
وعمره ما ينسى يوم فرضك

* يا قادر ع الجميع دايم
أنا طمعان في جناتك
بتاخذ روعي للأحسن
إذا دخلت في يوم بيتك

* يارب العزه .. يا غفار



غار النبي ..



يا عالم مهما كان بيّ
إذا جالك غريب الدار
بيرجع روحه مرضيّه

* أنا في الأصل ياربي
نسيم طاهر على بابك
وبافرح لما اشوف جنبي
في ساعة السجده .. أصحابك

تخرج م الغار
تدخل على بيتك
لاجل خديجه تزل فيك
بردان ..
بعباية صوف يا رسول الخير ..
تجري تدفيك
مرعوبه عليك يا رسول معصوم ..
بالروح بتسمي و بتغطيك
و بتجري عليك ..
لو عايز شيء
شايفاك في طريق رباني حبيب



غار النبي ..



شايفاك يا طبيب الأمة إمام
لجميع الناس عايش خدام
و سلام على كل عباد الله
شايفاك بتحب الله على طول
و بتشرب نوره و بحر ضياه
الله الله

على عبد الله ..

لو حاضن كل الدنيا بشوق
لو طالع فوق ويا المخاليق
لو صمم يمشي ..
طريق ملغوم

الله يا محمد .. يا معصوم
الله يا حبيب .. يا رئيس القوم

* يا باقي والوجود فاني
أنا سهران .. مع القرآن
ما ليش غيرك حبيب تاني
يارب اوعدني بالغفران

* إذا كان الفؤاد غفلان



غار النبي ..



يارب الناس .. تصحيني

آياتك تلمس الوجدان

وتمسح في دموع عيني

* و لا لي سواك يا رءوف

يا ساند خطوة المظلوم

في عز الليل .. لنورك اشوف

على القرآن .. أقوم م النوم

* يارب احميني من نفسي

و من أفعالي .. إرحمني

عشان الناس .. تبان شمسي

أسامح ناس بتظلمني

* يبان نورك .. على جيني

وأسجد فوق شطوط الشوق

تبان الضلمه .. تحميني

وتاخذ كلمتي على فوق

ماشي من غير خيلاء وغرور



غار النبي ..



بتقول للناس ..
إدخلوا بالدور .. واخرجوا بالدور
وقمر بنور ..
في السما بيدور
وبينزل تاني
ويقعد ويّا رسول الله
الله في علاه ..
شايفك بتبص لفوق على طول
يا رسول مسئول
عن كل الدنيا ..
وحامل هم الغير يا حبيب
في السكه ما زال ..
واقف شرير .. وعواء الديب
في السكه العيب ..
موجود و مازال محتاج تطفيه
في السكه رجال ..
مشدوده القامه عشان الدين
يقدرُوا يحموه
الحب في كل وجوه أصحاب ..
بيحاوطوا عليك



غار النبي ..



ويا الرحمن بيصلوا عليك

تنزل دمعاتهم ..

لوها يبصوا في يوم لعنيك

* و يصبر قلبي ع الشده

وأشكر فضلك الزايد

على سكة إيمان أهدى

واشوف قمر الكتاب قايد

* يارب العزه أندهلك

تجاوبني برزق حلال

أصاحب ع الدروب أهلك

وجوه الآيه .. يهدى البال

* و لا أنسى ضياك لحظه

ولا أسأل سواك ليله

إذا اتمنيت لفاك .. أحظى

رضاك .. يساعدي ع الشيله

* و أصبر .. يا إلهي .. أنول



غار النبي ..



بصبري كل شيء منك
في قلبي يارب أغلى رسول
ولا أقدر .. أغيب عنك

ناديني .. تلتقيني نجوم
على سكة نجوم باينه
ياخدني النوم يارب أقوم
أنادي عليك .. بروح صاينه

في الغار يا رسول ..
تلمح في فنار مليون بآيات
تظهر دعوات ..
على طرف لسانك يا مختار
في الغار الجنه معاها النار
والناس تختار .. وانت يا مختار
حددت لكل قلوب الناس ..
إزاي ها تتجي في روحها من الفيضان
من أعتى طوفان
قاعد ويأهم شخص بسيط



غار النبي ..



بتطبطب فوق الكل بإيد ..
مليانه حنان
لو تلمح جوه عيون إنسان ..
دمعة أحزان
تسأله عن حاله .. لحد ما يرجع قلب سليم
الكل يقابلك بالتسليم
سلموا أرواحهم للخلاق
وما عادشي خلاص .. يارسول الله ..
ها نسلم روحنا لأي فراق
خارج مختار الله م الغار
تتأمل روحه في خلق الله
الله في علاه بيبص عليه ويصبر فيه
وبيجذب ليه كل المخلوق
سيدنا رسول الله فرحان .. مش حاسس ضيق

* أنا محتاج لغفرانك
ولا لي سند غيرك
ينور قلبي قرآنك
وتشبع روحي من خيرك



غار النبي ..



* أنا محتاج .. لتاج مرسوم

بنورك يا إله الكون

يا نهر العزه للمحروم

ورحمه عظيمه للي يصون

* تجيني نجومك الفضه

في عز النوم تصحيني

أقوم يارب أتوضى

واصلي فوق دموع عيني

* يارب .. حياتي مكتوبه

وفين ها هرب من المكتوب

ضلامه .. بعدها توبه

وتقبل قلبي لما يتوب

* أنا محتاج .. أكون جارك

تقدرني .. على السكه

أنام واصحى على نورك

وأوصل بالحلال مكه



غار النبي ..



داخل ع الغار ..
من ثاني وثالث .. من مليون
جبريل في العون
بيساندك لما بتبكي من القرآن
يتبسم لما تقوله كمان
جدران الغار ..
تتزلزل ويآ آيات الضوء
تطلع وياها يا هادي لفوق
ومعاك جبريل
و معاك الصحبه مع الخلان
قرآن بيزلزل في الجدران
يفتح في ببيان الليل في الليل
يتحوّل نور .. يروي الوجدان
وانت يا رسول الله مشغول
بإيمان الصحبه مع الخلان
مرتاح .. تعبان .. وياك أفواج
الناس بقوا أقوى من الأمواج
و تروح الغار ..
تلقى جبريل .. يهديك تاج
محروس الغار من رب الكون



غار النبي ..



من ناس بالروح تقدر تفديه
الكل معاه بيصلي عليه .. ويفكر فيه
دا رسول الله هو المقصود
يخرج م الغار .. لكن بيعود

* يارب القدره .. قدرني
على السكه .. على المشوار
في نور الآيه .. سهرني
و وصلني .. لأغلى ديار

* معاك القلب مش ملهوف ..
على الدنيا .. و باصص ليك
إذا طال الطريق يا رءوف
في عز الليل .. ينادي عليك

* ضياك يارب رجعتني
لنفسي .. بعد تغريبه
أناديلك .. و تسمعتني
أعود يا حبيبي م الغيبه



غار النبي ..



* يا رب القدره .. يا قادر

تنجيني من الأخطار

صحيح صوت الضلال هادر

ولكن قلبي كله عمار

* وهبتك روعي ياربي

وجيتك والفؤاد مجروح

إذا نورك لمس قلبي

بيفضل جنبي .. فين ما باروح

و ما بين الناس .. لمحوك أنوار

خارج م الغار .. خذك بسلام

و سلام الله .. واضح في عنيك

الله على زهرة حب بتخرج ..

نخلة خير و أمان في إيديك

يا رسول و ما بعده رسول ها يكون

لا تحب الصاحب لما يخون

أو حتى تهون العشره عليه

ما تحطش لحظه إيديك في إيديه

تنصحه يرتاح ..



غار النبي ..



بتلاوة جزء من القرآن
تعطيه مفتاح ..
للنهر عشان يتوضى حنان
السنتي معاك يا رسول فدان
والساعة سنين
البركه معاك يا أمين زوّاد
بتروح الغار .. دايما في ميعاد
تخرج م الغار .. دايما في ميعاد
تتحول كل شوارع مكه .. لنور أعياد
الشال على كتفه يمام مبعوت
علشان ما ينام على كتفه سعيد .. بقدوم العيد
ومحمد راجع لاجل ينول ..
الخير الواصل من جبريل
الدنيا وصبحت ألف نهار .. ومفيش فيه ليل

* أجيك قلبي يشكيك

تخفف عني أحزاني

ينور لي قنديك

أعود لحياتي من تاني



غار النبي ..



* يارب القدره .. ع السكه

نجوم بتنادي .. ع اللي تاه

ونسمة حب من مكه

في قلبي ليل نهار يا إله

* أجيلك .. آيه مكتوبه

بدمع العين .. على الطرقات

تطهر قلبي بالتوبه

وتسعد روعي بالحسنات

* في نفسي .. نورك البايں

لكل الناس .. يارب الكون

لا قلبي كان في يوم خاين

ولا قادر يارب يخون

* أجيلك .. لاجل تقبلني

وتهديني .. وترعاني

أجاوب لما تسألني

ولا أقدر أغيب تاني



غار النبي ..



تتجمع كل الناس لو كنت في أي مكان

في قلوب الكل حروف قرآن

وحديث محفوظ

الماشي معاك لازم ها يفوز

بنعيم ولا فيه من بعده نعيم

يا كريم .. يا حلیم

بتحذر كل الناس ويّاك ..

من غضب الله

بتقول للهارب من ملكوت الرب ..

في ضلّمته تاه

يا تعبنا عشان الحق ها تبقى صلاه

وزكاه للسائل ..

كلمه بتسند في المحروم

حوالك القوم .. وإزاي يسيبوك

لو جاي م الغار .. تسمع مبروك

يعطوك من مالهم ..

لاجل تفرق ع المحتاج

وما زال الناس ..

حوالك يا رسول الله أمواج

جبريل فرحان برسول الله



غار النبي ..



بيطبطب تاني وألف عليه .. و يحس دفاه

جبريل فرحان علشان لقياه

يتمنى الوحي يطول و يطول

ويعيش جبريل طول عمره معاه

* صليت عليك يا مصطفى

وسجدت لإله الوجود

لو لحظه أحتاج الدفا

ألقى الشفا .. جوّه السجود

* يا طه .. و القنديل فضل

قايد على طول السنين

وردك لا عمره ف يوم دبل

ولا يوم هايدبل يا أمين

* أحمد .. وجيت وياك آيات

من عند رب العالمين

ظهرت روحنا ع الصراط

والصدق .. والحق المبين



غار النبي ..



* صليت عليك ويا الجموع

جوه المدينه يا شفيع

نزلت على خدودي دموع

بان الربيع .. قبل الربيع

* يا مصطفى .. لما الفؤاد

صلى عليك .. الفجر بان

جينا المدينه في الميعاد

ولمحننا نورك في الأدان

أبو بكر معاك

رايح وياك على كل مكان

حفص القرآن بعدك يا شفيع

وحلفلك ويا خديجه يا نور..

إنك مش ممكن يوم ها تضيع

ولا لحظه تبيع .. مبدأ.. لشيطان

الناس مبهوره ..

بصوت رباني معاه ألحان

قرآن محفوظ ..

بيهز في عرش ملوك الجان



غار النبي ..



والآيه بتزرع ميت فدان
بسنايل فضه و نور و ريحان
واقف يا حبيبي بتشرح للملايين
إزاي الدين ..
يتحول لاجل الكل قانون
و يكون العون
لجريح محتاج دايمًا لعلاج
و الناس أفواج أفواج أفواج
و التاج على كل شريف في القوم
باني علشان الناس أبراج ..
من حب عفيف
وياك يا حبيب القلب رغيف
قسمته ما بين أصحاب ملايين
و الآخر فاض منك يا أمين

* ضناني الشوق .. و جيت ارتاح
عشان جوّه الحياه مجروح
زمان كان الفؤاد سواح
رجعك يا حبيب الروح



غار النبي ..



* وأسجد ليك .. في كل مكان

واصلي بروحي ع المختار

يا نور بيطهر الوجدان

يارب .. يا عالم الأسرار

* أنا يارب مش طالب

سواك .. من ليل يداريني

على باب الرسول كاتب

آياتك لاجل تشفيني

* أنا مشتاق .. وشوقي دموع

لمكه الطاهره واخداني

مفيش أبدا يارب رجوع

لدنيا الذنب من تاني

* أدق الباب .. و تفتحي

وأقرى سورہ م القرآن

أجيك لما تسمحي

أكون ويا الجميع إنسان



غار النبي ..



الهاله في كل قدومك ..
واضحه تماما للعاشقين
والرب معين
على رحلة صبر ..
ما زالت جارحه في روح صابرين
يا حبيب القلب ..
و نورالعين
را يح على فين
على أي مكان فيه ناس جاين ..
من آخر الدنيا ..
يقيدوا شموسهم بالقرآن
على بيت محتاج للدفا و الخير
يلمحك الطير
يجري ع الهاله ..
و يسبح داخل نورها بشوق
تطلع مع وحي الله على فوق
و تعود للناس دايمًا مجبور
تحكيلهم دايمًا عن جبريل
الصمت يسود و يسود و يسود
صوتك يا رسول ..



غار النبي ..



مليان بالجوود

و ما بينكم دايما نور و عهد
الله على فرح الناس باليوم
لو كان وياك اليوم موعود

* على بابك .. أنا موجود

تدفيني بشمس الجود
وأشكر ليل نهار فضلك
ولو هابعد .. لا بد أعود

* إذا ما الليل يناديني

أنادي كتابك الشافي
آياتك تاني تهديني
تاخذني طريق إيمان دافي

* ولو أخذ الهوى قلبي

لسكه كلها أشواك
ألاقي المصطفى جنبي
بيسقينني يارب ضياك



غار النبي ..



* على بابك .. دموع العين
بتسجد ليك .. مع الساجدين
وبتنادي عليك دائما
وماشيهِ إليك .. بشوق وحنين

* يارب الدنيا و الآخرة
أنا ملهوف لأهل البيت
سهرت الليل بروح طاهره
ولما الفجر بان صليت

الطيب بينادي عليك علشان
تعطيله الطيب
والديب بيشوفك ..
يهرب من لقياك
والليل لو طال .. يستنى لقاك
يسهر وياك..
ويصلي الفجر .. الحاضر قبل نزوله عليك
و صلاتك ويّا الصبحه ..
سجود وركوع
فوق الخدين يا حبيبي دموع



غار النبي ..



وشموع بتقيد ..
مع آيه شريفه تهز الكون
بتصون العهد ..
تقابل نور الله في خشوع
ما تحسش جوع
لكن لو جاع أصحابك تصبح زاد
وطريق أعياد
وان عاد جبريل للقاءك ترتاح
وتحس بأن الدنيا براح
وان شفت جراح ..
في قلوب الناس
تصبح لقلوب الناس جراح
وتداوي الكل ..
عشان الكل يكون مرتاح

* تنده .. و يوصلني النداء
آجي المدينه في الميعاد
نورك يا طه في الفضا
و لقاءك .. بيشفي .. في الفؤاد



غار النبي ..



* ونصلي ونسلم عليك
الله على سيد الرسل
كل " المزايا " .. يا طه فيك
يا حبيبي يا أعظم مثل

* يا مصطفى .. نرجع نتوب
تساعدنا دائما ع الرجوع
يا " دقه " طاهره في القلوب
يا خشوع .. مفيش بعده خشوع

* إنت إمام .. كل الصفوف
وانت أمام كل البشر
يا هديه طاهره م الرءوف
يا حامي روحنا م الخطر

* يا مصطفى .. كل الأنام
حافضه كلامك .. يا إمام
يا شفيعنا في يوم الزحام
من قلبنا .. ليك السلام



غار النبي ..



عارفاك النخله ..
بتستناك ويّا الأصحاب
ع الجذع علامة ضهرك ..
نور على نور
بيسلم كل الناس بالدور
وتدور الدنيا تصير قرآن
ماشي ع الأرض ..
بيطفي جذور الزور
ويزور أصحابه في كل مكان ..
وف كل مكان ..
قرآن الله في الفضا مسموع
يا جهاد مشروع ..
من عند القادر ع الظالمين
ولا مين ولا مين
لو حتى اتكاثروا ..
عليك ها تلين
دا لأنك هادي وقلب أمين
دا لأنك كنت أساس الدين
ومازلت بتحمي حدود الله
و وراك يا حبيب الله ملايين



غار النبي ..



جبريل فرحان .. إنك منصور
وانك بتحضر قلب النور
وانك لو جوه طريق عرقان
عرقك يا حبيب الأمه عطور

* وكأني طائر في السحاب
قدام مقام سيد الرسل
يا طه .. لما القلب تاب
يا حبيبي .. كان النور وصل

* الباب أخدني في الزحام
سابني أمامك يا شفيع
في حضرتك .. تاه الكلام
في سكتك .. بان الربيع

* أقرى آيات .. بعد الآيات
ودموعي تنزل ع الخدود
يا أحلى أحلى الذكريات
يا خير وفير .. مالهوش حدود



غار النبي ..



* ألمس في شباكك .. أدوب

الله عليك يا مصطفى

حارس بنورك في القلوب

يا نجوم ضياها معرفه

* زلزلني شلال الضيا

ساعة دخولي عليك بشوق

حققت أجمل أمنيته

وطلعت بيك .. يا طه فوق

شايل في حموله تهد جبال

أبو لهب الخاين لسه بيسبح في الأوحال

وأبو جهل ما زال .. مش فاهم شيء

ماليين في طريق الصبر مضيق

لكن وياك .. ميت ألف صديق

يتحدوا الباطل والأباطيل

قالك جبريل

ها تعود منصور

قالك جبريل

والله هاييجي عليهم دور .. مهما اتحدوك



غار النبي ..



و ها يبجي اليوم
والكل ها يهمس ليك مبروك
النصر أكيد .. وها تغزو العالم بالقرآن
تدخل يا محمد في الوجدان
طائر بيطير بآيات الخير
و يوزع قمحه .. على الوديان
أصبر يا محمد ع الكفار
و تعالى قابلني هناك في الغار
مختار الله حواليه عشاق
وعيون مشتاق ومعاه مشتاق
مختار الله مليون أشواق
لآيات مبعوته ترد الروح
وتعيش في الدنيا لآخر يوم
مختار الله لو غاب الوحي يبات مهموم

* يا ضي قنديل الإله
يا طه .. يا نهر الهدى
يا أغلى حاجه في الحياه
يا طريق شريف .. مالهوش مدى



غار النبي ..



* على بابك المليون آيات
أنا سببت قلبي يا رسول
يا أصل كل المعجزات
إمتى بقى نقدر ننول

* يا مصطفى .. نهرك ما زال
صافي .. ودافي .. للوضوء
لما سمعنا آدان بلال
جينا .. من الأنوار ندوق

* يا طه .. داخل كل روح
إسمك .. وفيه وياه كتاب
جوه المقام .. وياك أبوح
نور الإله .. يفتحي باب

* إشفلي في يوم الزحام
واسقيني من حوضك صفا
مهما أقول عنك كلام
نفسي زياره .. يا مصطفى



غار النبي ..



خارج م الغار .. باصص قدام
إسلام في طريقه لقلب الكون
لنهاية الدنيا ها يصبح عون
والكل ها يصبح كن فيكون
قرآن بيدق على الأجراس
وها يفضل جوه الناس نبراس
ها يحارب دايمًا في الخناس
بس الوسواس

مش ممكن يوم أبدا ها يموت
ها يفوت على كل عباد الله
ماسك في إيديه مليون نبوت
نهزمه بسجود وصيام و صلاة
وان واحد تاه في الليل نهديه
نهديه المصحف لاجل يفوق
الهادي أخذنا معاه على فوق
خلانا نفوق ونكون أحرار
دخلنا معاه الغار .. علشان
نقرى القرآن ..

ونكون صاحيين
وأمين الدعوة ما زال بيقول



غار النبي ..



تسلم يا رسول
باصص بكيانك للرحمن
تسلم يا رسول
جايب علشان الكون قرآن

* في الدنيا .. والآخرة
محتاج رضاك .. يا كريم
لو سكتي طاهره
إو عدني بالتكريم

* لو ادق فوق الباب
إفتحلي .. يا فتاح
وصلني للأحباب
نفسي معاك أرتاح

* إزاي هقول " ملكي "
وانت ملكك الروح
خلصني من شكي
واشفيني لو مجروح



غار النبي ..



* ما ارتحت .. غير في حماك

ولا بحت يوم لغريب

أتوضى من نجواك

وأصلي و يا حبيب

* في الدنيا .. والآخرة

مادد إليك إيدي

إوعدني .. بالقدره

واسعدني .. يا سيدي

داخل للغار ..

باصص على كل مكان جواه

سبحان الله .. أهداك الغار

أهداك الراحة لقلب بينبض بالنوار

خارج م الغار

واقفه الثوار

تستنى قدومك يا مختار

علشان تحميهم م الأباطيل

من طول الليل

من نار بتنادي على الكفار



غار النبي ..



الله يا جميل يا أصيل القول
الله ع العابد لما ينول
الله على عرض النور والطول
خارج يا رسول م الغار مسئول
عن أي مكان ..
في الكون مجروح
يا حبيب الروح وبنسنتك
نتمنى يكون للغار شباك
ونبص عليك
ونشوفك وانت بتستناه
ونشوفك وانت معاه قاعدين
تتسايروا في كل أمور الدين
وتقولوا الله الله الله
ولا واحد جوه حمايتك تاه

* زادي .. وزوادي .. رسول
فارش عبايته للغريب
نفسى في يوم .. أقدر أنول
جنة صحابك يا حبيب



غار النبي ..



* أنا وجهتي .. هي الكتاب
هي حديث .. أعظم إمام
طه .. فتحلي ألف باب
و زرع في روح الروح سلام

* طه .. و قنديلك فضل
للمؤمنين .. أعظم ونيس
الورد عمره ما دبل
علشان سقيته بالحديث

* يا طه .. صلى الله عليك
ورفع مقامك للسما
لان الحجر .. ما بين إيديك
يا هديه .. من حامي الحما

* يا مدينه طاهره بالنبي
يا "مجديه" .. في نسمتك
أيوه منايا ومطلبي
أقضي الحياه .. في سكتك



غار النبي ..



بيقوم من نوم .. على حلم أصيل

جبريل وياه

قاعد في دفاه

ومعاه م المولى آيات تنزيل

و آيات و آيات

يحكي لخديجه بدمع عنيه

عن وحي شريف بيزلزل فيه

فيطبطب قلب خديجه عليه

وتطمئن فيه

وتسخن ليه .. في اللقمة حلال

تسأل ع الحال

وعن الصديق .. و علي .. وبلال

فيجاوب .. فيه ويايا آلاف

وقلوب ما تخاف .. غير رب كريم

جبريل يحكي لي عن التسليم ..

وعن التحريم

تسقيه من قلة صبر يقوم

ويسلم نفسه لساعة نوم

من تاني .. يقوم ..

علشان الدرس ميعاده خلاص



غار النبي ..



بركان إخلاص ..

للدعوة الطاهرة وكل الناس

ومحيط إحساس

ببيلغ روحنا أصول الدين

* هادي القلوب .. نفسي أتوب

أوصل لجنه بألف باب

يا مصطفى .. وياك أدوب

وأعود إليك .. بعد الغياب

* يا هادي .. نادي ع اللي تاه

خليه يعود للنور هنا

طه .. عليك مليون صلاه

يا رسول قلوبنا المؤمنه

* هادي القلوب .. جوه الصلا

شوفنا الخلا .. مزروع ضيا

أنا قلبي بالنور اتملى

منك .. يا سيد الأنبيا



غار النبي ..



* أحمد يا هادي في العباد
يا ميلاد لميت مليون هلال
جينا المدينه في الميعاد
وسمعنا فيها .. أدان بلال

* هادي القلوب .. هادي البشر
سيد الجميع .. يا مصطفى
خليت ضلام الكون قمر
حتى الغيام .. بيك اختفى

خارج م الغار ..
صامت ودموع الشوق سابقاه
والشمس بتجري وراه .. عارفاه
تتدفى معاه
وتحاول تبقى حنونه عليه
كل ما بتشوفه ..
تبوس في إيديه
وتدفي صحابه على الطرقات
ومازال الغار .. دايم يعطيه
و يحط الخير دايم في إيديه



غار النبي ..



يحفظ وياه قرآن محفوظ
وياه بيفوز .. بلقاء جبريل
الوحي ما زال بيشد الحيل
ورسول الله راكب على خيل ..
الدعوه وحاضن في الأصحاب
الغار لرسول الله مفتوح
ما لهوش ولا باب
لكن مقفول مع كل القوم
الهادي ببيجي في يوم معلوم
علشان جبريل ..
جايب في آيات
و حاجات .. و حاجات .. و حاجات ..
تحلي الأوقات ليل ويا نهار
لرسول الله دايم في الغار

* آه يا مغيث .. أنا باستغيث
إحميني من نار الضياع
خلي الرسول .. ليّ جليس
خلي الحديث .. ليّ شراع



غار النبي ..



* يا رب .. جيتلك .. لما داب

القلب فوق جبل الحياه

العبد .. عبدك .. لما تاب

ضاعت ذنوبه في الصلاه

* جوايا نور .. طه الشفيع

حارس في قلبي ليل نهار

في سكتك .. إزاي ها ضيع

و الآيه .. ميت مليون منار

* يارب .. يا أصل الأصول

يا كل حاجه في المكان

لما نادينا ع الرسول

الرملة صبحت سيسبان

* أسجد على أرضك .. أنول

كل الرضا .. كل القبول

أقرى الآيات .. و أقرى الحديث

ينزل علي الخير سيول



غار النبي ..



يدخل في الغار
يقلع في عبايته ..
يعلق فيها على الأحجار
الله الله الله ع الغار
جواه أسرار
ها يقولها في ليله رسول الله
ماشي المختار
سامع قرآن من خلف جدار
يتبسم .. يلقي الشوك أزهار
والليل نوار
ويلاقي الصحبه على الصّفين
حالفين يا أمين
يحموك من غدر قلوب أحجار
تمشي ..
والأرض بتمشي معاك
أوقات قدّامك ..
فيه أوقات بتغني وراك
فرحانه تماما بيك يا رسول
وبتحضن فيك
وتسمي عليك



غار النبي ..



وتصلي عليك
وتبوس في إيديك
وتزورك لما تغيب في البيت
وتقول حبيت وتقول حنيت

* لما القمر في الليل ظهر
قلبي انبهر .. يا ذا النعم
حارس خطانا في السفر
ننده عليك .. وتقول نعم

* يارب .. لو ضاع الطريق
تهدي قلوبنا المتعبه
نلقى الرسول .. لنا صديق
نلقى آياتك .. مركبه

* الليل لا يمكن يوم يطول
طول ما العقول .. ساجده إليك
طول ما النفوس .. شايله الرسول
طول ما القلوب .. عشماته فيك



غار النبي ..



* صبرت عبدك ع الآلام

طهرت نفسك م الخطأ

القلب دقاته سلام

لما بنور إسمك بدأ

* آجي إليك .. علشان أتوب

وارجع .. حياتي منوره

لو حتى جوه الليل أدوب

أرجع إليك .. بالمغفره

جبريل مبعوث من عن مغيث

يعطي للأرض الناشفه بصيص

ويكون لرسول الحق جليس

جبريل دا صديق لرسول مبعوث

بيدوس الصمت بأية خير

يسمعها الطير

يسجد بجناحه على الأشجار

ويبص بقلب حنون ع الغار

يلمح في رسول الله بيقول ..

ويعيد ويقيد شمس القرآن



غار النبي ..



ديّان .. على مدد الشوق يراعيه

وبيبعت ليه قرآن يهديه ..

مع كل الكون

الله في العون ..

لو كتروا عليك

لو حاولوا يرموا تراب في عنيك

لو حاولوا يحطوا القيد في إيديك

ربك موجود

ربك يا حبيبي أصول الجود

وأصول النور

ما يحبش أبدا كلمة زور

ولا خوف و نفاق

بيساوي بعدل شريف ونضيف

كل الأسماء

* خيرك يا عالم بالبشر

أصبح جبال ما لهاش عدد

ويا الكتاب .. طال السهر

يا رب .. يا أعظم سند



غار النبي ..



* إنت الإله .. حامي الجموع

من نار شياطين الندم

الآيه رايه في الضلوع

و النور بيحضن في القدم

* يا رب .. كان الجرح نار

قبل الحبيب المصطفى

صبحت رمال الليل ديار

مليانه بالقرآن دفا

* صابر وقلبي رسمته باب

مفتوح على كل الجهات

لما تعب م الدنيا تاب

وارتاح في أحضان الآيات

* يا رب .. يا هادي القلوب

إهدي قلوبنا الطيبه

إحمينا دايمًا م الغروب

خليها أظهر مركبه



غار النبي ..



الغار بقى بيت لرسول الضوء

الأرض عمار ..

بتبص لفوق

والشوق في قلوب أصحاب النور

علمهم إن الدمع وضوء

والوقفه معاه تشبه لصلاه

علمهم إن الله موجود

و الكفر قزاز .. و الجنة ورود

و خلاص العالم في القرآن

فهمهم إن خلاص الكون

لو كل الناس صبحت بنيان ..

مرصوص وبيهزم في الأباطيل

نازل جبريل .. لأعز رسول

بيقوله بأن أصول الناس ..

في معاملته تخلي الناس اخوات

نازل بآيات ..

تفتح في ببيان أكبر حسنات

ورسول الله بالذات مختار

يشرح في الفرق ..

ما بين الجنة وبين النار



غار النبي ..



يصدق في القول
دا لأنه رسول من عند الله
عائش في حماه
يدخل ع الغار ويقول الله

* إنت الإله .. باصص لنا
عارف أمورنا مهما كان
راسم قلوبنا المؤمنه
على كل أرجاء المكان

* يا رب كون لنا المدد
واسندنا فوق سكك الحياه
خلى الآيات فينا سند
واسترها دايما يا إله

* عرفتنا إن الأصول
هي اللي باقيه للعباد
شرفتنا لما الرسول
جانا بشهقات الميلاد



غار النبي ..



* يارب .. والأعمار تروح
نرجع لعلام الغيوب
الروح بأسرارك تبوح
والنفس في نور حبك تدوب

* وداريت علينا كثير كثير
والستر كان منك دوا
لما بيان للناس ضمير
تلقانا يا الله .. سوا

صادق و صدوق و صديق للغار
مختار من عند الله مختار
قالك تختار
إخترت الفقر مع الإسلام
خليت الدنيا سلام في سلام
والكل ونام
ماشي لقدام
مش عايز لحظه تبص وراك
و الكل معاك ..
حواليك حواليك



غار النبي ..



طالبين في رضاك
و نجوم الدنيا بتترجاك
تاخذ من ضيک حبة ضوء
تطلع وياها دقيقه لفوق
مع إنك فوق
مليان بالحب وبالأحاسيس
ومالكشي جليس
غير الأصحاب .. غير القرآن
طالب من عند الله غفران
وأمان للصحبه وللخلان
ما يكونش ما بين الناس جدران
ولا حتى فروق ..
الدنيا و أصبح ليها شروق
كل الأصحاب .. خرجوا م الطوق

* أفديك بروحي يا رسول
أناديك بشوق .. صبح ومسا
ينزل عليّ الخير سيول
يا أغلى أغلى مدرسه



غار النبي ..



* أفديك .. ولا يغلى عليك ..

العمر .. يا سيد الأنام

نور الكتاب .. جوه عنيك

وعليك من الدنيا سلام

* أفديك .. ولا لي سواك

يهديني في الليل الطويل

سامعه قلوب الناس نذاك

يا اللي ضياك .. دايم أصيل

* أفديك بعمرى يا شفيع

واهديك حياتي ومهجتي

من غير سناك .. الروح تضيع

يا اللي مدينتك بهجتي

* أفديك .. ولا أقدر أقول

في حب غيرك يا رسول

يا اللي معاك الكل قام

علشان من الحسنات ينول



غار النبي ..



ويروح الغار ..
والبال مشغول
أصبح مسئول
عن كل الباصص ليه بحنان
جانب للإسلام كل الأركان
وزرع في قلوب الناس بركان ..
صدق و أحاسيس
باين في السكه الطاهره بصيص
أصبح برهان
و آلاف و آلاف حافضين قرآن
و آلاف و آلاف ها يحنوا إليه
وصفوف وصفوف ..
تصبح ملايين
الله يا أمين
الدعوه انتشرت في الأركان
وبقيت ربان
لسفينه ما زالت في الأمواج
بتقاوم ريح
ومازلت صريح
في مواجهه ناس .. كافرين بالدين



غار النبي ..



صامد يا أمين
ومسلم أمرك للغفار
داخل م الغار .. خارج م الغار
بتقول على قول الرب أمين

* يا رب .. لما القلب تاب
نادى عليك بعد الصلا
إنت فتحت عشانه باب
وزرعت نخله .. في الخلا

* يا رب .. أهرب .. بس اعود
أفرش في سجادة خشوع
ألقى حياتي في السجود
واغسل ضميري بالدموع

* و أغيب عليك .. مهما أغيب
أرجع إليك .. شايل آيات
باعث لنا طه الحبيب
يمحي الذنوب .. والسينات



غار النبي ..



* يارب .. جيتلك .. والكيان

شايلى آياتك ليل نهار

إنسان بيتهجى الآدان

أصبح فى قلب الروح فنار

* ظهرت آياتك .. طهرت

كل الوجود بدموع منى

طلعت نجومك .. سهرت

كل الجموع المؤمنه

فى نسيم الغار ..

يا حبيبى تنام .. وتقوم على صوت

جبريل بتبص عليك يا رسول

نظره بتخلي القلب يقول ..

ويعيد قرآن

الغار ومازال حاضن فى ملاك ..

ويآه إنسان

ومازال الوحي جديد ع الروح

العالم قبلك كان مجروح ..

بايدى أصنام



غار النبي ..



ماشي المختار دايمًا قدام
دايمًا قدام
وما بينه و بين الناس مسافات
الله على ضيِّ الله لو فات ..
على أغلى قلوب
الله ع المخطيء لما يتوب
ويدوب في آيات الله بالليل
الله لو فكر نص دقيقه في قول جبريل
لرسول الحق في ليلة شوق
الله ع الحب ..
ان خلى العالم بركان ضوء
وأخذنا لفوق ويّاه يا حبيب
يا طبيب الأمه يا سيد الناس
الله ع البدر ان صار وناس

* يا رب فين ما نروح
نلقاك في كل كيان
توصل إليك الروح
بآيات من القرآن



غار النبي ..



* أنا راضي بالمكتوب

يارب مهما يكون

لو أنسى لحظه .. أتوب

أغسل بدمعي الكون

* يا خالق السموات

والأرض .. والملكوت

كبرني بالآيات

أصبح لعبدك قوت

* في زحمة التايهين

خليني نور على نور

أقرى بقلبي " يس "

الرمل يبقى زهور

* يارب لسه الليل

فارد جناح الخوف

خلي الآيات قناديل

تهدي النفوس يا رءوف



غار النبي ..



ماشي من الغار
والهاله الطاهره بتستناك
تداريك م الشمس .. وم الأعاصير
ماشي والكل بيمشي وراك
وانت بتراعي كتير في الغير
وتجيب الخير لآلاف و آلاف
تلمس في خجارة الأرض ..
تكون صفصاف
والرمل معاك ..
يصبح يا حبيبي شطوط وضاف
ولا قلبك خاف
ولا عمره في يوم أبدا ما يخاف
مخلص وجريء
مع إن ساعات بتحس بضيق
من فعل الظلمه مع الكفار
ترجع للغار ..
ودموع العين يا رسول سابقاك
والهاله بره الغار بتقول
أنا نوري فداك
تنده أبو بكر بصوت مبوح



غار النبي ..



تنده لبلال
تنده على ابن العم ..
وتنده كل الناس
خليكوا مهما تقاسوا بقوه .. وتر حساس

* إنت الإله . مالك شريك
ولا لك " شبيه " .. ولا لك ولد
ساجدين جماعه بين إيديك
واخدين من القرآن سند

* يا خالق الكون البراح
يا منزل الأمطار لنا
إوهبني أنهار السماح
ويّا النفوس المؤمنه

* يا رب .. قرآنك وصل
خلى أراضى الكون تجود
حامي قلوبنا م الكسل
نقرى آياته عشان نعود



غار النبي ..



* صبرتني على كل شيء

سهرتني ويا الآيات

أنا قلبي لسه ع الطريق

ساجد في سكة معجزات

* في حضرتك .. صرخ الفؤاد

في سكتك .. سجد الجميع

الله يارب علي الميلاد

لما يكون مليون ربيع

الوحي خلاص

أصبح لرسول الحق حياه

ليل ويا نهار ..

قاعد في الغار دايم ملهوف

وان غاب الهادي بيستناه

ويقول يا إله

الوحي اتأخر ليه ع الروح

ولفين ما يروح .. يحلم بلقاه

جبريل بقى أغلى رسول في الكون

جبريل بقى عون ..



غار النبي ..



للهادي ان زاد الظلم عليه
ماشي وآيات الله في إيديه
وفخور بالنور
مع إن الزور في الناس موجود
لكن أصحابه قلوبهم جود
ويروح ويعود ..
يزرع في ورود
ويوزع نوره على العشاق ..
مليان أشواق
لأصحابه يكونوا في جنه براح
ولا واحد فيهم شال في سلاح
وسلام في سلام
قال الإسلام
عمره ما يفكر يأذي غلام

* يا رب .. جيت ملهوف
تايب إليك .. مرجوف
قرآن .. أخذني إليك
وصلني إليك يا رءوف



غار النبي ..



* يا رب .. قلبي ضعيف

قدام بريق زاييف

إحميني نار الزيف

لجبال ضياك شايف

* أوصل إليك بسجود

ألمس سماك بآيات

أهرب .. ولكن اعود

أشرب من الحسنات

* خليني بين الناس

رعدة إمام مشتاق

رنة وتر حساس

يا أعظم الأسماء

* يا رب والأيام

بتعدي في لحظات

خلينا بالإسلام

نرتاح مع الصلوات



غار النبي ..



خارج م الغار
ملفوف بعباية النور فرحان
جبريل بيحيب قرآن للروح
مسموح للهادي يقول ويقول
خاتم يا رسول ..
لجميع الوحي في كل مكان
ومفيش إنسان بعدك ها يقول
الله أرسلني إليكو رسول
نعمة ربنا تمت ع القوم
ورسول الله ..

صحى الغافلين من عز النوم
وف يوم معلوم
هايتم كتاب الله للكون
أحمد الله دايمًا ممنون
علشان مختار
خارج م الغار ..
والجسم خفيف

كفار والعقل تلال تخريف
لو رايح جاي لازم يأذوه
يتآمروا عليه علشان يمحوه



غار النبي ..



والهادي مازال في حماية الله
لو حتى اجتمعوا عشان يفنوه
الله موجود
الله ها يخلي الهادي يسود .. و يسود .. و يسود

* وجينا .. يا " مدينه "

نزور قمر النجوم
الشوق .. صبح جنينه
وارتحنا م الهموم

* رسول الحب .. فيكي

والرحمه .. والأمان
نايم ما بين إيديكي
يا منبع الحنان

* صافيه .. و دافيه جدا

بنظرة الرسول
لما الأدان .. بيدن
روح المجروح تنول



غار النبي ..



* يا مدينة الرحمة .. هلي
خلي " التجلي " واحه
ع الهادي النادي صلي
في ألف ألف ساحه

* يا حبيبي .. يا محمد
يا أصل لكل شيء
بنشوفك لما تسجد
ويانا .. ع الطريق

الغار بقى جنة لعبد الله
بقى شيء محسوس
أوقات جبريل ما يجيش للغار
يقعد وياه يحفض قرآن
ويبوس في خدود الغار بحنان
منان الله .. الله منان
باعث من عنده فرج مبروك
ورسول الله ..
لو لمس الشوك
يتحول مسك وزاد وربيع



غار النبي ..



عمرک یا حبیب الله ما تضيع
طول ما احنا ورب الكون ویاك
عمرک ما تبیع أبدا في صديق
على كل طريق .. زارع في ريحان
زارع في حنان
بيكفي جميع الناس ويفيض
خيرك بيزيد .. يصبح أمواج
والناس بتزيد .. تصبح أفواج
وتشوف الصحبه في تاج مرسوم
على أغلى جبين
الله يا رسول .. الله يا أمين
رايح على فين
رايح على كل مكان أهديه
وابنيه م الأول بالإنسان

* نصبح .. و نتمسى
وانت ما لكش شريك
إزاي في يوم أنسى
وانا كلي .. ملك إيديك



غار النبي ..



* لك يا إله الكون
الملك .. والملكوت
يارب .. كون في العون
أرواحنا عايزه تفوت

* نصبح .. نكون جاهزين
متشمرين ل .. لقاءك
قدامنا .. طه أمين
جوّه رسالته ضياك

* نتمسى بالصلوات
والصبر .. والصدقات
نسجد .. و روحنا معاك
هايمه مع السموات

* يا رب .. خدنا الليل
للفجر .. بعد غياب
الضلمه .. زاده قليل
و النور .. بيفتح باب



غار النبي ..



الغار بقى عالم من أسرار
بين المختار.. و ما بين جبريل
ينزل جبريل ..
من عند الله بآيات وآيات
والهادي يبات ..
يحفظ في حروفها لحد الفجر ..
ما يحضن فيه
وينام فرحان
والآيه بتسهر وتصحيه
يقراها على الرفقات
فتخلي الكل يعيش في تبات ..
ونبات ونعيم
الهادي كريم وحليم ورسول
بالحب يقول
فتلاقي الكون صامت في لقاءه
وتلاقي جميع الناس بتقول .. الله الله
وتلاقي الصوت .. صوت المختار ..
واصل لجميع الدنيا صداه
والآيه بتدخل كل مكان ..
نازله من رب الكون في سماه



غار النبي ..



على عبد الله

وصحاب الهادي صفوف و صفوف و صفوف و صفوف

مش حاسس واحد منهم خوف

وجميعهم .. روح النبي شايفاه

* يا رب .. قدرني على ..

شكرك .. يا أكبر م الوجود

خلي حياتي في الصلا

والراحه .. في كتر السجود

* يا رب .. مش قادر أكون

غير شمعاه .. تضوي في الضلام

ع الكون .. أكون .. إنسان حنون

دايما بيسعى للوئام

* يا رب .. خلي رحمتك

تصبح طريقي للحياه

خليني جوّه سكتك

البدر .. لاجل الناس ضياه



غار النبي ..



* يا رب .. عبدك .. مستحيل

ينساك على طول المدى

في رعدة الليل الطويل

الدمع .. يتحول ندى

* يا رب .. يا أصل الأصول

لو ليله ها يطول السفر

خليني ماشي مع الرسول

و احميني من شوك الخطر

خارج م الغار

وحروف قرآن وياه مصابيح

تتحدى الريح

تتحدى صنم .. تهزم أصنام

ورسول الله ماشي لقدام

والناس بتشاور لسه عليه

فيه بعض .. بيجري يبوس في إيديه

والبعض التاني بيتحداه

ورسول الله عارف مسعاه

الرب معاه على فين ما يروح



غار النبي ..



بارك في خطاه
يسرج قناديل الشوق بإيديه
لو واحد جوّه العالم تاه
ويقول الله ..
على فضل الله
إعطانا كثير و كثير و كثير
ولا حتى حوجنا في يوم للغير
وسندنا بقوه في ألف ميدان
خلانا بنقدر ع التغيير
ورسول الله داخل ع الغار ..
والأمر خطير
قرآن ها يغير وضع العالم ..
يبقى لكل الدنيا قانون
ويا المختار .. الله في العون

* " أحمد " .. ولا غيرك ظهر
لاجل ابتداء المغفره
الدمع .. يشبه للمطر
جوّه دروب متطره



غار النبي ..



* " أحمد " .. أخذنا الشوق إليك

سهرنا في الليل الحلال

جينا المدينه .. ننادي ليك

وذكرنا إسمك في ابتهاال

* " أحمد " شفيعي في الحساب

وربيعي .. لو طال الخريف

فاتح عشاني ألف باب

وبيسند القلب الضعيف

* " أحمد " جراحنا تطيب معاك

ساعة لقاك .. يهدي الفؤاد

الله على أمطار ضياك

يا ميلاد .. عشان كل العباد

* " أحمد " ..إله الكون ناداك

خلاك عشاننا تكون شفيع

أرواح جميع الناس فداك

يا ربيع .. مفيش بعده ربيع



غار النبي ..



غار القرآن

مفتوح بالروح لرسول الله

مسموح للهادي يعيش في حماه ..

و لغيره مفيش

أصحابه خلاص ..

بقوا زي الجيش

واقفين صاحيين

مستنيين .. أمر الربان

ورسول الله ..

مش عاوز حرب مع الكفار

والغار بالنور مسكون مسكون

الله ع الكون

أبوابه اتفتحت لاجل النور

بيدور البدر على الأصحاب ..

و يدور و يدور

بحثا عن طه حبيب الله

و لا ضاع .. و لا تاه

ولا كان غير ناصح للضالين

الله يا أمين الدعوه لناس ..

بيقولوا آمين



غار النبي ..



ويقولوا فداك
عايزين يا رسول ..
نفضل وياك
نتهنى ليلاتي بضى سناك

* ولا لنا .. إلا ضياك
بينور الطرقات
خلى القلوب وياك
مشغوله بالصلوات

* غيثنى .. يارب الناس
واحرصني .. م الأعاصير
قلبي وتر حساس
عازف نغم للغير

* صليت على المختار
ودعيت أكون وياه
صبحت عيوني منار
إقبلني يا الله



غار النبي ..



* إنت الحما .. م النار
والجنه .. للعشاق
تهديني لو مختار
تسقينني .. لو مشتاق

* يا رب .. في الملكوت
طاير .. ينادي عليك
قلبي .. رسمته بيوت
إقبلني .. لو أناديك

الغار برسول الله فرحان
صوت القرآن موجود جواه
وياه الهادي .. معاه سهران
بيردد إن الله غفار
باعث جبريل لرسول الغار
يا حبيب الروح والناس والدار
وصل الإسلام ..

راكب رهوان

على كل مكان ومكان ومكان .. وصل الإسلام

هانحقق بيه كل الأحلام



غار النبي ..



نطلع قدام الناس بكتير
الرب قدير ..
و الرب مجير
ها نحقق ياما كتير وكتير
إسلام بميزان
هو القرآن
بيساوي فقير .. مع كل أمير
والخير قناطير
ورسول الله في الزحمه خطيب
محتاجه قلوب الناس لطيب
والهادي حبيب ..
بيحب بقلبه جميع الناس
يلمس في تراب الأرض البور
يتحول كل رمادها لماس

* إسمك " رءوف " .. يا ذا النعم
شايف قلوبنا المتعبه
ننده عليك .. وتقول : نعم
والرافه .. تصبح مركبه



غار النبي ..



* إسمك " رءوف " بتضمننا

لو لحظه نبداً في الهروب

جاري يا رب ف دمنا

ساري بنورك .. في القلوب

* إسمك " رءوف " .. بتشدنا

للضيء .. لاجل إليك نتوب

إسمك " رءوف " .. بتردنا

يا رب .. بنجوم الدروب

* إسمك " رءوف " .. هادي الجميع

بتنادي للقلب اللي تاه

هادي قلوبنا بالشفيع

خايف علينا يا إله

* إسمك " رءوف " .. واحنا العباد

أوقات بتنسى في الفروض

إنت النهايه .. و الميلاد

واحنا إليك .. لازم نعود



غار النبي ..



ماشي المختار
والتوب على جسمه شريف ونضيف
الكل يرحب دائما بيه
يرمي في سلامه بدون تكليف ..
عارفين مشواره لحد الغار
وبيستنوه
خارج والفكر في وادي بعيد
يفضلوا ورا ضهره لحد الدار
يحكي لخديجه ..
سكون الغار
ودخول جبريل بالحب عليه
والشوق في عنيه
وازاي حفضه في الغار قرآن
وازاي هاتروح أحزان القلب ..
بدون ما تعود
يحكي لخديجه بأنه خلاص
بقى بينه وبين الدعوه عهود
لازم تحضنها جميع الناس
ولا بد يدوسوا على الوسواس
ويصفوا الروح دائما لله



غار النبي ..



لو واحد تاه ..
هايلقي نجاه
مع أغلى صلاه .. لرحيم .. رحمن
ويسيبوا العالم للقرآن

* سفينتك .. لما تندهلي
ألاقي الموج .. صبح ورده
تسامحني .. على جهلي
يدوب القلب فيك .. أهدى

* سفينتك .. بحرها توبه
وانا طمعان .. في أمواجك
آيات .. بدموعي مكتوبه
عشان يارب محتاجك

* سفينتك .. لما تلمحني
بتسعدني .. وتحيني
يارب العزه .. سامحني
بنهر قليلك .. ارضيني



غار النبي ..



* سفينتك كلها خيرات
وانا ساجد على الدفه
شراعتها حاضن السموات
وبتخللي الكيان يدفى

* سفينتك .. ملمحي فيها
يا خالق روعي .. إهديها
ودفيها .. وخليها
بحور .. والحب ماليها

أصحاب عماله بتزيد
كفار عماله تزيد
ويزيد الحمل عليك يا رسول
وفضلت تقول ليهم قرآن
ولا واحد فيهم ..
حتى اتهمز لقول الله
وبياك أبطال .. يفدوك بالروح
بس انت ما زال قلبك مجروح ..
علشان بتشوف ..

أصنام الكذب في كل مكان



غار النبي ..



وما زلت بتهدم في الأصنام
وبتدعي لدين اسمه الإسلام
وتتناضل لاجل الدين ما يسود
ماشى والكل حرس حوالك
بببصوا عليك بدموع أحزان
فتقول للقوم
أنا أكبر جدا م البهتان
من جيش الجان
الضلمه لابد يدوسها النور
والحق لابد هايفني الزور
يا عباد الله
الله ويانا في كل مكان
هاتحارب مش بالسيف يا اصحاب
هاتحارب دايم بالقرآن

* قبل الصلا .. تمجيد
وصلاه .. على المبعوث
نجم الإجابة يقيد
تهدي قلوب ونفوس



غار النبي ..



* لو أذكرك .. أرتاح

لو أشكرك .. بتعين

إهدي فؤاد سواح

هايم مع الهايمين

* قبل الصلا .. واقف

أطلب يارب حماك

في حضرتك .. راجف

باتمنى لحظه رضاك

* مين هاطلبه غيرك

مين اللي ينصفني

إوهبني أسرارك

بالهادي .. شرفني

* قبل الصلا .. دعوات

وصلاه على المختار

في رعدة الصلوات

نلمح رسالته منار



غار النبي ..



يخرج م الغار ..
والقلب ببسعى يعود لدفاه
يخرج م الغار ..
والكل بيمشي وراه يحميه ..
ويكون في حماه
أوقات أوقات يرجع للبيت
وساعات بيروح لاجل الأصحاب ..
عايزينه يقول و يقول و يقول
الكل مآمن إنه رسول
حتى الكفار
عارفينه بأنه رسول مختار
بيروح الغار .. يرجع بآيات
عارفينه ثبات في ثبات و ثبات
ولا واحد فات ..
غير لما نده على أغلى رسول
الخير بقدمه صبح أهرام ..
وتاريخ و سيول
ونقول و نقول .. انك إنسان ..
وبيوحى إليك
تسلم للدنيا يا غالي عنيك



غار النبي ..



قرآن في إيديك
في حروفه هدايه لقلب جريح
يا رسول الله
بتكون في مواجهة كل الكفره .. يا طه صريح

* و لو تنزل .. دموع عيني
بتغسل روعي من جوه
يارب الكون .. يا هاديني
يا مالي قلبي بالقوه

* تطهرني .. بقرآنك
تصبرني .. تنادينني
تشبعني .. بأغصانك
ولا لحظه .. بتنساني

* و لو أنه .. تجاوبني
أهاجر لك .. ولا أنسى
في موج الدنيا .. ما تسيبني
وتصبح لي نور مرسا



غار النبي ..



* يا رب العزه .. قدّرني
أكون للفضل .. قلب شكور
من اللي عملته .. طهرني
وخليني .. بحور .. للنور

* و لو تنزل .. دموع قلبي
على بابك .. وآياتك
ألاقي جنتك .. جنبي
وألقى ذاتي .. في ذاتك

يدخل للغار ..
والشال مكتوب على صدره آيات
وحروف قرآن
الآيه بترعش في الجدران
وتهز قلوب الناس بحاجات ..
من عند إله
الكافر تاه ..
والمؤمن جوه في قلبه أمان
يا رسول الله
الكون مستني ظهورك ..



غار النبي ..



لاجل ما تنشر دين
بببشر كل الكون بحاجات
صلوات مكتوبه هاتيجي في يوم
حاسس بهموم
وهمومك لما تزيد وتزيد
تشكي لله
كفار كفار
واقفين علشان يأذكوك يا حبيب ..
من بره الغار
وانت اللي معاك ملايين ثابتين
حارسينك بره الدار يا رسول
وتقول وتقول
لاصحابك إحنا جبال وجبال
مع إن البال يا رسول مشغول

* يا رب .. و نجومك باينه
بتطهر السكه عشاني
إحميني م الروح الخاينه
جوّه الطريق الإنساني



غار النبي ..



* يا رب .. ليه أفضل ضايع ..

بين الدروب .. بره .. و جوه

إزاي هاكون وياك بايع

و انت الحما .. و انت القوه

* يا رب .. قدرني أجيلك

ظاهر .. مفيش في خطايا

باتوضى دايم من نيلك

وأصلي .. ومعايا الآيه

* يا رب .. يا عالم بي

إهديني للسكه الأحسن

خلي الإيمان جوه عنيه

يسعدني جدا .. لو أحزن

* يا رب .. خدني على بساطك

للجنه .. واهديني بنورك

ورق الشجر .. يبقى آياتك

زارع في وجداني زهورك



غار النبي ..



بتروح و تعود
شاييل أحمال
مشغول البال بجيوش كافرين
رايح على فين
على حته مفيش جواها وحوش
علشان أرتاح ويا الخلان
متظمن جدا بالقرآن
و بناس صادقين
على فين العزم ..
و كل مكان مليون كافرين
و أذاهم زاد
و انا خوفي يارب على الأسباد
أسياد الحق ..
وشمس الدين
مكه بتضيق
إهديني لأي مكان .. هامشيه
و أوصل لهنالك ..
علشان أظمن ..
ع اللي معايا في كل مكان
و الوحي هناك ..



غار النبي ..



هايجيني أكيد
و أكمل روعي مع القرآن
مستني الوحي يقوللي أروح ..
على مين .. وازاي .. و أروح على فين

* سامحني .. ع اللي كان مني
وريحني .. في ألف طريق
ما تبعدشي .. في يوم عني
وخلي الحق .. لي صديق

* أجيلك .. شايل التوبه
وأبكي .. جنب بوابتك
في قلبي .. آيه مكتوبه
وروعي .. طايره في سحابتك

* يا رب القدره .. كان قلبي
ساعات .. بيدق باب أغراب

رجع بهداك .. صبح جنبي
مالوش إلا انت .. أعظم باب



غار النبي ..



* سامحني .. مستحيل أنساك
و لا فضلك .. في يوم أنساه
إذا يلمسني لحظه هواك
أقول ساعة لفاك : الله

* و لو أهرب .. باعود تاني
وأسجدلك .. على السكه
أنا عاشقك .. بوجداني
و قلبي .. سيبتته في مكه

في الخطوه الواحده آلاف و آلاف
واقفين بسيوف
ماشى المبعوث ويا الصديق
ومفیش في القلب ..
ضباب ولا خوف
حاضناهم ضلة فرع عتيق
ويمد إيديه سيدنا الصديق
وينشف طيف لعرق بيسيل
صديق ودليل
وحمایه لسيدنا رسول الله ..



غار النبي ..



من أي عويل
مع إن حماية الله في العون
مجنون ومعاه ..
مليون مجنون
بيحاولوا يطفوا نجوم الله
و رسول الله واقف مختار
عاشق في الأرض ..
وحضن البيت
على خده بيان الدمع سيول
مالك يا رسول
دمعاتك جوّه الروح بركان
مالك يا رسول مبعوث عدنان
دا انت ها يكفيك .. ضي القرآن
يكفيك وجدان .. مليون بايمان

* قدام مقام سيدنا الحبيب
خدني خيالي لسكته
في لقاء .. جراح الروح تطيب
ودموعي .. تنده حضرته



غار النبي ..



* يا مصطفى .. نام اليمام
على كتفي .. في يوم اللقا
ساعة السلام .. بدر التمام
بارك قلوب متشوقه

* قدام مقامك يا أمين
إرتحنا من كثر التعب
إنت إمام العالمين
للمؤمنين .. قمر الأدب

* يا سيدي .. يا مرشدي
الله ناداك .. لما اصطفاك
إشفع لنا .. يا سيدي
يا اللي هدانا الله معاك

* قدام مقام المصطفى
نزلت دموع العين سيول
وشربنا من نهر الصفا
ساعة لقانا .. يا رسول



غار النبي ..



بببص كتير جدا ع الغار
وكأنه وداع
يمسح بدراع الشوق ع الباب
ويداري هدومه من الكفار
مش راجع ليه
في خيالك إيه يا رسول الله
ها تهاجر ..
لسه ما أعلنهاش ..
غير ع الداخلين وياه في الدين
من أول يوم
ها يجمع كل الناس وياه ..
في ميعاد معلوم
مهموم علشان ..
هايسيب البيت
ويسيب في مكان عاشق في خطاه
و دا أمر الله
الهجره خلاص صبحت بميعاد
ورسول الله جواه زعلان
من فرقة أرض حبيبه عليه
باصص بعنيه ..



غار النبي ..



على كل مكان ..
حاضن في خطاه
ناي على هجرة أرضه خلاص
ومعاه أصحابه في نور الله

* زدني .. إيمان ويقين
إوعدني .. بالقرآن
وان كنت ليله حزين
إشفيني بالغفران

* زدني .. أمل في حماك
واسقيني نهر الضوء
متعني من رؤياك
خلي وجودي .. شروق

* يا ربنا الموجد
كلي أمل وإيمان
إوعدني بالموعد
واسقيني لو عطشان



غار النبي ..



* لو أذكرك .. أرتاح

لو أشكرك .. بتزيد

الفجر .. نوره جناح

وشموع حنان بتقيد

* زدني .. يا زاد الروح

واسندني .. في المشوار

وان كنت يوم مجروح

إشفيني بالأذكار

تخرج م الغار ..

تلقى الكفار بتزيد و تزيد

مواعيد الهجره ..

خلاص ها تحين

وتبص لكل الناس يا أمين

وتخاف ع الصحبه وع الخلان

فتحضّر زادك للأسفار

سفرك يا حبيب الله أسرار

وتجمع كل صحابك يوم

تبدأ في رحيل



غار النبي ..



توصل لمدينة النور مرتاح ..
الناقه هاتلقي مكان مأهول
مأموره الناقه من الرحمن
تخرج ملايين بنشيد محفوظ
مين اللي ها يقدر
بالقرآن يا حبيبي يفوز
مين اللي ها يجمع شجر اللوز
لو حتى تعوز لبن العصفور
الكل يلبي يكون خدام
وانت الإسلام
خلّك خدام لجميع القوم
ووصلت يا طه في يوم معلوم ..
قايد بنهار
وفارقت الغار

* في كل خطوه يا مصطفى
ألقاك إمام ع العالمين
الله يا أنهار الصفا
يا نور من الحق المبين
* يا هادي .. لو في الروح قلق



غار النبي ..



ننده عليك .. تطفي الهموم
سبحانه هو اللي خلق
يا حبيبي .. يا بحر العلوم
* الدمع ينزل ع الخدود
بين الزحام .. جوه المقام
الله على طعم السجود
في الكعبه .. بين أسراب حمام
* يا طه .. كل الدنيا ليك
متزوقه .. متشوقه
كل الصحابه .. روحها فيك
يا أصل شمس الشفقشقه
* طه .. أنا .. جيتلك حزين
ورجعت طاير م الفرح
يا مصطفى الهادي الأمين
إنت الدوا .. للي انجرح

